

LUKIM OL RIPOT
LONG WANTOK
NIUSPEPA TUDE

Minista bai
stretim nem
bilong ol
ovasis lain
- p2

Guria na
Lahanis
bai brukim
bun long
SP Kap
fainel
- p32

Lukim ol
nius bilong
Hailens
-
p7

Sampela
tingting bilong
kamapim ol lik-
lik wok bisnis
- p15

Pes 30
Winim
prais,
painim
bal resis

Stretim gut nem long Komon Rol buk, Komisnin i tok

YAKAM KELO i raitim

OLGETA manmeri i mas go stre-
tim nem bilong ol long Komon Rol
buk taim ol lilektorel Opisa i
kamap long ples, Ekting lilektorel
Komisina Andrew Travern i tokaut
long dispela.

Mista Travern i tok maski ol
manmeri i gat nem long 1997 na
ol i bin vot long nesenel ileksen,
ol i mas go tasol na sekim sapos
nem bilong ol i stap yet o nogut
nem bilong ol i no stap.

Olgeta manmeri long olgeta
ples i mas go sekim dispela buk
na stretim nem o sekim sapos
nem i stap yet na wanpela man o
meri i noken ting olsem nem
bilong em i stap pinis na i laik
lusim na go. Ol i mas sekim tasol,
Mista Travern i tok.

Mista Travern i tok dispela wok
i go het yet na isi isi insait long

wanwan loko level gavman eria
na wanwan ilektorel insait long ol
provins.

Tasol em i bilip bai wok bilong
ol long stretim gut ol nem long
Komon Rol buk bai pinis gut
bihainim taim. Ol i ting long pin-
isim dispela wok long mun Epril
pastaim long taim bilong 2002
nesenel ileksen i stat.

Mista Travern i tok tu olsem
dispela wok bilong stretim ol nem
long Komon Rol buk em long
raitim nem bilong ol yangpela
husat krismas bilong ol i kamap
18 na inap vot long jenerel ilek-
sen long neks yia na i go na tu
rausim nem bilong ol lain husat i
dai pinis na nem bilong ol i stap
yet long Rol buk. Tasol i gutpela
long ol manmeri i kam na sekim
nem bilong ol tasol, em i tok.

Mista Travern i tok em i bilip bai
Fainens Dipatmen i redim sam-
pela mani na givim i go long opis
bilong lilektorel Komisnin long

mekim wok bilong ol wantaim. Na
em i bilip tu bai ol nem long
Komon Rol buk bai stret na gut-
pela.

Dispela wok i wok long go het
tasol i gat pret wok ya bai stop
sapos gavman i no givim inap
mani bilong ol wokman i karimaut
wok bilong ol insait long olgeta
provins long Papua Niugini.

Elektorel Komisnin Dairekta
Michael Malabag i tokaut olsem
gavman i mas givim helpim mani
long Komisnin long karimaut wok
bilong stretim gut ol nem long
Komon Rol buk bilong neks yia
jenerel ileksen.

Namba wan hap bilong stretim
ol nem long Komon Rol buk i
pinis na ol wokman i laik go insait
long namba tu hap bilong dispela
wok tasol hevi bilong mani long
kariamaut wok inap stapim disp-
pela wok long go het gut bihainim
taim.

Mista Malabag i no bin tokaut

long amas tru gavman i mas
mekim redi long givim i go long
lilektorel Komisnin i karimaut wok
bilong em.

Opis bilong Trensperseni
Intanesenel na Australia lilektorel
Komisnin tu i sanap wantaim na
askim gavman long givim mani i
go long lilektorel Komisnin long ol
ken karimaut wok bilong ol gut
bihainim taim ol i makim.

Long sait bilong helpim wan-
taim mani, Morobe Provinsal
Gavman i bin givim K326,000 i go
long Morobe Provinsal lilektorel
Opis long go het wantaim dispela
wok bilong stretim gut nem bilong
ol manmeri bilong Morobe
provins long Komon Rol buk.

Gavana bilong Morobe Luther
Wenge i bin givim dispela helpim
mani long las wik Tunde long Lae
long stretim gut ol nem long
Komon Rol buk bai ol Morobe
pipel i ken gat nem na vot gut
long taim bilong jenerel ileksen.

Amerika i paia

AMERIKA i paia long Tunde dispela wik taim
tupela balus i ron i go na bamim wanpela
longpela tawa we paia i kirap na planti man-
meri i dai na planti tausen i kisim bikpela
bagarap.

Insait long dispela tawa em namba olsem 6-
pela manmeri i dai na planti tausen wokman-
meri na ol lain i go kam long dispela bikpela
tawa i kisim bikpela bagarap.

Dispela bikpela tawa em ol i kolim Wol Tred
Senta we i sanap stret long biksiti Niu Yok
long Amerika. Longpela bilong em i olsem 110
stori na i gat olsem 40,000 manmeri i save
wok long dispela bikpela opis olgeta de.

Ol ripot i kam long ovasis i tok ol ai witnes i
bin lukim wanpela liklik balus i flai i go stret na
brukim stret dispela bikpela tawa na smok
wantaim paia i kirap. I no longtaim gen, wan-
pela bikpela balus i flai i kam stret gen na
bamim dispela bikpela tawa we paia i kirap
bikpela moa.

Tasol ripot i kam long American Airlines



(balus kampani) ol i tok tupela bikpela pasin-
dia balus bilong ol i bin bungim birua.
Wanpela bikpela balus em Boeing 767 na i
laik ron long Boston i go Los Angeles wantaim
81 pasindia, 9-pela eahostes na tupela pailot.
Narapela balus em Boeing 757 i laik ron long
Washington Dulles i go long Los Angeles wan-
taim 58 pasindia, foapela eahostes na tupela
pailot. Namba bilong olgeta lain long tupela
balus wantaim em 156.

Presiden bilong Amerika George Bush i tok
dispela em wok bilong ol birua lain ol i save
kolim ol teroris. Olsem na em i askim ol atori-
ti long sekim olgeta samting long painimaut
husat tru i go pas long kamapim dispela birua.

Amerika em wanpela bikpela kantri tru
insait long wol na kain samting olsem we i
kamap i gat ol bikpela as long en.

Ol ripot i tok ol man nogut i bin hensapim
wanpela bikpela pasindia balus we dispela
balus i go stret na bamim dispela bikpela
tawa.

PLIS RIPOT

MOSBI: Raskol i brukim Nesenel Musium long Mosbi na stilim ol kompiyuta na ol mesin we i save stap insait long opis. Olgeta samting i mak long K40,000. Ol hetman bilong musium i no amamas long dispela samting na plis i wok long traim painimaut husat tru i mekim dispela pasin.

SEPIK: Plis i kilim i dai wanpela bikman bilong ol raskol long Wara Sepik eria. Ol raskol i wok long stil na bagarapim laip bilong planti komyuniti husat i save silip arere long Wara Sepik na long dispela wik tasol plis i kilim i dai bikpela hetman bilong ol dispela raskol.

Plis i tok ol raskol i mas tingting gut bikos plis bai mekim save long ol taim ol i lukim laip bilong ol yet bai bagarap.

BUKA: Plis i wok long painim wanpela lapun man em sampela yut i bin makim gan long em na kisim em i go insait long bus. Ol yut i bin toktok olsem lapun man ya pikinini man bilong em i bin mekim blek pawa long ol na ol i belhat nogut tru. Taim ol i go long kisim pikinini man ya em i no stap na ol i kraim lapun man i go. Plis wok long painim i go tripela wik nau na ol i ting olsem ol i kilim lapun pinis.

WABAG: Plis i holimpas wanpela man husat i bin hans apim ol woklain bilong PNGBC long Pogera. Man ya em plis i toktok wantaim na i stap long Wabag plis stesen na bai ol putim sas klostu taim.

* Plis i holimpas faipwela man long dai bilong faipwela liklik pikinini long Kompiam las mun. Plis i wok long askim long i stap inap kain taim we ol i painimaut husat tru i mekim rong na bai ol i ken bringim i go long kot.

HAGEN: Wanpela man husat i bin kilim narapela man taim man ya i bin paul wantaim meri bilong em. Man ya tokim plis olsem man em i bin kilim em i bin silip wantaim meri bilong em long haus na em i lukim dispela na i belhat na kilim em i dai. Plis i bin holim em i stap inap nesenel kot i salim em long kalabus long 7-pela yia.

GOROKA: Nogat wanpela hevi i kamap long provins na ol pipel i wokbung wantaim plis long kamapim gutpela Goroko So long neks wik.

Plis ripot i tok provins i stap isi tasol na wet tasol long taim bilong so.

Pangu long Madang redi long 2002

PANGU Pati i gat bilip olsem em bai kam bek strong moa yet long neks yia jenerel ileksen na winim planti moa sit long Madang provins.

Long 1992 na 1997 ileksen Pangu i no bin winim wanpela sit long sevenpela ilektoret tasol nau em i gat plen long kam bek gen long neks yia ileksen.

Madang Pangu Pati brens presiden Caspar Anggua i tok pati ya i redi tru long go long ileksen wantaim planti

sapot bilong ol pipel long provins.

Mista Anggua i tok pati i gat bikpela tingting long ol pipel nogat helpim i save kam long nesenel eksekutiv tasol ol yet i bin makim ol man bilong go pas long lukautim ol plen bilong neks yia.

Em i tok plen bilong ol em long winim planti open sit na rijinel sit tu olsem ol i bin mekim bipo long 1977 na 1982 ileksen taim ol i bin winim olgeta sevenpela

FRANK GENAIA i raitim

sit long provins. Mista Anggua i tok olsem planti kendidet i soim sapot bilong ol na ol i laik sanap ananit long pati long neks yia.

Sekretari bilong pati Asi Leanna i tok mak long 50 kendidet i bin aplai long sanap long 6-plea open sit na wanpela rijinel sit.

Em i tok bai ol i no inap makim ol nating tasol bai ol i skelim gut ol

lain husat i laik sanap na makim wanwan gutpela lain tasol bai sanap.

Mista Leanna i tok tu olsem lo i tok olsem i tambu long ol politikel pati i mekim ol kempein nabaut na ol i mas wet inap neks yia Epril tasol planti pati i no bihainim lo na ol i stat kempein pinis.

Planti gutpela pati tu i wok long kamap long provins tasol em i gat bilip olsem em bai sanap strong bikos sapot we i kam long ol

mema bilong pati i strong tru na givim gutpela sans long ol i ken traim 2002 long win.

Mista Anggua i askim ol memba bilong pati long ol i mas kempein long stretpela we na noken yusim paul pasin long winim sapot nabaut bilong ol pipel.

Em i tok ol memba mas wok hat tru long sanap na soim ol pipel olsem ol inap long sanap na makim maus bilong ol long palamen.

Pablik presa long supa nambis Koki rot

OL komyuniti long Koki na Ela Bis i belhat long nupela friwe rot wok i kamap na bagarapim hap eria.

Ol komyuniti long dispela tupela eria i kirap nogut na belhat bikos wantaim nogat tok-save, ol i lukim ol bikpela trak i go het na brukim na rausim ol bikpela hap graun long Koki Poin maunten na skruim dispela taim ol i tromoim ol bikpela ston na pipia long poin i stap. Ol lain i belhat long dispela rotwok i bagarapim dispela hap nambis eria.

Tasol ol konstraksen wok i go het na ol i karamapim pinis bikpela hap solwara wantaim

graun inap long Ela Bis na tu hap we ol bot i save stap long en. Dispela ol wok i kamap long kliarim ples na ol bai wokim dabel tulein friwe rot i raunim poin na Ela Bis.

Tasol dispela wok i bagarapim envaironmen na ol i sakrifaisim intres bilong komyuniti long tromoim planti mi an kina long wokim narapela rot insait long siti.

Ol Samba ov Komes memba insait long wanpela bung bilong ol long laŕ Fraide i bin tromoim planti askim i go long Siti Manesa Bernard Kipit long as tingting bilong em long dispela Koki/Ela Bis rot.

Luksave i bin stap olsem ol bai sevim Ela Bis na wok bai stop long Laws Rot tasol i luk olsem ol sikret toktok i stap long bekgraun bilong projek na tu nogat ripot, ol Samba memba i stap isi. Ol bin kwestonim tu taim bilong karimaut dispela projek. Long dispela taim, ol SMEC konsalten aninit long stia bilong NCDC i wok long karimaut wanpela sevei wok long redim nupela Lokol Developmen Plan long dauntaun eria i karamapim Ela Bis na Koki Poin. Ol bin askim lida bilong grup, Sandra Finster long edresim miting bilong Samba long tok klia long ol wanem

samting i stap insait long ol wok progres long dispela stadi.

Mis Finster i bin tok stadi bai kisim i go insait long en ol rekomendesen long trafik na rot. Wok i stap nau long namba tu hap bilong em we bai lukluk long sait bilong developmen

Dauntaun Developmen Plen em i namba wan long ol wok long dispela sait we Nesenel Kapitel Distrik i laik karimaut.

Em bai wanpela pailot projek we bai kam aninit long nupela rot NCD i laik bihainim long taun plening bilong em. Dispela bai i karamapim sosel, kalseserel na envaironmen sait long en.



Sogeri paia long ol kainkain singsing!

• Ol sumatin meri bilong Bogenvil i bin kukim ples wantaim ol Solomon danis long "Sogeri Singsing" de antap long skul las Sarere. Piksa: DENISE HATUTASI.

Moa telepon kampani inap kamap

PEKU PILIMBO i raitim

MINISTA bilong Komyunikesen John Kamb i tokaut las wik olsem Gavman bai lukluk gen long stretim tok orait bilong moa telepon kampani i kamap long PNG.

Mista Kamb i tok Pangtel i redi tasol long stretim na givim laisens bilong ol nupela kampani long komyunikesen bisnis long kantri.

Em i tok olsem Nesenel Eksekutiv Kaunsel (NEC) bai givim fainel tok orait.

Sapos Gavman i tok orait, moa telepon kampani inap kamap long kantri na prais bilong mekim telepon kol bai inap kam daun.

Mista Kamb i mekim tok olsem taim em mekim lukluk raun bilong em long opis bilong Pangtel, em i ting olsem Pangtel i gat olgeta samting long luksave wanem man i no bihainim gut lo bilong salim na kisim toktok. Dairekta Jenerel Philip Aeaava i sapotim na tok olsem las disisen bai i kam long gavman.

Em i tok Pangtel bai bihainim tasol wanem tingting gavman i kamap wantaim long bihain bilong komyunikesen industri insait long PNG.

Planti telepon kampani bai resis long salim sevis long ol pipel na dispela inap kamap aninit long lukaut bilong Pangtel.

Telikom lo bilong 1996 i stapim nupela kampani komyunikesen na dispela tambu i pinis long kris-mas bilong dispela yia.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

Acting General Manager and Group Editor in Chief: Anna Solomon.	Papers distributed by air throughout PNG. Available by air mail subscription within Papua New Guinea and overseas
Acting Advertising Manager:	Email address: word@global.net.pg
Editor of Wantok: Yakam Kelo	

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

TORO

LONG TABUBIL TOROWIKIM OLSEM OL OK TEDI I WOK LONG PEIM OL LAND-OWNERS KOMPENSE-SION MONI...

SANS FRIMONI YAH!

NOTIS OK TED PEIM KOMPEN

PABLIK AFEA

TORO INO LANDOWNER, TASOL EM TINGTING LONG GO KISIM MONI NATING...

EM DRESAP OLSEM OL ASPLES MAN NA TEK-OFF I GO LONG KISIM MONI...

EM NAU!! HAU BAI OL I SAVE OL IBA TING MI BILONG WANGBIN!

LONG HAP, BIKMAN I ASKIM EM...

NEU PLUS..

TORO OF WANGBIN!!

WET.. MI LU.. KIM LIST PASTAIM... UAN.. SORI NOCAT NEU HA.. SEKURITI, RAI-SIM MAN YA EM KON YAH!

LISTA

OL SEKURITY KIRAP NA RONIM TORO... TORO RAN IGO LONG MAINSAIT NA OL BIKPELA TRAK INO ISI LONG EM...

KATAMONO!

BAGA KISIM TAIM STREET.

Plisman tok ol yuni studen sut long ol



Helpim Ruthy Samson • Liklik meri Ruthy Samson husat i gat 10-pela krismas bilong i wok long painim mani long baim haus sik long stretim hevi long lephan bilong em. Ruthy i bilong ples Menye long Menyama long Morobe provins na em i kisim sik ol i kolim elipentaitis long han bilong em. Liklik sikirap tasol na han i solap kamap olsem. Em i mas go long Australia haus sik bai ol dokta i katim. Lukim stori long pes 18. Foto: Dapsy Mingka.

HILDA WAYNE i raitim

KOT bilong dai bilong ol yuni-vesiti studen long Jun i wok long go yet na planti lain tru i bin kam givim toktok long-dispela kot.

Kot em ol i kolim Komisen ov Inkuari i harim planti moa toktok i kam long ol studen, plisman na ol leksara bilong yuni husat i bin stap long taim dispela protes mas i bin kamap we i lukim foapela yangpela man i bin dai.

Wanpela wokman bilong CIS Ministri i bin tokim kot asde olsem long Jun 25 long nait moa long 200 i go 300 studen i bin stapim kar bilong em long eria bilong yuni na ol i tokim em long wokabout i go long haus.

Mista Sauno Yamo i tokim kot olsem taim em i bin draiv i kam olsem long rot bilong yuni ol studen i stapim ka na rausim em i go ausait na kukim paia long ka bikos ol i tokim em olsem em i ka

bilong gavman.

Narapela meri husat i bin kam givim toktok bilong em em Dokta Julienne Kaman na em tu i mekim sampela toktok long kot.

Em i tokim kot olsem dispela straik em laik bilong ol studen yet i bin kamapim na nogat wanpela i givim toktok o sutim bel bilong ol studen long straik.

Dokta Kaman i tok planti lain i bin tok olsem em wantaim sampela narapela leksara long yuni i bin givim planti toktok long ol studen long straik tasol dispela toktok i no tru bikos ol studen i bin kamapim wanpela vot ol i kolim referendum we i lukim moa long hap long ol studen husat i vot i laikim olsem ol i mas straik.

Dokta Kaman i tokim kot yet olsem planti taim ol studen i bin harim toktok bilong len mobilaisesen, praivetaisesen na ol rifom nabaut tasol ol i no mekim wanpela toktok i kam inap taim ol i toktok long praivetaisesen nau em ol bin straik.

Em i tok ol dispela kain senis i wok long kamap long kantri em ol pipel i gat rait long egensim wanem kain toktok bilong gavman bikos em we bilong gutpela demokresi.

Narapela plisman Konstabel Jack Kiina, husat i bin go long Mosbi wantaim Mobail Skuat bilong Hagen i tokim kot olsem taim ol i bin go long yuni long lukim hevi i kamap long yuni planti ol studen i bin stap na tok nogut long ol tasol ol plisman i no bekim toktok na harim tasol i stap.

Kot i harim olsem ol studen i bin yusim petrol bom na toromoi long ol plis tasol nogat wanpela i kisim bagarap.

Em i tokim kot olsem ol plis i no sutim ol studen.

Long Tunde tu narapela plisman i tokim kot olsem ol studen i bin yusim gan long sutim ol plis.

Kot bai harim moa toktok yet inap pinis bilong dispela mun na bihain mekim ripot.

Noken yusim sik manmeri nating

PEKU PILIMBO i raitim

NOKEN yusim ol manmeri wantaim sik HIV/AIDS long kamapim biknem na bihain lusim ol olsem pipia.

Friends Foundation Dairekta Tessie Soi i tok olsem bihain long wanpela man wantaim HIV/AIDS em i lukautim i go kisim K60 long kamapim wanpela piksa wantaim Nesenel AIDS Kaunsel.

Friends Foundation em wanpela NGO grup husat save lukautim ol manmeri wantaim sik HIV/AIDS. Ol wok manmeri i save go lukim ol sik lain long haus bilong ol. Taim ol i gat mani ol i save baim kaikai na go sindaun stori wantaim sik manmeri long haus bilong ol.

Friends Foundation i stap bilong helpim ol pipel wantaim HIV/AIDS husat pipel bilong ol yet i les long ol.

Misis Soi i tok nogat helpim save kamap na man bilong em i save helpim em long em i ken lukautim ol sik manmeri husat kam long em.

Em i kros olsem man

ya i wanpela memba bilong Friends Foundation tasol ol man i yusim em long mekim piksa nating na ol i no askim tok orait.

Em i tok ol edvaisa bilong Nesenel AIDS Kaunsel i yusim sik man ya nating na i no givim em wanpela gutpela samting.

Misis Soi i tok wari olsem i no gutpela long ol man i yusim nating sik manmeri.

"Long ol man husat yusim pipel bilong mipela long winim samting i no gutpela.

"Mi laik salensim husat manmeri i mekim dispela pasin long ol pren bilong mi. Karim marasin i kam na larim ol stap longtaim liklik.

"Noken yusim ol na larim ol i stap na taim pinis yu lusim ol na ronawe," em i tok.

Em i tok ol edvaisa i no save long lukautim ol sik manmeri bihainim pen bilong yumi stret.

Ol i sanap longwe na lukluk tasol na taim ol laikim wanpela samting ol i save hariap tasol kisim na go aut hariap stret.

Moa long 60 manmeri husat gat HIV/AIDS i rejista pinis wantaim Friends Foundation.

Em i tok i no long taim bai em traime surikim na opim narapela opis long narapela senta insait long kantri.

Wok bilong Friends Foundation em long lukluk long ol manmeri wantaim HIV/AIDS na givim gutpela sapot taim sik i bagarapim ol.

Planti taim ol manmeri i no klia wanem sik AIDS na i save les long ol manmeri wantaim dispela sik.

Friends Foundation i laikim Nesenel AIDS Kaunsel, Provinsel AIDS Komiti na wanem narapela grup husat traime pait egensim sik AIDS i mas bung na wok wantaim na noken yusim narapela nating.

Plisman kisim bagarap i wetim namba tu operesen

TUPELA plisman husat i kisim bagarap long Sirunki, Enga provins las wik i stap yet long Hagen Jenerel Haus sik bihain long ol dokta i katim tupela long rausim hap bunara long wanpela na narapela ol i traime long rausim hap bulet i stap insait long bel bilong em.

Westen Hailans Provinsal Plis Komanda Allan Kundi i tok em i bin go lukim tupela plisman i stap long Hagen haus sik.

"Wanpela i toktok wantaim mi na em i stap orait na narapela em i no mekim planti toktok na i silip tasol i stap," Mista Kundi i tok.

"Bulet i go long olgeta hap insait long bel bilong em na i stap yet insait long bodi bilong em," em i tok.

Konstabel Benjamin Tumu i bin kisim bunara long ol birua taim ol i bin laik bagarapim em wantaim susa bilong em na ol dokta i rausim hap bunara taim ol i mekim wanpela operesen long dispela wik.

Mista Kundi i tok Sinia Konstabel Mokoso Maliso em ol i bin sutim em long gan na ol dokta i bin painim hat tru long rausim bulet long bodi bilong em.

Em i tok Konstabel Mokoso i wok long silip tasol i stap na em i no toktok planti bikos bulet i bruk i go stap long olgeta hap long bel bilong em taim ol i bin sutim em long Sirunki.

Mista Kundi i tok dokta traime long katim em tasol bulet i stap long hap bilong bel we i hat tumas long katim olsem na ol i

larim i stap long traime lukim na katim em gen.

Dokta i wok long lukluk long Mista Mokoso yet na sapos ol i no inap rausim bulet bai ol dokta yet i mekim disisen long salim em i go long Mosbi long bikpela operesen.

Hailans Komanda Tony Wagambie i tok ol i holimpas wanpela man pinis husat i bin bung wantaim ol lain bilong em na bagarapim ol plisman na planti moa plis long Hagen i go long Enga long stapim moa trabel long kamap.

Long narapela stori bilong provins, Mista Wagambie i tok tu olsem plis i holimpas sampela man husat i bin kilim i dai faivpela liklik pikinini long Kompiam long las mun.

Pawa bilong makim ol Gutpela Lida o Lida Nogut i stap long vot bilong yumi



NESENEL na Lokol Gavman Ileksen bilong neks yia i mas fri na fea, ektung Ilektorol Komisina Mista Andrew Trawen i tok tudei.

"Sapos ileksen i no fri na fea bai i gat kain kain hevi," Mista Trawen i tok.

Em i tok gutpela Komon Rol wantaim stretpela toktok tru bilong ol kwolifaid vota bai soim ol pipel olsem ileksen i fri na fea.

"Wok bilong enrolim ol kwolifaid vota na putim nem bilong ol Komon Rol em i impotent tru olsem na mipela long Ilektorol Komisina i hamamas tru long Morobe Provinsel Edministresen," Mista Trawen i tok.

Morobe Provinsel Edministresen i bin givim K326,000 long sapotim wok bilong vota enrolmen.

"Dispela bai helpim Ilektorol Komisina long pinis gut vota enrolmen na stretim gut Komon Rol bipo long ileksen neks yia," Mista Trawen i tok. "Tenkyu tu Westen Provins, Yupela rait olgeta."

Komon Rol em i ileksen buk wantaim nem na stori o toktok bilong ol wanwan kwolifaid vota na wok bilong Ilektorol Komisina em i long stretim na lukautim gut olgeta ileksen insait long Papua Niugini.

Gutpela Komon Rol bai stopim ol giaman manmeri long paulim ileksen na yusim ol kainkain nem long vot planti taim na givim bikpela vot i go long kendidat bilong ol, Mista Trawen i tok.

Ol pes lain long sapotim vota enrolmen, pro-

gre wantaim mani bilong mekim wok em i Westen Provinsel Edministresen, Mista Trawen i tok. "Tenkyu tu Westen Provins," Mista Trawen i tok.

Em i tok Westen na Morobe Edministresen i tok pinis olsem ol i no nap askim Ilektorol Komisina long bekim bek mani em ol spendim long wokim vota enrolmen.

Long stat bilong dispela yia, Ilektorol Komisina Mista Reuben Kaiulo i bin askim ol wanwan provinsel edministresen long sapotim vota enrolmen long provins bilong ol.


Mista Trawen i tok Ilektorol Komisina i bihip yet olsem wok bilong enrolim ol vota na stretim gut Komon Rol bai pinis bipo long taim bilong ileksen neks yia.

"Mipela trasim tru nesanel Gavman bilong yumi," Mista Trawen i tok, "na mipela bihip yet olsem Fainens Dipatmen bai givim mipela liklik moa mani long pinisim gut vota enrolmen long olgeta hap bilong kantri."


Mista Trawen i tok nesanel Gavman i save olsem gutpela Komon Rol wantaim stretpela toktok tru bilong ol vota em i impotent tru. "Gutpela Komon Rol bai soim ol pipel olsem ol giaman manmeri i no nap paulim ileksen na ileksen bai i fea tru," Mista Trawen i tok.

Vota enrolmen bai i go yet na pinis long Epiil 4 neks yia taim ileksen bai stat.

• PNG Ilektorol Komisina i sponsorim dispela Ileksen Tok Save.



NIUGINI AILAN NIUS



Is Nu Briten Gavana Dion laik kirapim bek Kwaia Festival

IS Nu Briten i laik kirapim bek Kwai Festival we ol binsave holim long 1960 inap long namel bilong 1970.

Gavana Leo Dion i laikim dispela long kamap na long las wik em bin givim wanpela sil i go long Yunaitet Sios long provins bilong kirapim bek dispela kwai festival.

Namel long 1960 na 1970, dispela kwaia festival i bin bikpela samting bikos ol skul na ol ples grup long olgeta hap bilong Is Nu Briten i bin save bung na holim festival ya insait long wanpela wik olgeta. Na ol pipel i save amamas na laikim stret dispela festival na redi long em olgeta yia.

Gavana Jenerel Sir Silas Atopare i bin autim tingting na laik long kirapim bek Kwaia Festival long provins taim em bin visitim Sonoma Ewentis Sios Kolis long 1998 olsem ges long greduesen bilong ol. Em bin wanpela sumatin long dispela


skul long 1960 na em i save amamas long go insait long ol kwaia festival. Na tu long harim nek bilong planti kwaia grup long is Nu Briten, moa yet ol skul pikinini i kamap wantaim ol naispela nek bilong ol.

Sir Silas i bin save singsing wantaim Jones Misinari Kolis kwai grup.

Taim Mista Dion i prisenim sil ya, em bin tok kwaia festival ya i bin wanpela long ol samting we i bin save kamap long provins na pulim planti manmeri na pikinini long en long ol yia bipo. Ol narapela em long Tolai Warwagira, Kokopo Agrikalsa So, Rabaul Franjipeni Kwes na ol arapela kalsereel festival we i gat mak long histri bilong provins.

Mista Dios i bin autim tingting bilong em long dispela las mun long taim bilong namba seven mask Festival long Kokopo.

Em bin tok provins bai



• Leo Dion

kirapim bek ol dispela kain samting na Kwaia Festival bai kamap pastaim long ol.

Taim em bin toktok long George Brown de long Gaulim Mista Dion i bin tok em laik lukim Yunaitet Sios i go pas long kirapim bek Kwaia Festival resis na olsem em i lusim sil long han bilong ol.

Famili bilong sapotim pis agrimen

"Mi amamas long stap long Bogenvil PisAgrimen saining long Arawa.

"Ol pipel i bin laikim gavman i gat moa pawa long longpela taim na nau mi amamas samting tru olsem Nesenel Gavman i luksave long laik bilong ol pipel na saining i kamap." Scholastica Miriori i bin tokim Wantok.

Scholastica em misis bilong Martin Miriori, wanpela strongpela Bogenvil Revolusen Ami mausman long taim bilong hevi. Bikos long ol planti wok, Mista Miriori i no bin kam long sainim

Em wantaim famili bilong em nau i stap long kantri Holan. Ol i kamap olsem ol sitisen bilong hap na ol i fri long i go na i kam long wanem kantri long wol ol i laik gomlong en.

Long taim bilong hevi, PNG gavman i bin putim tambu long Mista Miriori long noken krugutim graun long PNG tasol nau ol samting i kamap orait.

Misis Miriori i bin kamap long Bogenvil wanpela wik bipo long sain-

ing long stap insait long Bogenvil Wimen's samit long Arawa.

Em i bilip olsem ol pipel bilong Bogenvil nau i yunait o bung wantaim pinis long kamap long dispela hap rot bilong painim gutpela sindaun.

"Ol pipel i bin laikim gavman i gat moa pawa long longpela taim na nau mi amamas samting tru olsem Nesenel Gavman i luksave long laik bilong ol pipel na saining i kamap."

- Scholastica Miriori

Em bin tok maski ol i stap longwe long Bogenvil, ol i sapotim strong ol wok na wanpela de ol bai kam bek long ples long helpim wantaim ol wok long kirapim, stretim na go hetim ol wok we ol pipel na lida i wokim i stap nau.

Yuniti na lusim ol gan em bikpela samting

VERONICA HATUTASI i raitim

YUNITI na lusim ol samting bilong pait em tupela bikpela samting we i mas kamap strong long Bogenvil long ol samting i stap insait long agrimen i go gut.

Sampela long ol toktok we Bogenvil Revoluseneri Ami lida Ishmael Toroama i mekim long saining seremoni i narakain long ol tingting we planti pipel long ailan i gat.

Tru Mista Toroama i bin sainim agrimen, em bin tok ol BRA i strong yet long Bogenvil i mas kisim independens hariap.

Em i tok ol i laikim bai Bogenvil i kisim independens insait long tripela yia bhain

long nupela gavman i sanap na i no bhain long 10 na 15 yia olsem i stap insait long agrimen.

Mista Toroama i bin tok BRA i no bin stap insait long ol toktok we i bin kamapim agrimen.

Resistens lida Hilary Masiria husat i bin sainim tu agrimen i tok grup bilong em i sapotim agrimen.

Tasol planti pipel long Bogenvil i amamas olsem provins bai kisim nupela gavman wantaim moa pawa na i no ol lain long longwe ples olsem Waigani.

"Em i gutpela olsem Nesenel Gavman i givim nupela gavman tasol long em i wok gut, ol pipel long olgeta hap bilong ailan na wanem grup i mas yunait. Mi pret olsem sapos ol kain hevi i kamap na yumi

no lukautim gut dispela ol samting yumi bai kisim insait long agrimen, asua bai kamap. I nogat wanpela grup i ken tok dispela samting em i bilong em, nogat, em i bilong yumi olgeta.

"Bikpela samting em ol pipel i mas yunait long nupela gavman i wok gut. Dispela em namba wan rot kisim independens na gutpela wok bung wantaim na tu lusim ol samting bilong pait em namba wan rot long bhainim long rot yumi wok long pait, krai na dai long en," John Mikai bilong saut Bogenvil i bin tokim Wantok niuspepa.

Sief bilong Arawa Raphael Niniku i bin tok em i tok tenkyu long PNG gavman long tok orait long Bogenvil i gat nupela gavman we ol pipel i gat pawa long planti bikpela samting.

WANTOK NIUSPEPA BILONG OL PNG STRET

P. O. Box 1982, Boroko
Telepon namba: 325 2500
Feks namba: 325 2579

PE BILONG WANPELA YIA 52 NIUSPEPA

PLES	AIR
PNG	K 68.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00



Redio Nu Ailan lusim long taim niusmeri

HAN bilong Nesenel Brotkasting Komisn long Kavieng, Nu Ailan i bin lusim wanpela long taim wokmeri bilong em las wik.

Leit Oripa Taula i bin wok olsem redio anaunsa long Redio Nu Ailan na NBC long 27 kris-mas taim em i dai long las Sande.

Em i dai long hevi long lewa. Long mun Jun long dispela yia, em bin pundaun na hapdai na ol i kisim em i go long Kavieng haus sik. Stat long dispela taim, helt bilong em i no orait. Rait sait long bodi bilong em i bin bagarap na i no save muv, stat long taim em i pundaun. Leit Misis Taula i

bilong ples Lokono long Wes kos insait long Tigak eria long Nu Ailan. Em i gat faipela pikinini. Man bilong em i bin gutpela pren bilong ol lain em i wok wantaim, ol faipela pikinini na man bilong em man bilong em husat i bin wok olsem redio teknisen wantaim Redio Nu Ailan.


Taim em i wok wantaim NBC na Nesenel Kaunsil bilong ol meri, em bin kisim bikpela eksperiens na save na em bin go ovasis tu long skruim skul. Em bin wokim planti ol sot kos tu long Mosbi. Planti lain husat i save harim Redio Nu Ailan bai i no inap harim nek bilong gutpela redio

pren bilong ol. Long funereel lotu bilong em, Provisnel Edministreta Moses Mokis, Redio Nu Ailan stesen menesa Tonko Nanao, ol woklain bilong NBC na ol famili bilong ol wantaim tu ol famili memba na ol poroman i bin stap inap long ol bin planim long ples bilong em long Lokono.

Gavana Paul Tohian taim em i salim tok sori bilong em na famili long dai bilong Misis Taula iluksave long wok em bin wokim na tok em bin wanpela gutpela anaunsa long provins. Em bin wok long Nu Ailan na Hailens rijen wantaim NBC.



SEPIK NIUS



Wes Papua askim olupela bisop long kamap mausman

FELIX RAMRAM i raitim

OL Wes Papua pipel insait long wanpela pas i askim olupela bisop bilong Vanimo, John Etheridge husat nau i stap long Australia long kamap olsem mausman bilong ol long ovasis.

Pas ol i raitim long 23 Jun long dispela yia i karim sain na nem bilong sief bilong Spiahed na Fri Papua Muvmen bilong Wes Papua, Mista Kiwene Wakerkwa.

Insait long pas sief Wakerkwa i askim John long mekim ol tok-tok sapatim pait bilong ol Wes Papua pipel long kisim independens lusim Indonesia.

Sief Wakerkwa i go het na i tok, bisop John i gat olgeta tokorait long givim ol toktok na ripot i go long ol niusman insait long Australia na tu ol narapela ovasis niuspepa. Pas i tok

55 Krismas olgeta Wes Papua i bin sanap long lek bilong em na pait egensim Indonesia.

Na insait long dispela longpela yia, planti tausen manemri na pikinini wantaim ol Papua na ol tarangu lain i dai long han bilong ami na Gavman bilong Indonesia.

Wantok i save olsem bisop John Etheridge i bin stap long Vanimo "planti krismas" na i gat planti save long ol pait na kra i bilong ol pipel bilong Wes Papua.

Long taim em i pinis long wok bilong em olsem Bisop bilong Vanimo. Planti lain Wes Papua pipel husat i bin kisim ol gutpela toktok na tingting i kam long em i wari tru long em i lusim ol.

Rot bilong kisim sampela toktok i kam long olupela bisop bilong Vanimo long makim bilong em olsem mausman bilong Wes Papua i hat

Vanimo Grin Lokel Gavman kisim K1.35 milien

OL Lokol Levlo Gavman insait long Vanimo Grin i kisim pinis long K1.35 milien. dispela mani Gavman i givim i go stret long 5-pela LLG insait long ilektoret.

Minista bilong Vanimo Grin na Vais Minista bilong Tred na Industri, Micah Wes, i tokaut olsem dispela i "namba wan taim tru" long Opis bilong Nesenel Tresera i givim Warent bilong dispela mani i go long han bilong wanpela Nesenel Palamen Mema bilong Wes Sepik makim ol LLG. Mema i tok dispela pasin bilong givim aut mani bilong LLG i go long ol memba i mas stap oltaim. Bikos planti taim wanem mani gavman i

givim i go long LLG i save hait na pipel i no save LLG bilong ol i gat mani.

Mista Wes i tok: dispela K1,559,500 Gavman i givim i go long 5-pela Lokel Levlo Gavman, ol presiden i sas yusim gut long bringim developmen i go daun long ples.

Wanpela asua i stap long ol LLG em Presiden na ol Wod Developmen Komiti (WDC) i mas wok bung wantaim na luksave long wanem projek i moa gutpela long laik bilong pipel. Bikpela samting em dispela ol projek i mas kamapim sampela gutpela senis na sindaun long ol pipel bilong mipela long ples." Mista Wes i tokaut long dispela samting long taim em i givim Warent Namba 585/2001 bilong 5-pela 150 i go long Opis bilong Provinsel Tresera long Vanimo las wik.

Ol LLG i skelim dispela K1,553.5000 em:

Amanab Lokel Levlo Gavman - K294,400.

Vanimo Eben Lokel Levlo Gavman - K517,500.

Walsa Lokel LOvel Gavman - K192,2000.

Green River Lokel Gavman - K131, 500.

Micah Wes i tokim ol pipel olsem ol wantaim ol Wod Kaunsila na ol Komiti i gat wok tu long mekim, em long was na glasim gut rot ol gavman opisa bilong ol i yusim mani bilong ol i paul, ol i mas hariap long Opis bilong en. Bai ol i ken sekim.

Mista Wes i tok, planti taim ol pipel wantaim tu ol wod kuansila i nogat save long wanem, ol rot presiden na ol opisa i save yusim dispela mani. Na dispela i wanpela as planti kaunsila i no save kisim alausens bilong ol long planti mun.

kamap tu em long sut long banara na supia, ran resis, wokim paia bihainim tumbuna pasin, salim kokonas resis. 100 mita resis, pulim rop resis, volibal resis bilong man na meri, grief pot, basketbal bilong mun na meri. na long nait bai i gat string ben resis na drama wantaim ol narapela bilong hamas 20 Independens De bilong Papua Niugini.

Joe Suano i tok selebren bilong Guriaso bai stat long 17 na pinis long 18 Septemba.

Long 1999 Mista Wes i bin selebretim Independens De wantaim pipel bilong Ananar.

Long 2000 ol pipel bilong Leitire i signautim em na dispela yia pipel bilong Guriaso i singautim em long hamamsim 26 Independens De wantaim ol inap 2-pela de.

Ol pipel bilong Kwontari, Edwaki, Bemba, Nagu na Amamanb bai stap insait long ol amamas bilong dispela de.

Ol pipel bilong Kwontari, Edwaki, Bemba, Nagu na Amamanb bai stap insait long ol amamas bilong dispela de.

Ol pipel bilong Kwontari, Edwaki, Bemba, Nagu na Amamanb bai stap insait long ol amamas bilong dispela de.



Taim wara Sepik i tait dispela hevi i save kamap we wara i save bagarapim ol gaden kaikai, ol haus na pipol i save kisim taim

Ren stat pundaun long Vanimo

VANIMO komyuniti pes bilong ol i stat long laik, bikos ren i stat long pundaun long Sande nait na moning bilong Mande. Klostu 6-pela man i nogat ren na dispela i mekim planti hauslain insait long Vanimo taun, bikpela tru ol publiik sevans na ol lain husat i sindaun long ol setelmen i kisim bikpela taim nogut long i nogat wara.

Ripot Wantok i kisim long ol setelmen insait long Vanimo klostu long bikpela rot, planti long ol i komplem long bikpela das i save bagarapim ol, em ol i sutim tok long ol draiva bilong ol ka na trak long "nogat rispek na

spit kam i go.

"Long san, mipela i painim hat tru long kisim kaikai o dring wara bikos das i sut i go insait long haus bilong mipela.

Ol klos na haus na ol sospen na mipela tu das i bagarapim. Ol draiva, bikpela tru ol lain husat i save wok long Vanimo Fores Prodaks i tingim ol yet na i nogat luskave long mipela ol lain husat i sindaun klostu long rot. Ol hul wara bilong mipela tu i pulap long das na dispela tu i wankain long ol lain husat i gat wara tenk, ol tu dam i go insait long wara tenk bilong ol", ol ripot i tok.

Wes bai bungim pipel bilong em

4,000 pipel bai bungim namba bilong Vanimo Grin, Micah Wes long selebretim 26 Independens De bilong Papua Niugini long Guriaso insait long Kwomtani Sensis Divisen. Planti lain long disepal

hap bai i namba wan taim bilong ol long lukim pes bilong Micah Wes. Kodineta bilong Guriaso Independens De Komiti, Joe Suano i tokim Wantok olsem wokabout bilong memba i go long Guriaso i

bihainim save askim bilong pipel bilong Kwantari long memba long go na selebretim 26 Independens De wantiam ol. Em i tok dispela tingting i bin stap wantaim pipel longpela taim, na dispela yia ol i

strongim wantaim askim ya i go long memba.

Mista Suano i tok, ol pipel i redi gut tru long bungim memba bilong ol wantaim 7-pela o moa singsing grup na 12-pela o moa string ben grup.

Ol narapela gang bai i

NATIONAL HEART FOUNDATION OF PAPUA NEW GUINEA INC.



Sik long lewa bilong ol manmeri i groa nau long P.N.G.

Mipela olgeta i ken kisim dispela sik. Tasol mipela ken mekim sampela samting long daunim sans bilong kisim dispela sik. Wanem samting save kamapim sik long lewa bilong ol manmeri?

Yu gat moa sans long kisim sik long lewa sapos yu:
 . smok
 . blut bilong yu i ron kwik
 . i no save esesais o pilai spot
 . na hevi tumas

Sapos yu gat ol dispela, yu gat bikpela sans long kisim sik long lewa bilong yu. YU gat bikpela sans long kisim sik long sapos sapos papamama o wanpela famili memba bilong yu i gat. Bikos sik ya save bihainim blut tu ya.

I gat moa as long pait egensim dispela sik long

noken kamap long yu.

Hia em sampela samting yu ken mekim:

- Noken smok
- Noken, kaikai ol kaikai i gat gris
- Kaikai moa prut, ol kumu, bred.
- Mekim esesais olgeta de
- Noken fat tumas
- Dokta mas sekim spit bilong blut bilong yu long olgeta yia samting.

Sapos yu bihainim na mekim ol dispela samting long antap, yu gat sans long stap amamasim gutpela helt laip long planti yu i kam.

Bikpela samting em yu mas gat gutpela helt laip. Em bai lewa bilong yu i ken gut long 70 yia na moa, we em bai pamim blut i go gut long olgeta hap bilong bodi. Bikos dispela bai helpim long givim yu moa strong long amamasim gutperla laip, na tu yu no inap indai kwik.

Yu noken ting olsem lewa i stap na yu stap laip. Yu mas mekim sampela samting long sapatim lewa long lukautim yu stap laip. OL manmeri husat i gat sik long lewa pinis i mas harim gut dispela toksave.


Gutpela lewa

Gutpela helt lewa em strongpela masel we mas i gat gupela blut saplai bilong em yet, we i ken saplai blut long ol arapela hap bilong bodi. Mipela mas mekim ol samting olsem mipela tok pinis long antap, bai ol dispela rop bilong blut i karim gut blut i go i kam long ol arapela hap bilong bodi.



P.O. BOX 158
 MOUNT HAGEN, W.H.P.
 PAPUA NEW GUINEA

TELEPHONE: 542 2199
 FACSIMILE: 542 2381
 email: mount_hagen@guinnpkf.com.pg



CI givim K100,000 long Milen Be bilong karimaut solwara abus ripot

KONSEVESEN Intenesenel (CI) i givim K100,000 olsem kontribusen long fandim wanpela projek long skelim ol abus samting i stap long solwara bilong Milen Be provins.

Komonwel Sientifik na Industriel Rises Ogenaisesen(CSIRO), Senta bilong Intenesenel Agrikalsa Rises long Australia na Nesenel Fiseris Atoriti bai karimaut dispela sevei wok insait long wanpela mun. Kos bilong karimaut dispela wok em bai namel long K400,000 na K500,000.

Presiden bilong CI Russel Mittermeir husat i beis long Washington long Amerika i bin tokaut long dispela samting insait long wanpela bung long Madang. Bung ya i bilong toktok long ol wok redi long plening program bilong CI

long Melanesia rijen.

Gavana bilong Milen Be Titus Philemon i bin tokim bung olsem i moabeta long kisim ripot long painimaut mak long si kukumba i stap long solwara bilong Milen Be we provins i ken kisim Ina salim.

Projek ya bilong kisim ripot bai stat long neks mun, Oktoba 11. Ripot bai sut long ol abus samting bilong solwara olsem si kukumba na klemse.

Ol bai karimaut dispela wok long ol ailan olsem Enginia, Loused, Trobrian, Sudes, Wudlak, Amplet na Gudinap Ailan.

"As tingting long long karimaut dispela stok asesmen em long helpim ol pipel bilong Milen Be Provinsel Bislama Menesmen Komiti long mekim ol gutpela disisen," Ben Seta em menesa

bilong Alotau opis i tok.

CI bai yusim mani long haiarim wanpela saiens rises sip na ol kain wok i sut long dispela samting.

"As watpo dispela stok asesmen ripot i kostim bikpela mani em yumi long kantri i sot long ol save-man long dispela eria na olsem yumi kisim ol ovasis lain long karimaut dispela wok," Mista Seta i tok.

Em i tok CSIRO bai wokim namba wan ripoit na prisenim i go long Milen Be Gavman long mun Desemba.

Gavana Philemon long makim ol pipel bilong em i bin givim bikpela tok tenkyu i go long Mista Mittermeier na tokim em olsem gavman bilong em bai yusim gut mani long ol samting ol samting we ol i skelim dispela mani long en.

Oro holim distrik plening woksop

OL RUREL eria long kantri bai kisim gut sevis sapos gutpela plening i stap, Oro Provins Etnministrata Raphael Yibmaramba i tok.

Mista Yibmaramba i tok i moabeta long ol Lokol Level Gavman i stap insait long plening wok bikos em ol tasol i save kisim ol sevis samting bilong stet i go long ol pipel.

Mista Yibmaramba i wokim dispela toktok long pinis bilong wanpela wik distrik plening woksop long Popondetta las Fraide.

Em bin tok amamas long ol lain i bin kamap long woksop bikos ol bin kmapim draf bilong faiv yia distrik plening bilong Sohe na ljiivitari distrik.

Em bin amamas long lukim olsem long liklik taim bilong em i stap long opis bilong edministrata, besik plening pepawok bilong sosel na ikonmik developmen bilong provins i kamap.

"Mesej bilong mi olgeta taim em, yumi mas givim bikpela tingting long go bek long besiks o ol eria we samting i stat long en. Yumi mas putim ol faundesen blok long oda sapos yumi laik bildim sosel na ikonmik developmen long Oro. "Ol

gavman rifom na tenis i kamap long Oro Provinsel gavman em long strognim sistem bilong kisim ol sevis i go long ol pipel insait long rurel eria. Na long karimaut ol dispela samting, yumi gat ol plen i redi i stap we bai inapim nits o laik bilong ol pipel,"Mista yibmaramba i tok.

Dipatemn bilong Plening na Monitering i bin kamapim dispela woksop we ol sinia provinsel na distrik opisa bilong Sohe na ljiivitari i bin sindaun long en. Dispela i bihainim Nesenel Developmen Forum we i bin kamap long Mosbi las mun.

Wantaim het tok "Plening long gutpela futja", as tingting bilong woksop em long givim trening na save long ol besik trening skills i go long ol opisa long ol distrik long kamapim faiv yia distrik developmen plen.

Long dispela taim nau, wanpela inte grup ejensi i wok long raun insait long sampela provins long givim trening i go long ol publik sevan long wokim ol gutpela plen long ol distrik. Grup ya i raun pinis long Nu Ailan, Wes Nu Briten, Isten Hailans, Sandaun, Milen Be na Oro. Ol i stap nau long Galp provins.

Maino Heduru bai kamap ful vokesenel skul neks yia

VERONICA HATUTASI i raitim

MAINO Heduru Yut Senta (MHYC) long Erima bai kamap olsem wanpela ful vokesenel skul long neks yia.

Dispela i bihainim tok orait bilong ol Nesenel Kapitel Distrik Edukesen atoriti long mun i go pinis.

Insait long las 25 yias, ol Katolik Brigidine Sister i save lukautim dispela senta long givim ol vokesenel na CODE trening na spirituel developmen i go long ol yangpela manki na meri i pinisim Gret 6, 8 na 10 tasol i no inap long go long ol nomol hai na sekonderi skul insait long siti. Samting olsem 150 sumatin i save skul long dispela senta.

Skul i no save kisim mani helpim i kam long nesenel gavman, nogat.

Ol pren na lain bilong ol Brigidine Sister yet long Victoria, Australia na gavman na pipel bilong Australia i save givim helpim mani na ol donesen bilong ranim skul ya.

Tasol nau bikos ol Brigidine Sister i wok long lusim PNG na go bek long ples bilong ol long Victoria, Australia.

Katolik Edukesen i bin wok long toktok wantaim NCD Edukesen bikman na ol i gviim tok orait pinis long tanim senta i go long vokesenel skul neks yia, Katolik Edukesen Seketeri Ben Kote i tok.

Mista Kote i tok ol bin wokim wanpela sabmisen las yia long

senisim Maino Heduru senta i go olsem vokesenel tasol tok orait i no kamap kwiktam bikos ol bin paulim ol aplikesen fom na wokim ol samting long rong fom o pepa. Olsem na ol bin putim gen narapela sabmisen we nau NCD Edukesen i oraitim.

Mista Kote i makim Asbisop husat i go pas long Pot Mosbi Asdaiosis Edukesen ejensi i salim bikpela tok tenkyu tru i go long ol Brigidine Sista husat i givim mani long mekim bikpela wok long helpim planti yangpela husat i no inap long skruim edukesen bilong ol long nomol rot.

"Mipela i luksave long gutpela pasin bilong yupela long gutpela sevis yupela i givim na tu, skruim strong wok maski planti hevi i kamap," Mista Kote i tok.

Musik bilong bamboo ben i gat kik!



• Ol Bogenvil sumatin i mekim save long Bamboo ben we i bin amamasim planti manmeri i go lukim "Sogeri Singing" long las wiken.

Poto: DENISE HATUTASI

Groseri Spesol

Roots Rice	10kg	K15.22
Steele Steel Wool	5's	K 1.49
Cold Power	200g	K 1.57
Sunsilk Shampoo	100ml	K 1.66
Cosifits Nappies		K11.70
Diana Tuna in oil	380g	K 2.42
Globe Corned Beef	200g	K 1.77
Sunshine Milk 2 x 200 + free pencil case		K 3.75
Fresh Toothpaste	70g	K 0.96t
Dazzle Bleach	125ml	K 2.93
Modess Adhesive	10's	K 2.99
Maggie Noodles	85g	K 0.55t

Ol Spesol bilong dispela Wik!

Zenag Soup Pieces 700gr	K2.89
Zenag Kai Kai 900gr	K5.90
Zenag 2 Pack 2kg	K12.98
Saveloys per kg	K5.49
Beef Sausages per kg	K6.95
Pork Sausages per kg	K6.95

EXTENDED TRADING HOURS
Monday to Wednesday - 8.00am to 7.30pm
Thursday / Friday - 8.00am to 7.30pm
Saturday / Sunday - 8.00am to 7.30pm

Hamamas na baim kaitai long Boroko Foodworld Gordons!

Planti moa kaitai prais i oo daun long en!



HAILANS



NIUS



Plisman kisim bagarap long pait

FOAPELA plis man i kisim bikpela bagarap tru long las wik bihain long ol plis na man i bin pait wantaim gan long Sirunki long Enga provins las wik Fraide.

Sampela man i bin laik pait wantaim wanpela plis man wantaim susa bilong em na ol i bin mekim wanpela rot blok. Ol man husat i pasim rot i traim long bagarapim planti moa pipel husat i wok long go i kam long rot taim plis i kam traim long holimpas ol tasol ol man i kisim gan na stat long sutim plis.

Ol raskol man ya planti tumas na ol i holim ol strongpela gan na taim ol i pait wantaim plis ol i bagarapim foapela plis man nogut tru.

Enga Provinsal Plis Komanda Suprintenden John Anawe i tok Konstabel Benjamin Tumu

bilong Sirunki yet em ol i bin sutim em wantaim bunara taim em i sindaun insait long PMV bas wantaim susa bilong em na ol birua i bin blokim rot na traim long bagarapim em na susa bilong em.

Mista Anawe i tok taim ol i harim dispela hevi i kamap ol i salim moa plis i go long painimaut wanem samting i kamap na bikpela pait tru i bin kamap namel long plis na man asples ya.

Long dispela taim Sinia Konstabel Mokoso Maliso bilong Ambum long Enga wantaim Konstabel Panam Yakop bilong Laiagam na Konstabel Ennes Nanes bilong Kompian i bin kisim bagarap long han bilong ol dispela birua.

Ol i bin hari-

ap tru kisim Mista Mogoso na Mista Tumu i go long Hagen Jenerel Haus sik tasol i gat ripot olsem Sinia Konstabel Mokoso i kisim moa bagarap nogut tru.

Moa plis bilong Hagen i go long Sirunki tasol ol i no holimpas wanpela man yet.

Ol hetman bilong plis i tok kros olsem ol man i no gat tingting na bagarapim plisman long kantri na dispela i givim planti tingting long ol plis fos.

Ekting Plis Komisina Joseph Kupo i tok ol plis man i wok long kisim planti bagarap long han bilong ol raskol na em i tok ol i nogat rispek long lo.

Tasol em i tok dispela bai i no inap stapim plis long strongim na mekim wok bilong ol i go yet.

Bikpela bung bai kamap long Hagen

WANPELA bikpela lotu bung bai kamap long Hagen long Septemba 21 i go 23 dispela yia. Dispela em i namba 8 taim bai ol i holim dispela kain bung we ol i save kamapim wanwan yia.

Pasta bilong Rivaivel Senta lotu long Papua Niugini Pasta Godfrey Wippon i tok long Wewak olsem planti tausen meinba bilong sios na wantok na pren bilong ol long olgeta hap long Australia, New Zealand na Inglan bai kam long Mande Septemba 17 long bung long dispela reli.

Em i tok 85 manmeri bilong olgeta hap long Australia, New Zealand na Inglan bai kam long Mande Septemba 17 long bung long dispela reli.

Pasta Wippon i tok het toktok bilong dispela bung em: "Yu kisim Holi Spirit pinis taim yu stat long bilip? (Wok bilong ol Aposol 19:2)."

Em i tok dispela het tok i gutpela bikos planti lain long kantri i save tok

olsem ol i kristen tasol ol i no save tokaut olsem ol i kisim mak bilong Holi Spirit long toktok long tang.

Las yia dispela reli i bin kamap long Madang na planti moa mirakel i bin kamap we i lukim ol lain lek o han i bin kism kain skul bilong lotu we ol i no save harim na lukim bipo.

Pasta Wippon i tok dispela kain helpim bai planti moa lain i ken kisim long Hagen tu.

Hagen em ples we i stap namel long olgeta hailans provins na bai i gat moa manmeri i kam long ol dispela provins.

Planti moa pasta bilong ol narapela kantri bai kam long mekim toktok na autim gutnius long Baibel na singaut i go long olgeta manmeri long kam bung long Hagen long harim ol gutpela toktok long strongim bilip bilong ol kristen.

PNGBC long Pogera pas

PAPUA Niugini Benking Koporesen (PNGBC) long Pogera i pas stat long las mun bihain long ol raskol i bin brukim benk na stii.

Wanpela wokman long Mosbi i tok benk i wok long lukim ol kain wok em i save mekim long Pogera na em i tingting long pasim benk long Pogera long sampela taim.

Ol kastoma bilong Pogera i ken go long Wabag na Hagen long mekim benking bilong ol.

Wanpela opisa bilong benk i tok ol i bin mekim dispela samting bikos ol i tingting long ol woklain bilong benk na ol i wari olsem nogut laip bilong ol i bagarap.

Em i tok long Pogera moa long 25 raskol man i bin go insait long benk na ol i holimpas ol woklain na traim long brukim seif bilong putim mani.

PNGBC i no amamas bikos ol plis i no bin holim wanpela raskol husat i bin mekim dispela rong.

Em i tok tu olsem ol i no bin painimaut amas mani benk i lusim tasol em i bilip olsem planti moa mani i bin lus long dispela stii pasin.

Plis long Pogera i salim toktok i go long ol pipel na komyuniti long Pogera long wok bung long tokaut long nem bilong ol raskol na bai plis i ken holim ol.

Pogera Plis Stesen Komanda Elias Reimburse i tok ol i holimpas wanpela man tasol ol lain wantok bilong em i wok long toktok long bagarapim ol plis sapos ol i no larim em i go.

Tasol Mista Reimburse i tok bai plis i mekim wok bilong ol yet maski kain toktok i kamap.

Em i tok sapos ol pipel i no helpim plis long holimpas ol dispela man bai ol yet i painim hat long go long benk long Wabag na Hagen bikos rot em i longwe na ol yet bai kisim taim.

Planti bisnis na woklain long Pogera i wok long kisim taim tru long dispela hevi tasol sapos komyuniti i no helpim ol long stretim dispela hevi bai ol i bai pilim dispela hevi yet.



Opim nupela skul • Bikpela singsing long amamasim opim bilong nupela skul long Simbu.

Kagua Erave soim gutpela piksa

MEMBA bilong Kagua/Erave ilektoret David Basua i tok amamas long Nesanel Eksekutiv Kaunsil (NEC) long luksave na makim Mista Koli Pombo i kamap dairekta bilong Konsiuma Afeas Kaunsil.

Mista Pombo i bilong Kagua/Erave ilektoret na memba bilong em i tok amamas olsem ol i luksave long gutpela wok bilong Mista Pombo.

Mista Basua i tok planti taim ol bipo gavman na administreta i no bin tingting tumas long givim ol bikpela wok na taim ol i making Mista Pombo i kamap long mak bilong dairekta em i amamas tru.

Mista Basua i tok gavman bilong Sir Mekere Morauta i tingim gut na givim wok long ol man long ol bikpela gavman dipatmen nabaut.

Em i tok amamas tu long Mista Pombo na gutpela wok em i kisim na tu Mista Pombo i nau soim kantri olsem liklik ilektoret olsem Kagua i gat ol gutpela save man i stap long helpim kantri na kamapim ol kain developmen.

Mista Basua i tok em i laik bai Mista Pombo i wok strong long opis bilong Prais Kontrola na tarim long daunim prais bilong planti ol kaikai we i wok long go antap tumas.

Em i tok tu olsem prais bilong ol samting i wok long go antap tumas na ol pipel i wok long painim hat long baim ol samting. Ol liklik samting we ol pipel inap long kisim long liklik mani i wok long go antap tumas na i gutpela sapos ol atariti i wok long traim dau-

nim prais liklik.

Mista Basua i tok em i taim nau long planti moa pipel i wok strong long helpim dive opmen i kamap long kantri maski ol la bilong liklik ples nabaut ol i mas wokbur long sapotim wok bilong developmen.

Narapela man husat i bilong ilektor bilong Mista Basua em Stanley Nandex r Mista Basua i tok amamas tu long em.

Mista Nandex em nau i Wol Sempic Kikboks taim em i bin winim bikpela pi long wanpela kantri ol i kolim Austria tupe wik i go pinis.

Dispela tupela man i soim gutpela ke long ol narapela i ken bihainim long mekim nem bilong komyuniti, provins na kantri kamap gutpela.



MADANG NIUS



Papagraun laikim oil pam projek

WANPELA bikpela oil pam projek i wetim tok orait bilong Nesenel Eksekutiv Kaunsil long stat.

Provinsal Pisikel Plena bilong Madang Lans Brens, Francis Irara i tok projek bai mak long US\$40 milien.

Wanpela submisen em ol i bin givim long NEC long Julai long dispela yia na sapos ol i tok orait bai palamen i mekim disisen long statim projek.

Mista Irara i tok ol papagraun na provinsal gavman i mekim planti gutpela toktok namel long ol yet wantaim Komenwelt Developmen Koporesen tasol kampani ya laik salim oil i go long Ingran olsem na nogat wanbel long dispela na dispela projek i stap.

Mista Irara i tok tu olsem moa toktok i wok long kamap nau namel long Ramu Suga Pty Ltd na kampani ya i laik mekim oil we ol papagraun bai stap yet long provins tasol

na kism mani long oil bilong ol na bai ol i no inap hatwok long painim mani.

Em i tok dispela submisen ol i plen long mekim i go long NEC i gat ol sea bilong ol papagraun, provinsal gavman, nesenel gavman na Ramu Suga Ltd.

Ol papagraun bilong oil pam projek i no bin laik kism o mekim dispela samting i kamap tru bikos ol save ting olsem ol papagraun bilong Ramu Suga i no save

kisim wanpela benefit long graun bilong ol.

Mista Irara i tok Madang Provinsal gavman i no save kisim wanpela benefit bikos ol i save salim ol suga i go long Lae na Morobe Provinsal Gavman i save kisim mani long si pot o wof.

Tasol em i no inap stapim moa developmen na wok bai go het yet long dispela projek.



BANK OF PAPUA NEW GUINEA

PNG MICROFINANCE & EMPLOYMENT PROJECT

PROJECT MANAGER/MANAGERESS POSITION

The Microfinance and Employment Project is co-funded by the Asian Development Bank (ADB) and the Government of PNG. The aim of the Project is to contribute to economic growth through private sector development and employment creation.

The Project will provide sustainable microfinance services through three components: (a) establishment of a Microfinance Competence Centre to build the capacity of microfinance providers, (b) development, testing and implementing of new savings and loan products and (c) provision of a Revolving Refinance Facility for microfinance providers. The Project implementation period is 5 years commencing 2001.

A microfinance policy has been formulated under the Project. The policy provides the basis for enhancing the economy by strengthening the financial system to provide sustainable microfinance services for viable formal and informal enterprises.

The Department invites applications from suitably qualified and experienced nationals for the **Project Manager/Manageress Position**.

Key Responsibilities

- Overseeing and control of Project implementation, handling of day-to-day administration matters and providing logistical support to the Project;
- Providing advice and direction in refining the Project focus and achieving Project objectives;
- Developing budget estimates, accounting for and maintaining expenditure within these estimates;
- Supporting, coordinating, monitoring and evaluating the performance of the three Project components;
- Developing and distributing accurate and timely progress reports to relevant Government Departments, the ADB and other participating agencies.

Essential Requirements

- Extensive experience at senior level in PNG banking and/or financial sector with a focus on microfinance services, and ability to identify, plan, carry out project and programs independently;
- An in-depth understanding of business lending practice;
- Computer literacy with applications to accounting, project

management and financial reporting;

- Demonstrated ability in planning, analysis and project management;
- Strong interpersonal and communication skills with enhanced cultural sensitivity;
- A proven commitment to promoting national development by nurturing entrepreneurial potential.

Preferred Attributes

- Tertiary and postgraduate qualifications in finance, economics and/or related field;
- Broad understanding of Government policies relating to private sector development;
- Specific knowledge of the development and practice of microfinance schemes.

Terms and Conditions

An attractive remuneration package will be offered to the ideal candidate. The selected candidate will be offered a five-year contract which will be subject to annual performance review. The exact terms and conditions will be negotiable depending on the qualifications and experience of the selected candidate.

Application Requirements

The closing date for applications to reach the Bank is **Wednesday 19th September, 2001**. Applications should contain: (a) Application Letter which specifically identifies how the essential requirement of the position are satisfied (b) Detailed curriculum vitae (c) Copies of educational and professional qualification, etc. (d) Names and contacts of 3 Referees. Previous applicants are kindly advised to re-submit their expressions of interest for this position.

Please forward your applications in duplicate. All applications should be mailed or delivered to: The Chairperson, Microfinance Steering Committee, Bank of PNG, P.O. Box 121, Port Moresby.

Please Note: This same advertisement was published under Department of National Planning & Monitoring on Friday 30th March. New applications only should be sent to BPNG. Applications submitted already to Department of National Planning & Monitoring need not send another one.

Krumbukari eria gat nupela klasrum

MADANG Provinsal Gavman na Hailans Pasifik Limitet long dispela mun i bin bung wantaim long givim K50,000 long kirapim tupela kapa klasrum long Krumbukari insait long Madang.

Opisa husat i lukautim dispela projek na ol narapela wok karamapim Ramu Nikel Main Projek, Steven Turik i tok olsem dispela i nambayan samting kampani na gavman i mekim long developim dispela hap.

Em i tok tu olsem sapos olgeta samting i go orait bai projek i bai pinis long dispela yia tasol na bai ol pikinini inap long yusim long stat long skul neks yia

2002. Mista Turik i tok long sait bilong em olsem opisa husat i lukautim projek developmen bilong Krumbukari em i amamas long dispela kain projek bikos Krumbukari eria i nogat kain skul olsem long bipo i kam inap nau long 2001 we ol i statim dispela elementri klasrum.

Long bipo taim ol pipel bilong dispela eria i save laik go skul ol i save wokabout long Usino o long Bundi bilong wanem ol i nogat sevis olsem skul long hap bilong ol.

Olsem na taim kampani na gavman i bin toktok logn kirapim skul long hap, ol pipel i amamas.

PNG kamap hetopis bilong konsevesen

HILDA WAYNE i raitim

PAPUA Niugini bai kamap bikpela het opis bilong lukautim ol pis na plens bilong solwara na ol kain samting we i save stap long ol bik bus bilong Irian Jaya na Saut Wes Pasifik. Wok bilong luautim ol kain samting olsem em ol i save kolim konsevesen.

Long las wik tasol wanpela bikpela bung long Madang i luksave long kain wok Konsevesen Intanesenel (CI) i save mekim long PNG na ol hetman bilong CI i luksave na amamas long ol dispela wok.

CI Presiden Russell Mittermeier wantaim 11-pela wan wok bilong em i stap long Amerika na kam long dispela bung long Madang.

Long dispela bung ol i tok PNG i save mekim gutpela ol wok long lukautim ol bik bus na ol samting long solwara we planti hap long wol i nogat kain samting olsem.

Wanpela opisa bilong CI-PNG, Edward Kivikivi i tokim Wantok olsem sampela dona long Amerika i bin kam wantaim Mista Mittermeier tupela wik pastaim long ol i go long Madang na ol i go raun long hailans na lukim wanem kain ol wok i stap long hap.

Bihain long dispela ol i go long Madang na ol i bin tokaut olsem PNG bai kamap bikpela het opis bilong ol wok bilong CI long Irian Jaya, Samoa, Fiji, Solomon Ailan, na sampela ailan kantri long Pasifik.

Eksekutiv Darekta bilong CI PNG, Gaikovina Kula i tok as tingting bilong CI PNG em long wok-bung wantaim ol pipel long viles na komyniti level na ol i ken helpim long lukautim ol plens na animol i stap long solwara na bik bus bilong ol.

CI em wanpela oganaisesen we i no tingting long mekim profit na i save wok wantaim ol non gavman oganaisesen (NGO) na gavman long strongim wok konsevesen long kantri.

Lae Nius

Raskol hensapim wokman bilong Luteran Developmen Sevis

OL man nogut long 2 Mail eria long Lae siti i bin holim na hensapim Ekting Seketeri bilong Luteran Developmen Sevis Beno Kamewo long Fonde las wik.

Mista Kamewo i bin ron long liklik bas bilong wok na i laik go antap long Nadzab ples balus long 5 kilok moning long kalap long moning balus long go long Mosbi. Em i

laik go long Mosbi long stap insait long bung wantaim German Development Service (GDS) taim dispela birua i kamap long em long rot.

Plis ripot i tok namba olsem 6-pela lain nogut i bin kamap sanap wantaim ol bus naip na tupela sotgan na ston na ol i laik sut long bikman ya taim em ron long bas i kam.

Ol i kisim dispela bas Mitsubishi L-200, gripela kala wantaim kes mani olsem K65. na ronawe i go olsem long 3 Mail. Ol samting ol i kisim wantaim na bagarapim i kos samting olsem K600. Ol i go lusim bas ya long tais na ronawe nabaut.

Plis i tokaut olsem dispela lain em ol lain long 2 Mail eria.

Sam Sawe pinisim kontrak bilong Sengero

MOROBE Provinsal Eksekutiv Kaunsil (PEC) i mekim disisen las wik long strongim disisen bilong Nesenel Eksekutiv Kaunsil (NEC) long pinisim wok kontrak bilong olpela provinsal edministreta bilong Morobe provins Ainea Sengero.

PEC i wanbel nau long stretim olgeta pinis pe bilong em na pinisim olgeta wok bilong em wantaim Morobe edministresen. Bai ol i peim em ritrensman na kisim bek tupela gavman ka Mista Sengero i wok long yusim. Wapela em dabol keb na narapela em Toyota stesen wegong LAK 692 we em i ka bilong opis bilong edministreta.

Bai Morobe gavman i kisim bek tupela ka ya na putim long publik tenda we ol manmeri i ken baim na mani i go bek long edministresen.

Ripot i kam long Morobe gavman i tok Provinsal Eksekutiv Kaunsil i tok sori long Mista Sengero na ol i nogat kros long em moa. Ol i bel gut na laik toktok gut wantaim Mista Sengero gen.

Morobe gavman i bin saspenim Mista Sengero long wok bilong em long dispela yia na ripot i go olgeta long NEC we ol i kamapim disisen long pinisim em long wok bilong em olsem edministreta bilong Morobe provins.


Mista Sengero i bin kisim Morobe Provinsal Gavman i go long kot long salensim dispela disisen long rausim em long wok bilong em. Kot i stap yet.

Morobe Provinsal Gavman i bin rausim Mista Sengero long wok bikos ol i tok em i no bin givim gutpela stia toktok na tingting long Morobe gavman long mani bilong yusim long ol skul fi subsidi insait long ol skul long provins.

Long dispela taim i bin gat ol tok kros i bin i go i kam namel long ol Morobe gavman memba na Mista Sengero long ausait. Bihain lain bilong memba bilong Makam Andrew Baing i laik traim kamapim vot i nogat bilip long Gavana Luther Wenge long dispela hevi tasol ol i kamapim ol belhat pasin tasol na vot i no bin kamap.

Olgeta samting i stap na kol gut na inap las wik na Sam Sawe i kamapim disisen long strongim disisen bilong NEC long pinisim kontrak bilong Mista Sengeroi na givim em ritrensman pe bilong em.

Kolta i bruk bruk long Lae na Umsis rot



• Ol ples lain long Makam na Mumeng i belhat long rot nogut long Makam Bris rot na stopim PMV na soim ol rot nogut ya long Wantok ripota taim em i ron wantaim ol long PMV i go long plés las wik. *Poto Yakam Kelo.*

YAKAM KELO i raitim

BIKPEL A rot bilong nesenel gavman namel long Lae na Umsis i bagarap nogut tru na i no gutpela moa long ol kampani ka, ol pmv na ol pasindia i ron long en.

Dispela rot i go olsem long Wau Bulolo rot we ol graun i bruk bruk nabaut na ol bikpela hul i pulap long rot.

Wantok i bin ron long dispela rot long 1999 na long las mun, 2001 em i ron gen na luksave olsem dispela rot i nogat mentenens o wok i kamap long stretim klostu tripela krismas olgeta nau.

Ol pasindia i save ron gut long Wau Bulolo i kam long Lae na taim PMV i kamap stret long Woks kem long Umsis, ol i save statim komplek. Sampela bai singaut, rot bilong gavman o bus rot? Sampela i save tok, taim bilong ileksen i kam, noken votim wanpela man bikos ol bai gijaman tasol na i no inap stre-

tim rot bilong yumi. Arapela i tok, sapos wanpela sikman i ron long dispela rot, em bai dai nating tasol. Arapela i tok, yumi i save kalap kalap olgeta taim na ol bun na mit bilong yumi i bruk nabaut pinis na yumi bai kisim ol bikpela sik bihain. Dispela em ol kain kain toktok ol manmeri i save mekim antap long pmv taim ol i kamap long dispela hap rot nogut.

Dispela hap rot i olsem 5 o 6 kilomita lusim 9 Mail long Lae na bihainim Wau Bulolo rot i go aut. Dispela hap rot tasol i save holim taim bilong ol ka we 1 aua olgeta i save lus long ron long dispela hap kalap kalap rot. Sapos hap rot ya i gutpela, ol ka inap ron gut tru long 20 minit samting.

Planti ples lain i save go kamap long ples bilong ol long nait taim ol i pinis long Lae maket na go bek. Long moning tu, planti i save kamap long 9 o 10 kilok long Lae maket na ol i no save gat inap taim long salim gut ol kaikai bilong ol long maket. Dispela em i, wanpela

sori samting tru long ol turangu manmeri bilong ples bikos maket em wanpela bikpela samting we ol i save kisim strong long em olgeta de long painim mani bilong famil.

Wantok i bin ron long dispela hap rot long las mun we em i save slip long ples na go long wok long Lae na sampela taim pinis wok na go long ples long apinun na i luksave tru long dispela rot.

Wanpela sios lida bilong Mumeng, Mark Sasa i tok dispela em wanpela bikpela wari bilong ol pipel bilong ples bikos dispela em bikpela rot bilong ol ples lain i go long Lae siti long baim kago bilong stua, baim ol samting long stua, salim ol kaikai long maket, go lukim gavman o sios long ol sampela wok na hevi bilong ples, na planti arapela wok samting ol ples lain i laikim we i stap long Lae siti.

Mista Sasa i tok gavman i mas sori long ol pipel bilong Wau Bulolo na stretim dispela rot bikos dispela rot tasol i bin stap na kamapim planti samting

bilong Papua Niugini long bipo.

Mista Sasa i tok Wau Bulolo i bin namba wan hap bilong Papua Niugini long pulim mani i kam long kantri wantaim ol gol na timba bilong em. Olsem na gavman i mas tingim dispela na stretim rot bilong Wau Bulolo na mekim i stap gutpela. Dispela em long tok amamas long wanem gutpela samting Wau Bulolo i bin mekim bipo long helpim kantri olgeta.

Gavana bilong Morobe Luther Wenge i bin hatim Minista bilong Woks na Trensport Alfred Pogo long dispela rot long palamen bung long mun Julai. Tasol Minista Pogo i tok sapos i gat mani bai em i lukluk insait long dispela rot. Tasol dispela rot i no bagarap nau tasol long dispela yia 2001. Rot ya i bin bagarap long 1999 i kam inap nau na ol Woks Minista long pastaim i no bin skelim mani bilong stretim dispela hap rot na rot i bagarap olgeta i kam inap nau.

Dispela stori bilong Lae Umsis rot i wankain tu long ol bagarap long rot antap long Hailans. Planti tok pait i save kamap long haus palamen long gavman i mas stretim rot long hailans haiwe. Long las wik tasol ol bisnis na kampani long Goroka, Hagen na Lae i komplek nogut, tru long hailans haiwe rot i bagarapim ol bikpela ka na bisnis bilong ol.

Wankain tu, ol kampani ka, ol papa bilong pmv na ol pasindia i save komplek nogut tru long dispela Lae Umsis rot we i bagarap inap tripela krismas nau.

Long las wik tasol Minista bilong Woks na Trensport Alfred Pogo i tokaut gen olsem gavman i nogat inap mani yet long stretim ol dispela hevi bilong rot insait long kantri. Olsem na ol dispela rot long Wau Bulolo, Hailans haiwe na long Sentrel provins bai stap sampela taim gen inap neks yia pastaim na wetim nupela baset bilong Woks na Trensport.



MOROBE PROVINCE AGRICULTURAL SOCIETY INC.

i laik toksave long ol singsing grup bilong ples husat i tingting long stap insait long 2001 Morobe So Singsing olsem ol i mas rejista nau.

Ol registresen fom yu ken kisim long: The Professional Real Estate Opis 5th St, Lae.

Olgeta registresen bai pas long Oktoba 7th.

Fax: 472 5141 - Tel: 472 2887

Morobe So Singsing Tumbuna, 28 Oktoba

Morobe So

26th, 27th na 28th Oktoba

COCA-COLA  AMATIL

PAUA NEW GUINEA

Pasin bilong pogivim wanpela arapela em bikpela samting

VERONICA HATUTASI i raitim

BIKNEK Katolik Bisop bilong Is Timor Bisop Carlos Belo i bin toktok long Katolik Tiolojikel Institut long Bomana las Fonde bihainim askim bilong Presiden bilong Institut Pater James Downey.

Bisop Belo i gat namba long wol olsem Nobel Pis Prais Awod wina wantaim narapela wantok bilong em Jose' Ramos Horta. Ol bin kisim dispela luksave long 1996 long gutpela wok ol i wokim long stretim hevi long IsTimor long gutpela rot.

Bisop Belo i bin kamap long PNG bihainim askim bilong pren bilong em Pater Francesco Panfilo long stap long odinesen bilong em long kamap bisop bilong Alotau/Sideia long Milen Be provins.

Long 1999 taim Yunaitet Nesens i bin sponsaim indipendens bilong Is Timor, ami bilong Indonesia wantaim ol sapota bilong ol i bin kamapim bikpela hevi long Is Timor. Planti tausen pipel i bin dai na moa long 500,000 pipel i bin lusim ples bilong ol na ronawe inap ples i kamap orait. Bisop Belo long dispela taim i bin stap olsem maus bilong ol pipel bilong em na maski hevi i stap na ol ami i kilim dai sampela famili memba na ol hauslain na sampela Pater na Sister, i no bin slek long stap wantaim ol pipel na ukautim ol.

Kapitel bilong Is Timor em Dili we Bisop belo i beis long en i bin paia na bagarap tru. Nau hevi i wok long pinis na wantaim nupela demokretik gavman Is

Timor i laik kamapim, ol bai strongim kain gavman we bai bihainim ol gutpela Kristen pasin long kamapim gutpela sindaun na sosaiti we olgeta manmeri i rispektim wanpela arapela. Kantri i wetim ol risal bilong nesenel ileksen long dispela taim.

Kantri Portugal i bin lukaut mama kantri bilong Is Timor long planti tausen krismas, stat yet long 16 senseri. Tasol long 1975, gavman bilong Indonesia i bin fos na tekova long Is Timor. Na sindaun bilong ol pipel i no gutpela bikos long komunis gavman bilong Indonesia.

Nobel Pis Prais Awod komiti i bin luksave long Bisop Belo olsem namba wan mausman bilong pipel bilong em husat i no wari long laip bilong em yet long lukautim ol pipel taim ol dispela i holim pawa i no wokim ol gut. na em i bihainim gutpela rot long toktok wantaim ol atoriti long Indonesia long stretim hevi. Olgeta ol dispela samting em komiti i luksave long em na givim em namba wantaim Nobel Pis prais.

Bisop Belo em i spiritual lida bilong samting olsem 520,000 Katolik Sios memba long liklik kantri. Dispela em mak klostu long olgeta populesen o kandim bilong Is Timor pipel.

Long toktok bilong em long Singkai Leksa long Bomana, Bisop Belo i bin toktok strong olsem (pis) gutpela sindaun, pasin bilong pogivim wanpela arapela na toktok wantaim em i rot bilong kamapim

gutpela na demokretik gavman long Is Timor.

Bisop i bin tok sios i strong longsapotim ol gutpela lida long nupela gavman na em (sios) i wok wantaim ol yangpela na ol sios woka na ol kleji long inapim gol bilong em.

Em i tok stat long taim Portugal i lusim Is Timor na tu long 1999 hevi, sios i no lusim ol pipel. Em i stap na lukautim ol pipel na strongim ol long taim hevi i go nogut na sindaun nogut, pen na dai i kamap insait long ol pait.

Bisop Belo i tok tru ol Indonesia ami i bagarapim ol pipel tasol sios i stiaim ol pipel long bihainim gutpela Kristen pasin na kamapim bel isi na sekan pasin na lusim tingting long ol rong we ol ami i wokim. Long dispela rot tu, nupela kantri bai go fowed long developim nupela kantri.

Em bin tok nupela gavman bai givim bikpela tingting long ol dispela.

Na em i laikim gutpela wokpren wantaim Indonesia, Australia na ol Pasifik neiba long kamapim ol dispela samting na tu, helpim go hetim ol wok developmen long nupela gavman na kantri.

Em i tok tu olsem ol ol pipel long Is Timor i gat strongpela bilip na tru em i hat, ol bai inap long pogivim ol arapela long ol rong we ol i wokim long ol, wantaim helpim bilong Bikpela.

Martin Luta Seminari wari long stilpasin

PLANTI stilpasin na hevi i wok long kamap nau long Martin Luta Seminari (MLS), yuni- vetit na Luteran Siping kompaun na ol atoriti long hap i wari.

Olsem na long dispela wik, man i makim maus bilong Studen Representetiv Kaunsil long MLS Steven Walua i singaut long ol yangpela long bihainim gutpela pasin na askim sapos ol i laikim samting. Na maski long

wokim stilpasin.

Em i tok i gutpela pasin long askim long samting na sapos ol lain inap' givim, em ol bai givim.

Em i askim strong ol yangpela long noken pusim ol yet long wokim stil pasin.

"Long dispela kain pasin na gutpela rot we mi laik askim yupela long en em mipela ol sumatin i tren i stap olsem ol Luteran

pasto i stap. Tasol sapos yupela i laikim wok misin mipela inap go tru long ol wan wan kompaun na autim Tok bilong God (Gutnius) long helpim Kristen laip bilong yupela nau", Mista Walua i tok.

Em i singaut long ol hetman meri na ol pasto long toksave long ol (seminari treni) na ol i ken redim ol progrem long go long ol wan wan kompaun.

Ol Katolik Daiosisen pater autim wari

SIKSTI Katolik daiosisen Pater bilong Momase rijen i autim wari long ol hevi na bagarap we ol raskol i wok long kamping long ol sios wok lain.

Ekting Siaman Pater Hubert Suwete i tok "ol sios woka, ol bisop, ol pater, ol dikon, ol lei pipel bilong PNG na ovasis i wok nating wantaim nogat pe long en tasol bikpela samting ol i tingting na wok long en em long helpim ol (pipel) long kamap olsem ol gutpela man bilong kantri na tu, kamap olsem gutpela kristen. Long dispela em i tok, ol pipel i mas

lukautim gut ol."

Ol pater i bin bung long Alexishafen Konprens senta long Madang long ritrit bilong ol we ol i save holim long wanpela taim insait long olgeta yia. Dispela em wanpela long ol bikpela ritrit we ol pater long Daiosisen Oda i wok long olgeta hap bilong i kantri i save holim.

Het tok bilong ritrit long dispela yia em "Spiritualiti bilong ol daiosisen Pater". Pater Michael McEntee husat i Rekta bilong Holi Spirit seminari long Madang i bin givim ritrit i go long ol pater.

Tok bilong God stia bilong laip

PATER CARLOS ALCARAS SVD i raitim

SANTU Francis Peris Kaindi long Wewak taun Is Sepik i bin holim wanpela Baibel semina long redi long Baibel Sande. Progrem i bin kamap long las mun.

Long wan wan nait i bin gat ol spika, ol ektiviti na skul long Baibel.

Long namba wan nait wanpela man bilong peris yet, Arnold Naumat i bin go pas long progrem na em i tok klia long mining bilong nem Baibel. Em bin tok nem Baibel i kam long tokples Grik na Hibu we ol bin yusim long raitim buk long en. Em bin tok long luksave long as ting-

ing bilong Baibel, yumi mas luksave long kalsa na tokples bilong ol dispela pipel.

Katolik Sios i bin stretim buk Baibel long ol liklik hap pas na kamapim wanpela buk i gat 46 buk long Olpela Testamen na 27 buk long Nupela Testamen. Na Katolik Sios tu i bin mekim lista bilong ol buk long Baibel.

Mista Naumat i bin givim planti skul long Baibel olsem em i glasim sampela hap stori long en. Na em bin givim lista long ol yia we ol i raitim ol wan wan buk long Baibel, husat i tanim tokples ol i yusim na ol sapta na ves long ol buk.

Pater Carlos Alcaraz i bin bihainim het tok long "Trupela rot bilong tanim Tok bilong God i stap long Baibel."

Pater Carlos i bin mekim klia gut na

givim planti skul long dispela poin.


"Ol dispela buk long Baibel i wok bilong God na man wantaim. Olsem na: God tasol i save long as tingting bilong wan wan buk na long olgeta buk insait long Baibel. Man husat i raitim ol wan wan buk i save long as tingting tasol long dispela hap na i no long olgeta buk," Pater Carlos i bin tok.

Em bin stori liklik olseme Katolik Sios i save mekim klia, skulim na skelim tok bilong God long olgeta lain manmeri long olgeta hap, kalsa na taim. Em bin tok Katolik Sios i save mekim dispela long bipo tru na i no olseme ol sampela lain we i stat ritim buk Baibel na kamap olsem ekspet hariap.

Las tok bilong pater i olsem "Tok i stap long Baibelk i skulim yumi long ol tingting bilong God na ol samting God i laik mekim long laip bilong yumi na bai yumi kamap ol pipel tru bilong em. Tasol bai yumi mas lukluk gut, kisim gutpela save long en nogut yumi mekim krangki."

Planti askim i bin kamap long pasin bilong pogivim sin, bilong wanem ol Kristen i save selebretim Sande na ol Seven De Ewentis long Sarere, husat i kamap pastaim Baibel o Sios na ol arapela moa. Tripela Pater em Joe Roszynski, Adam Sroka na Pater Carlos i bin bekim ol askim bilong ol.

Long Sarere ol pikinini bilong peris i bin go insait long serim save bilong ol long ol Baibel kwis. Ol bin soim gutpela save na sampela i smat moa long save long ol Baibel stori. Dispela i bin soim olsem ol papamama bilong ol i mekim gutpela wok long stori long ol long Tok bilong God. Sande em i de bilong Bikpela long tingim kirap bilong Kraus na olsem ol Kristen i save bung long lotu. Ol Katolik long peris i bin bung wantaim na mekim bikpela Santu Misa wantaim ol prosesio na gutpela singsing. Long skul bilong misa ol i harim olsem buk Baibel em i olsem buk we bai stiaim laip bilong yu long kamap manmeri tru na i kisim laip bilong oltaim.



• Baibel semina long Kaindi St Francis. Long lephan em Sista Dominik, Mista Francis na Pater Carlos.

Pis o gutpela sindaun, pasin bilong pogivim wanpela arapela na toktok wantaim em i rot bilong kamapim gutpela na demokretik gavman long Is Timor.


- Bisop bilong Is Timor Carlos Belo

THE BIBLE SOCIETY
PAPUA NEW GUINEA

Man i beten bai God i helpim

God, bai mi tingting gen long bikpela wok bilong yu. Yes, bai mi tingting bek long ol kain kain bikpela samting bipo yu bin mekim. Bai mi tingting long olgeta samting yu bin mekim. Yu bin mekim ol strongpela wok, na bai mi tingim dispela tu. God, olgeta pasin bilong yu i gutpela na stretpela olgeta. I no gat wanpela giaman god inap wantaim yu. Yu winim ol tru. God, yu wanpela tasol yu save wokim ol mirakel. Bipo yu bin soim bikpela strong bilong yu long olgeta lain manmeri. Long strong bilong yu yet yu kisim bek ol manmeri bilong yu, em ol lain tumbuna bilong Jekop na Josep i kamap bihain long tupela.
Buk Song 77: 11-15

Bogenvil pikinini kisim helpim long Australia



• Hai Komisina bilong Australia Nick Warner i givim ol sku samting i go long Misis Sue Akotai, presiden bilong Bougainville Children's Fund na Pablik Afeas opisa Vicky Niesi.

GAVMAN bilong Australia i bin givim wanpela bikpela helpim i go long ol pikinini bilong Bogenvil long helpim ol long skul bilong ol.

Long las wik tasol Australian Hai Komisen i givim K16,000 mak long ol

skul saplai i go long Bogenvil Children's Fan o Bogenvil Pikinini Fan.

Dispela fan em Misis Sue Akotai, Misis Rarua Skate (meri bilong Bill Skate) na sampela bikmeri long PNG i bin kamapim long 1998

long helpim ol pikinini bilong Bogenvil

Ol i bin gat dispela bilip olsem sapos Bogenvil i laik tru tru senis na kamapim gen guppela developmen orait ol i ting olsem ol pikinini i mas kisim guppela

edukesen olsem na ol i statim fan.

Dispela fan tu em ol i kamapim i no long tingting long mekim bisnis o mani. As tingting bilong ol em long kisim moa mani long helpim ol pikinini bilong ol.

Dispela ol skul saplai i gat ol laibri buk, buk bilong ol tisa bai kisim save long we bilong skul na ol pilai bilong ol pikinini. Bogenvil Pikinini Fan bai givim aut ol saplai i go long olgeta studen.

Hai Komisina bilong Australia i kam long PNG Mista Nick Warner i bin givim dispela ol edukesen saplai i go long presiden bilong fan Misis Sue Akotai long wanpela bung las wik.

Mista Warner i tok planti moa sevis i no bin go yet long Bogenvil na gavman bilong em i gat tingting long helpim ol pipel long statim nupela laip gen bihain long ol i sainim ol pis agrimen long larim guppela sindaun i ken stat gen.

Em i tok bikpela tingting em long ol pikinini i ken gat guppela sindaun long bihain na stap guppela laip.

So bai pulim planti turis

SAPE METTA i raitim

BIKPELA das bai kirap na ples bai paia stret insait long Nesenel Spot Institut (NSI) graun long dispela independens wiken taim Goroka bai holim namba 47 kalsarel So bilong em we bai pulim planti turis na ol arapela lain manmeri long ovasis na PNG tu long kamap na witnessim.

rijin bai kamap na tek pat long kukim stret dispela so.

"So bilong dispela yia bai narakain liklik long wanem ol so komiti i makim pinis ol jas long jasim wanwan singsing grup we bai ol i givim prais long mak bilong tumbuna bilas bilong ol wanwan," Presiden Launa i tok.

Em i tok long ol yia i go pinis ol so komiti i no mekim olsem. Tasol nau ol i kamap wantaim

"So bilong dispela yia bai narakain liklik long wanem ol so komiti i makim pinis ol jas long jasim wanwan singsing grup we bai ol i givim prais long mak bilong tumbuna bilas bilong ol wanwan."

- Presiden Launa

Nau yet olgeta rum long hotel, motel, ges haus na lods insait long taun i pulap tru long ol ges husat i kamap na i redi long lukim dispela bikpela tripela de so we bai i stat long Fraide 14 na pinis long Sande, Septemba 16.

So Presiden Mewe Launa i tok dispela so bilong yia 2001 bai bikpela tru we bai winim ol so bilong ol yia i kam na i go pinis.

Em i tok ol samting we bai i go pas long pulim planti manmeri em ol kainkain tumbuna singsing grup na ol lokel rok ben bai sekim ol manmeri wantaim ol lokel musik bilong ol. Moa long 70 singsing grup long olgeta kona bilong Moamse rigin, Sauten, Ailan na Hailans

dispel tingting.

Mista Launa i tok Goroka na lsten Hailans em i wanpela senta we i save pulim planti turis.

Olsem na long pulim moa turis, ol pipel bilong Goroka na lsten Hailans i mas strong long promotim kalsa na tredisen pasin.

Em i tok kalsa na tredisen bilong yumi ol lain PNG em i narakain tru olsem na ol turis i save laikim tru long lukim tredisen na kalsa bilong yumi.

Mista Launa i tok amamas tu long ol kampani na provinzel gavman husat i givim pinis planti helpim na sapot long karimaut wok bilong kamapim dispela so.

Wokbung kamapim guppela wok

TONY SAPAN i raitim

MOA long 20 viles long Tigak ailan long Kavieng bai lukim planti edukesen rifom i kamap long ples bilong ol. Bai ol i opim nupela dabol klasrum we bai i lukim Nonovaul praimari skul i kamap top ap skul long stat bilong neks yia.

Kavieng Taun Meia, Rommy Tobo i tok dispela samting i kamap bikos ol pipel i wokbung long lukim skul i kamap.

Tingting bilong tok kros long politiks em ol i putim long sait na sapotim wok bilong developmen na dispela i helpim ol pipel.

Mista Tobo i tok dispela pasin em tingting bilong gavana Paul Tohian i bin gat long putim hevi bilong ol pipel pas long politiks.

Mista Tobo i tok gavana bilong ol i laikim pasin bilong wokbung i mas

kamap na klasrum em soim olsem dispela kain wok i mas stap yet.

Em i tok provinsal gavman i makim pinis K25,000 long fandim ol nupela klasrum na ol pipel i amamas tru long helpim ol i kisim.

Ol pipel i statim wok pinis long helpim ol atoriti long mekim wok na projek i ken pinis long taim stret. Mista Tobo i tok projek bai redi pastaim long stat bilong neks yia taim bilong skul.

Lokel kapenta na somil em ol lain bilong ples yet i bin givim long helpim wok long bildim klasrum.

Dispela developmen bai helpim 22 viles olgeta long ol i ken salim pikinini bilong ol i go long top ap skul na i no ken painim hevi long go long narpela hap long kisim guppela skul.

Projek em ol i plen long mekim tupela klasrum na wanpela rum bilong ol tisa na woklain bilong skul na ol i laik bai em i ken pinis long 8-pela wik.

Bikpela edukesen woksop

KARIKULAM Developmen Divisen bilong Edukesen Dipatmen i bin kamapim wanpela woksop long we bilong raitim ol karikulum na em i bin pinis gut.

Dispela wan-wik woksop i bin kamap long Goroka, lsten Hailans provins las mun.

Ol lain husat i kam long dispela bung i lainim ol kain we bilong raitim ol karikulum bilong ol apa praimari skul na dispela nupela karikulum bai ol i statim long ol skul long 2003.

Dispela nupela kos na we bilong lainim ol stu-

den bai ol i statim wantaim ol studen bilong ol gret 6,7 na 8.

Dispela ol nupela kos bai i gat kain laip skil olsem agrikalasa, stadi long kamapim bisnis, ol wok bilong haus na ol kapenta wok nabaut.

Isten Hailans Sinia Praimari Skul Inspekta Mista Hillarian Dou i bin stap long dispela woksop na em i bin opim.

Mista Dou i tok dispela bung i kamap em i guppela bikos ol lain husat bai raitim ol buk bilong ol studen i ken kisim moa save long we bilong raitim gut ol buk na save long ol senis i wok long


kamap long edukesen sistem ananit long rifom.

Sampela tisa long ol praimari skul, tisa kolis leksara na woklain bilong Goroka Yunivesiti i bin kam long dispela woksop.

Mista Dou i tok ol kain skil ol i laik putim i go insait long kamapim ol buk bilong ol studen i guppela bikos em ol kain skil we ol studen bai nidim long bihain laip bilong ol.

Em i tok ol studen bai kisim kain save we tingting bilong ol bai op long wanem kain samting ol i ken mekim long helpim ol yet taim ol i lusim skul.

Painim Nambawan Tok Pisin Niuspepa long ol dispela stua o opis...




- 1. MOBIL SERVICE STATION 2. BULAE NEWS - ANDERSON ERIKU 3. STC JV BEST BUY - TAUN 4. MELANESIAN HOTEL 5. FOODMART LIMITED - SEETO KUI

'Street Sales

I gat street sales tu long ol maket ples na arere long ol stua long Top Taun eria.



Nupela skul bai op long Kerowagi



• **Dokta John Waiko.**

GAVANA bilong Simbu Pater Louis Ambane wantaim sampela bikman bilong gavman bai opim wanpela nupela skul insait long Apa Korongie eria insait long Kerowagi Distrik long Simbu provins long dispela mun Septemba long de 20.

Nem bilong dispela skul em Angagoi Praimari skul em i stap olsem 10-pela kilomita ausait long Kerowagi gavman stesen na i stap antap long

hetwara Koronige.

Opim skul em bai go wantaim opim bilong nupela dabol klasrum na nupela skul laibri i stap insait long hap rum bilong dispela nupela haus.

Dispela nupela haus em Simbu gavana i mekim long las yia na skul yet i penim wantaim pen na vanis na mekim ol ples bilong wokabout.

Dispela olgeta wok i mak long K120,000 long pinisim.

Long opim bilong dispela skul bai i gat bikpela bung na bai i gat planti pilai na drama, string ben na musik na ol kainkain singsing grup bilong Simbu yet i bai kam bilong long amamasim opim.

Ol bikman bilong gavman husat bai i kam witesim opim bilong skul em ministra bilong Edukesen Dokta John Waiko, ministra bilong Komyunikesen na memba bilong Kerowagi John Kamb, edministreta bilong Simbu provinsal gavman Joseph Dorpar na bosman bilong edukesen long Simbu Vincent Bundo.

Ol bik manmeri bilong Simbu provins tu bai kam long opim,

na ol pablik sevens na lidaman long ples bai kam long bung.

Kain developmen em planti pipel i save painim hat tru na taim ol i mekim dispela wok sapat i go bikpela na bai planti i amamas long opim bilong dispela nupela skul.

Kavieng Iektoret i painim Ling Stuckey

SAMPELA vota long Kavieng ilektoret i wari long memba bilong ol long wanem em i no sindaun long planti palamen bung na tu em i no raun long ilektoret bilong em.

Wanpela konsen vota long Kavieng ilektoret i kwestenim watpo memba bilong Kavieng lan Ling-Stuckey i no moa wokim wanpela toktok.

Man husat i no laik autim nem bilong em i tok sapos Mista Ling-Stuckey i no raun long ol ples insait

long ilektoret bilong em, dispela i min olsem em i mas no sindaun long planti ol sindaun long palamen. Na em i winim mak long ol arapela Nu Ailan memba husat i sanap long palamen stat yet long kantri i kisim indipendens.

Man ya i tok ol pipel long Kavieng i nogat maus nau long palamen bikos Mista Ling-Stuckey i wok long raun i go long ol ples long Namatanai we i no eria bilong em.

Nu Ailan helpim ol komyuniti wantaim wara saplai

TONY SAPAN i raitim

NU Ailan Provinsel Gavman long dispela taim i wok long helpim ol pipel long sait bilong wara long rot bilong kirapim ol rurel wara saplai projek.

Ol pastaim gavman i save givim ol wara teng tasol nau gavman i luk-save olsem dispela ol teng wara i no save stap long longpela taim. Na tu ol i no save helpim planti pipel olsem ol wara saplai.

Provinsel Edministreta Moses

Makis i tok nau provinsel gavman i no bisi long givim ol wara teng long ol pipel tasol em bai helpim long developim ol wara saplai we i ken helpim planti manemri na ol komyuniti. Na ol pipel yet bai lukautim.

Mista Makis i bin autim ol dispela toktok long opening bilong namba tu kain projek long ples Munawai insait long Tikana Lokol Level Gavman eria i no long taim i go pinis.

Mista Makis i tok stat yet long taim Provinsel Gavman i bin opim namba wan projek olsem long mun Me long dispela yia, long ples Tandis insait long Sentrel Nu Ailan LLG eria, em i redi long kirapim moa long ol wankain projek long Nu Hanova,

Djaul na Namatanai.

Eking Kavieng Taun Meya Rommy Tobo long opening bilong Munawai wara saplai i bin tok ol wara saplai projek i bikpela samting bikos ol i givim gutpela sevis i go long helpim ol pipel insait long ol rurel komyuniti. Na i gutpela sapos ol provinsel gavman i kam long bihain taim i givim bikpela tingting long dispela taim ol i givim ol mani aut.

Mista Tobo i bin tok i moabeta sapos ol gavman i kam bihain i tingting moa long tromoim mani long ol samting we bai helpim kamapim gut sindaun bilong ol pipel insait long ol rurel komyuniti long olgeta de.



Mineral Resources Development Company Limited

*Namba 26
Indipendens
Amamas*

Ol Bod ov Dairekta, Menesmen na wok manmeri bilong MRDC Ltd i salim tok amamas na gutpela indipendens - Septemba 16, 2001 i go long ol pipel bilong Papua Niugini.

**MRDC NA OL
PIPEL BILONG
PAPUA NIUGINI,
BUNGIM
WANTAIM I
WANKAIN
OLSEM HEVI
BILONG GOL,
LONG NAU NA
TU LONG PLANTI
YIA I KAM.**

Sevei long ol liklik bisnis

ADAM ELLIOTT i raitim

SMOL Bisnis Developmen Koporesen i karimaut wanpela sevei long kantri long ol pipel i bin kisim "Start Your Own Business and Improve Business" kos.

Ol i karimaut sevei kos long olgeta 19 provins insait long kantri. Ol i wokim dispela bilong edministreta long program na Smol Bisnis Developmen Koporesen (SBDC) i ken glasim sapos wok bilong ol i go gut na ol i ken lukim wanem samting i gutpela, wanem i no gutpela na kamapim gut kos long bihain taim.

Katherine Yuawe em Kodineta bilong faundesen for Pipel na Komyuniti Developmen Integrel Konsevesen na Developmen program husat i wanpela trena bilong SBDC i bin karimaut sevei long Nesenel Kapitel Distrik.

"Ol i karimaut ol dispela program long planti krismas pinis na nau ol i laik glasim kos na ol program. Ol bi lukluk long ol, glasim na skelim long lukim olsem ol kos i gutpela long ol lain i karimaut ol," Ms Yuawe i tok.

SBDC i stap aninit long lukaut bilong Tred na Industri. As tingting bilong en em long givim save long ol asples lain long ranim ol liklik bisnis bilong ol.

"Ol i karimaut ol dispela program long planti krismas pinis na nau ol i laik glasim kos na ol program. Ol bi lukluk long ol, glasim na skelim long lukim olsem ol kos i gutpela long ol lain i karimaut ol." - Ms Yuawe

SBDC i bin givim aut ol kwesten pepa long ol pipel i stap insait long program na ol i mas ansaim ol. Long dispela rot bai SBDC i ken painimaut sapos ol program i wok long ron gut, Ms Yuawe i tok.

Long tripela wik nau Mis Yuawe i

toktok wantaim 19 manmeri long Sabama, Kaugere, Gerehu, Boroko. Hohola, Tokarara, Bomana na faiv Mail husat i bin sindaun long kos.

"Planti i no save o klia olsem ol i mas statim beng akaun long putim mani we ol i kisim long dispela bisnis. Na ol i no ken putim mani long pesenel akaun bilong ol. Mipela i painaut olsem ol i no lukautim gut mani na olsem planit liklik bisnis i pundaun."

- Ms Yuawe

Ol lain i laik tru long long opim tred stoa, trak haia bisnis, ol liklik stil fabrikensen, kakaruk, pig, somap na kuk projek.

Mis Yuawe i tok sevei i autim olsem trening program i gutpela tasol SBDC i no save givim sapot na dispela i save slekim laik bilong ol.

Em i tok sevei i autim olsem bihain long ol manmeri i sindaun long wok-sop, planti greduet i no bihainim trening metiriel na sampela long ol i gat ol bikpela tingting long samting we ol inap mekim bihainim dispela trening.

"Planti i no save o klia olsem ol i mas statim beng akaun long putim mani we ol i kisim long dispela bisnis. Na ol i no ken putim mani long pesenel akaun bilong ol. Mipela i painaut olsem ol i no lukautim gut mani na olsem planit liklik bisnis i pundaun", Ms Yuawe i tok.

Em i tok tru ol hevi i stap tasol i gat bikpela sapot yet i stap long program.

Em i tok tu olsem planti long ol patisipen i bin autim wari olsem ol i no inap long kisim dinau mani long beng na ol bin askim sapos ol i ken wokim dispela aninit long SBDC. Em i tok long dispela taim, i nogat hap we ol i ken kisim ol liklik dinau mani i stap daunbilo long K500 long kirapim ol liklik bisnis.

AusAID i fandim dispela sevei wok.

Ol Seko pipel sanapim paris senta long makim wanbel



• Mista Saonu (raitban) wantaim komyuniti lida Talas Ansua na ol lida bilong ples long Sikam, Waram na Tosin i lukluk.

PASIN bilong, wanbel na wok bung bilong ol. Long dispela taim tu ol i singautim memba bilong Kabwum Ginson Saonu na wanbel na sikanim em long ol asua bilong ileksen bipo na laik wok bung wantaim em long narapela ileksen i kam.

Wanpela komyuniti lida bilong ples, Talas Ansua i tokim ol pipel long wok bung wantaim lida ol i gat pinis na bai planti sevis inap kamap long Tosin eria bilong ol. Mista Saonu i tokim ol pipel olsem pasin na toktok bilong bipo i save helpim tingting bilong

man long nupela tingting bilong bihainim.

Sapos yumi mekim gutpela samting pastaim em bai gutpela kaikai bai yumi i kisim. Sapos yumi mekim nogut pastaim em tu bai yumi kisim kaikai nogut.

Sapos yumi laikim ol sevis yumi mas wanbel pastaim na dispela wanbel i mas stat wantaim ol lida pastaim na ol pipel bai bihainim.

Klostu wan tausen manmeri i kamap long dispela wanbel bung na putim simen long kamapim paris senta opis bilong ol.

PNG bungim 26 independens de bilong em

DISPELA wiken em bikpela de bilong tingim na amamasim 26 Independens De bilong

Papua Niugini bihain long Papua Niugini i kisim independens long han bilong Australia gavman long Septemba 16, 1975.

Planti hap bilong ol provins na distrik em ol pipel i mekim plen long kamapim sampela kain amamas na singsing. Sampela em ol lida bilong ol i stap wantaim ol long mekim kamap dispela bikpela de bilong amamas wantaim.

Long las wik tasol gutpela nius i kamap long Bogenvil we olgeta wok bilong stretim gutpela sindaun na belisi i kamap. Dispela i soim sampela gutpela piksa bilong gutpela senis long laip na sindaun bilong ol pipel bilong Bogenvil bihain long 10-pela krismas olgeta we ol pipel i sindaun nogut i kam.

Long dispela wik bai ol lida bilong kantri i tokaut long wanem kain gutpela samting kantri i bungim na kamapim na wanem kain ol hevi na



• Bill Skate.

bagarapim em kantri i bungim na wanem wok i stap yet long kantri i atas go long en.


Lida bilong Oposisen Bill Skate i tok i nogat wanpela samting long ol pipel bilong Papua Niugini i amamas long en long dispela independens de.

Mista Skate i tok kantri i bagarap tru long planti bikpela stil pasin na ol bagarap insait long sistem bilong gavman we mani i paul na prais i go antap tru na ol liklik manmeri i kisim

taim long laip na sindaun bilong ol long dispela.

Mista Skate i tok dispela em ol hevi bilong gavman na gavman yet i no stretim olsem na ol pipel i kisim hevi long en.

Toktok bilong Prais Minista Sir Mekere Morauta i tok i tru Papua Niugini i bungim planti hevi tru long prais bilong ol samting, hevi long mani long kantri na planti bikpela wok i no kamap gut. Tasol em i tok dispela ol hevi i bin stap bipo na i kam taim gavman bilong em i kisim opis. Em i tokaut tu long ol gutpela rot gavman i ting PNG i mas kamapim na bihainim long stretim ol sampela hevi we em i toktok long en long antap. Em yet bai tok klia moa long ol toktok bilong em long Septemba 16, long dispela wik taim em i mekim ol independens toktok bilong em i go long ol pipel bilong Papua Niugini.



Amamas wantaim sispop • Susa ya i kalap long holim han bilong Twisties man ya long kisim sispop.

Liklik lek kilim ol meri Saina



Yumi save kolim dok • Dispela man i soim wanpela wel dok em i kilim taim em i kam insait long banis sipsip. Yumi save kolim dok na lukautim long haus tasol Australia i kolim dispela dingo na em i save ron olsem wanpela wel animel. *Poto: The Weekend Australian.*

PLANTI yia tru ol meri Saina i kisim bikpela pen tru long luk nais long ai bilong ol man olsem pasin kastom i tok.

Bilip bilong ol saina i olsem sapos meri i gat liklik lek emi luk nais tru long ai bilong ol man na bai i marit na stap gut bihain taim.

Dispela bilip i kamapim tingitng olsme taimol bebi gel i bon, mama na tumbuna mama bilong ol i save pasim lek bilong ol.

Taim meri i gro, lek tu i save gro wantaim bodi tasol. Dispela bilip i 1000 yia olgeta na planti meri tru i kisim dispela kain bagarap taim ol i gat 6 o 7 krismas taim mama taitim lek bilong ol.

Ol mama i save tanim lek bilong bebi gel na pasim i stap inap tri o foapela yia olgeta inap long taim ol meri i kamap bikpela.

Insait long ol dispela yia, planti lek i save tanim na i go bagarap na luk

olsem ol meri i gat sik lepa.

Insait long 1000 yia olgeta, kastom i stap na ol meri i no komplek liklik tasol tude ol meri i painim hat long sanap long liklik lek bilong ol na karim ol bikpela hevi samting long wankain taim.

Ol lapun meri, pastaim ol i save stap wantaim famili bilong ol tasol nau ol i painim rabis long taun na salim i painim hat taim stret.



Stapim trabel • Plisman i save gut tru long stapim trabel. Ol dispela tred yunien wok man i go insait long palamen bilong Australia na ol plisman i traim bes long stapim ol. *The Weekend Australian.*

Israel pait yet wantaim Palestain



• Wanpela meri Palestain i kros wantaim ol man Israel ausait long wanpela bung we i kamap tude long Durban long kantri Ireland. Dispela bung i lukluk long hevi bilong kala skin bilong ol man we i kamap long wol tude. *Piksa: The Weekend Australian.*

ISRAEL i traim las wik long kilim wanpela opisa bilong ami bilong Palestain bihain long ol Palestain i kilim tupela ami na wanpela dokta. Ol Paletsain ami atoriti i ripot olsem Israel i bin traim bomim haus bilong Khayis Abu Leila, het

man bilong Paletsian Demokrentik Fran na traim kilim em tasol em i no stap long haus dispela taim. Pait namel long Israel na Palestain i kamap wanpela yia nau bihain long tupela stat pait las Septemba.

Israel i gat wanpela gavman polisi olsem ol bai kilim ol man husat i traim long kilim ol Israel na dispela birua long Mista Leila i wanpela bilong ol dispela birua. Long wankain taim, Israel i salim ol ami tenk i go insait long

Rafah, wanpela taun bilong Palestain na bikpela gan pait tru i bin kamap.

Long wankian stori, ami bilong Israel nau i lukluk long kisim kok wara bilong man na putim long wanpela haus sik i stap.

Ol opisal bilong gavman i lukluk nau long gutpela na nogut sait bilong dispela samting na tokaut bihain sapos ol i laik mekim olsem o nogat.

Ol gelpren na meri bilong ol ami husat dai long pait wantaim Palestain i ken kisim kok wara bilong man long haus sik na karim bebi.

Dispela em namba wan taim wanpela ami insait long graun i kamap wantaim dispela kain tingting long putim kok wara bilong man long gumi na taim ol dai pinis, ol bai yusim dispela kok wara long kamapim bebi.




Fari piksa bilong yia • Dispela ol tripela i kamapim fani muvi piksa we i winim ol narapela piksa. Dispela hap piksa i kam long wanpela hap piksa ol i mekim. (L-r) Chris Rock, Morgan Freeman na Renee Zellweger. *Poto: The Weekend Australian.*

Fiji i gat nupela praim minista

Fiji i makim nupela Praim Minista bilong ol dispela wik bihain long ileksen i pinis las wik.

Nupela Praim Minista em Laisenia Qarase i tok olsem em i gat namba long kamap Praim Minista na i askim pinis blesing bilong Presiden Josefa Iloilo.



• George Speight.

Olpele praim Minista Mahendra Chaudry i raus long wanpela militeri ku las yia i tok em bai traim painim yet sampela memba long kamap Praim Minista.

I save gat 71 sit long palamen bilong Fiji na Mista Chaudry i holim 27 na Mista Qarase i holim 31 memba i stap.

Ol narapela memba i stap yet inap joinim wanpela bilong tupela sait long kamapim gavman.

Lida bilong militeri ku las yia George Speight stap wetim kot long kalabus tasol em i bin winim wanpela si long palamen.

Mista Speight i stap wantaim ol memba bilong em yet na Mista Chaudry i tingting long askim em long joinim em bai kamap Praim Minista.



• Laisenia Qarase.



• Mahendra Chaudry.

Tasol Mista Chaudry i hat long kisim sapot bilong Speight bikos las yia tupela i no wanbel na kamapim dispela militeri ku.

Ketsim mi sapos yupela inap!

• Kepten bilong New Castle Knights (NRL Ragbi lig tim) Andrew John i amamas long winim 1997 gren fainel egensim Manly. Ol i selebretim win wantaim ol sapota bilong em na kalap i go antap long ol i ken ketsim em na holim em liklik. *Poto: WEEKEND AUSTRALIAN*



Niu Silan i no inap kisim moa long 150

PRAIM Minista bilong Niu Silan Helen Clark i tokaut olsem kantri bilong em bai i no kisim moa long 150 refuji manmeri.

Dispela ol manmeri i kam olsem long Po Mosbi na vbai kamap hia long dispela wik na stap sotpela taim long hia bipo long ol i go olsem long Nauru na Niu Silan.

Praim

Minista Clark i mekim tok bihain long nevi sip bilong Australia husat karim 430 refuji i kam bungim gen narapela 200 namel long solwara. Dispela bringim namba bilong ol manmeri i go antap 643 manmeri olgeta.

Em i tok hevi i bikipela tru bikos tu moa ong 22.5 milien manmeri i stap olsem refuji na em i no ting ol bai stap long kam yet.

Praim Minista bilong Australia John Howard i tok olsem ol refuji manmeri husat kamap long i no inap kisim tok orait bilong gavman long stap olsem refuji.

Mista Howard i tok ol manmeri i mas kamap long men len pastaim na aplai olsem refuji bai orait.

PNG i tok orait long kisim ol manmeri na holim i stap pastaim long ol i ken painim nara-

pela kantri.

Tasol sapos nogat wanpela kantri i laikim ol refuji manmeri, hevi inap stap long han bilong gavman bilong PNG.

Foren Afeas Minista bilong PNG John Pundari i tok olsem ol manmeri i no inap krungutim graun bilong PNG. Ol bai stap long sip tasol, kisim helikopta na flai stret i go kalap long balus na go.



I no gem bilong man tasol

Ol yangpela bilong Australia i save lainim long pilai ragbi taim ol liklik manki yet. Dispela i mekim ol kamap gutpela man bilong pilai taim ol yangpela. Ol yangpela lojng piks ai trening aninit long lukaut bilong ol bikipela man. Dispela pasin i save mekim na Australia i save winim wol taitel long ragbi. *Poto: The Weekend Australian.*

Kristen na Moslem i pait long Naijeria

MOA long 50 manmeri i dai pinis na ami i go insait long stapim hevi namel long ol Kristen na Moslem lotu manmeri.

Planti haus i paia na bagarap i wok long go bikipela tasol nau i kam daun gen.

Presiden bilong Naijeria Olusegun


Obansajo i tokim ol ami long insait long taun Jos we birua i kamap.

Ol ami i stapim pinis dispela hevi tasol bikipela kros namel long ol Kristen na Moslem i stap yet.

Las yia tu 3,000 manmeri i dai long wan kain birua na planti samting

tu i bagarap.

Planti ripot i tok olsem ol dai bodi i stap nabaut long olgeta rot kona nabaut. Dis-pela birua i no pinis namel long tupela sait wantaim. Taim ol ami i lusim tan Jos, dispela birua inap kirap gen na planti moa piple ianp dai.



NATIONAL WEEKLY HIT PARADE

September 01, 2001

SPONSOR: TRADEWINDS

TW	SONG	ARTIST	TW	SONG	ARTIST
01	O Ulamagi	Demas Saul	11	Elison	Kabu Rita
02	O Sine	Demas Saul	12	Shanna	Patti Doi
03	Pondopondo	Felix Yausi	13	Eda Loa	Lista Serum
04	Come Back	Anslom	14	Wopa Kantri	K-Dumen
05	Hat Wok Nating	Lista Serum	15	Wara Sepik	Felix Yausi
06	Sori Vada Lasi	Demas Saul	16	ToMartin	Patti Doi
07	Nonga Base	Anslom	17	Sinagu Lau	Demas Saul
08	Corcomato	K2 Biis Band	18	Balus i ron Antap	Split Image
09	Uka Bai Teke	Anslom	19	Tavine	K2 Biis Band
10	50,000	Lista Serum	20	Vuvu Ai	Naviu Marona

IN: Eda Loa

Lista Serum

OUT: 10,000

K-Dumen

SOURCES: YUMI BELO SHOW
LAIK BILONG ANKOL E.T
COCA COLA GARAMUT
FLAME CULTURE & PHONE ENQUIRES

LAI PSTAIL

Noni jus em strongpela marasin bilong planti sik bilong bodi

WANPELA pikinini diwai save groa long nambis tasol. Na smel bilong em i nogut, na kaikai bilong em i hat liklik long kaikai.

Dispela pikinini diwai wantaim bun na lip na rop i gat gupela kik long stretim kain kain stik long skin na bel bilong yumi.

Ol saintis long kain hap i skelim dispela pikinini diwai na ol tu i tok dispela kaikai i fit stret long helpim kensa bai i no inap long kilim yu na sampela taim stretim sik yu ken tingim.

Yu mas tingim taim yu boilim o kukim kaikai bilong yu olsem kapis na kumu marasin we i stap long ol kumu long lukautim bel, I save ron awe na mipela save kaikai liklik

swit long strongim bel tasol yumi i no kaikai planti olsem na isi long sik long bel.

Noni juis i gat plantim swit pela marasin long strongim bodi sistem bai i no inap kisim sik.

Ol saintis i skelim kensa i go long ol rat long testim save bilong ol yet. Taim ol rat i kisim sut kensa i go long ol long wanpela wik ol i dai.

Ol i skelim hap go long narapela boks na long dispela pasin ol i bin givim sut bilong noni juis i go long namba tu boks, nau ol rat i kisim sut bilong noni juis na ol i stap gut winim ol dai lain i go long 123 de moa. Ol i skelim dispela wok planti taim na olgeta taim ol rat i kisim sut



• Foto bilong noni frut.

bilong noni jus ol i stap gut moa yet.

Ol asples lain bilong yumi yet i save yusim ol kain kain hap bilong diwai na frut wantaim lip long stretim ol sik kam long skin na bel. Manus, Sepik, Morobe, Bogenvil, Rabaul, na ol lain nambis.

Planti i tok man na meri i save dringim o kaikai dispela samting ol yet i save tok dispela samting bilong Bikman i save wokim wok stret na ol pen na solap

na bel pen na kus na kain kain sik i save pinis.

Sapos yu tingim bikman em i putim mipela kam long graun na olsem marasin long strongim mipela i stap long bus na nau mipela olgeta save long dispela namba wan juis em i noni juis tasol. Em i ken kamapim wok long strongim yu na famili bilong yu bai i no inap kisim sik.

Ol kain kain animol i save kaikai ol bus samting na olsem ol lip

na rop bilong ol diwai na tru ol i save stap gut stret ol i no save kisim sik bilong wanem ol i kaikai ol i kaikai ol marasin olsem na stap gut na longpela taim.

Sapos yumi inap bihainim dispela pasin i luk olsem yumi inap pulim laip bilong man na meri i stap longpela taim.

Long dring dispela juis tasol em i stap long skel bilong 6-pela spun long wanpela de o long Inglis em i 30 o 60 ml long wanpela de.

Liklik meri i gat sik elephantaitis

DAPSY MINGKA i raitim

DISPELA liklik meri Ruthy Samson 10-ya kismas bilong Monye viles hap long Menyaymya distrik Morobe provins. Dispela liklik meri ya save skul long Seven De Edventis praimer skul long Tent siti long Lae.


Wanpela kain sik ol i kolim elephiantaitis i bagarapim skul na gupela laip bilong em na sindaun bilong em long bihain taim. Long liklik sigirap tasol na han bilong em i solap nogut tru we tupela papamama bilong em i tok.

Taim em i go kam long skul yet, dispela sigirap i kamap bikpela tru we i no gat pinis bilong en. Dispela yangpela liklik meri nau stap long Wod long Angau Memoriel haus sik inap long sampela mun i go pinis

tasol solap ya i no pinis liklik.

Dokta bilong em wanpela waitman i tokim em wantaim papamama bilong em olsem, yu bai go long Australia long sigirapim na rausim sik ya i go aut. Long dispela as em wantaim famili bilong em i no gat mani long stretim bagarap na hevi em i bin kisim na tarangu papamama bilong em tu i no wok mani, na tu i nogat wanpela mani long skin bilong ol long kisim em go long ovasis haus sik long Australia long oraitim pikinini bilong tupela.

Olsem na Ruthy wantam famili bilong em i wok long painim mani long helpim em na ol i sindaun arere long ol bikpela stoa long askim mani long trip bilong em long Australia long rausim sik ya. Plis help, helpim em long sampela toea. Em i stap long Angau haus sik long Lae.



**HITS & MEMORIES
FM 100**

RADIO NETWORK



PORT MORESBY FM 100.3	MT. HAGEN FM 100.4	TABUBIL FM100.3	ALOTAU FM107
BOROKO FM 100.3	LAE FM 100.5	WEWAK FM100.8	BOREGORO FM 107.7
GOROKA FM 100.2	POPONDETTA FM 100.5	MADANG FM 100.8	HOREALOA FM 107.5
KAVIENG FM 100.2	RAMU FM 101	KOKOPO FM 100.8	WATERHOLES FM
107.3			
LORENGAU FM 100.3	KUNDIAWA FM 101	BUKA FM100.3	KAINGUMA FM 107.1

When you advertise on FM 100, you can rest assured that your message is being heard in and around these locations on these frequencies right around PNG. Just call 300 4300, fax300 4399 or email us at kalang@tiare.net.pg & we'll take.

Komyuniti mas sapatim ol pikinini long skul

HILDA WAYNE i raitim

"OL i brukim pes bilong em nogut tru na em krai krai na nogat wanpela helpim em. Ol man paitim em nogut tru bikos em i bin stil," mama bilong mi i stori olsem taim em i bin kam long Mosbi.

Mi wari long wanem samting i kamap long ples na mi askim mama long stori long mi na em i tok ples i stap orait tasol ol yangpela yut long ples i givim hevi long ol lapun na ol lidaman i painim hat tru long tokim ol yut long noken mekim trabel.

Mama i stori olsem planti ol yangpela boi long ples i lusim skul taim ol i liklik yet na nau ol i wok long stil nabaut. Em i tok planti bilong ol i save paitim papamama bilong ol na askim ol long mani na taim ol i nogat ol yangpela i save salim spak brus na pulim bilum bilong ol lain long maket na strit nabaut.

Sampela boi i save stap long ples em ol liklik boi tasol bipo na ol i save go long skul. Ol i stap long gret tri tasol na ol i lusim skul na bikhet nabaut na save trikim papamama.

Taim papamama i tokim ol long go long skul ol i save les na tok strong long ol lapun bilong ol.

Sampela lidaman long ples i save bungim ol yangpela na tokim ol long ol i mas skul gut tasol dispela kain toktok i no save go long het na bel bilong ol yangpela long ples.

Bobi na Bain (i no tru nem) em tupela boi long ples bilong mi na tupela i gutpela boi stret.

Tupela wantaim i bin kamap long

kain famili we' mama na papa i lusim marit na stap narapela narapela.

Mama bilong Bobi em lusim papa bilong em na maritim nupela man na mama bilong Bain em i dai long taim em i liklik boi tru.

Papa bilong Bain i maritim nupela meri tasol meri ya i no lukautim Bain gut olsem mama bilong em i save mekim na boi em i save painim bel hevi tru taim em i lukim olsem sampela pasin ol narapela mama long ples i save mekim long pikinini bilong ol em i no save lukim long famili bilong em.

Tupela wantaim i lusim gutpela famili pinis na nau em tumbuna mamapapa i lukautim tupela long ples bilong mama bilong tupela. Mama bilong tupela em tupela sista stret.

Ples em i no longwe long Hagen siti na mipela save wokabout tasol i go long stoa tasol long kisim ol samting mipela i save laikim.

Bipo taim ol i liklik yet ol i save harim toktok na mekim samting papamama i askim. Taim ol i go bikipela mipela i lukim olsem ol i no save harim toktok. Taim ol i go long haus bilong narapela manmeri ol i save stap isi olsem ol gutpela boi tasol long haus bilong ol yet tok kros i no save isi long ol na papamama.

Taim ol i stap long gret fo ol i lusim skul na tingting bilong ol i ting olsem ol bai stap liklik boi yet. Nau long dispela taim papamama i lapun na trangu ol i no inap helpim ol boi husat i kamap yangpela man pinis.

I no long taim i go pinis mi bin go long ples na mi harim olsem sampela boi long ples i bin pulim tupela



• Maureen Hill pri skul long Madang.

meri long ples yet. Tupela meri ya em tupela lain tambu bilong mipela na ol boi i brukim haus bilong man em ol i silip wantaim olsem tambu na ol i holimpas man ya na meri bilong em na ol i pulim tupela yangpela.

Taim dispela hevi i kamap ol lain bilong tupela yangpela meri i tok-tok long kisim dispela ol boi i go long kot tasol planti toktok i kamap long ol mejistret na ol i tok orait gen olsem bai ol i kisim kompensesen na maski long kot.

Dispela taim planti lain long ples i strong long plis i mas holimpas dispela ol yangpela man na putim ol long sel.

Planti toktok i kamap na mi tu mi bin wanbel long plis i mas holimpasim ol na maski long ol i go long sel tasol toktok mipela i mekim em ol lida i no harim na ol i tok mekim kompensesen.

Sampela gutpela lapun long ples i lukim kain pasin na ol i bel hevi na ol i tok olsem ol i pret nogut tru long kain pasin.

Wanpela lapun nem bilong em Miti em i bin tok olsem larim ol yangpela mekim rong i go long kot.

"Ol i tok olsem sapos ol i no larim lo i stretim rong ol yangpela i mekim orait bai ol i mekim planti

moa kompensesen inap wanpela bilong ol i kisim bikipela bagarap tru," lapun Miti i bin tok.

Las wik tasol Bain i bin stilim mani bilong wanpela man long buai maket klostu long ples na ol man i bin paitim em nogut tru.

Mama i stori olsem ol wan lain bilong Bain yet i no helpim em bikos ol i les pinis long pasin em i mekim.

Mama i stori long mi olsem na tingting bilong mi i sori nogut tru long em.

Nau i hat long mipela i mekim wanpela samting long senisim pasin bilong dispela yangpela man.

Lapun tumbuna bilong Bopi na Bain i no save toktok planti bikos ol i save pret olsem bai tupela boi i mekim rabis pasin long tupela.

Tupela yangpela man i save mekim gutpela pasin tasol i nogat papamama stret bilong lukautim tupela i stap long lukautim tupela.

Mama bilong Bopi em i save pilai kas na salim buai. Em i save go kam long Hailans Haiwe na baim bia na mekim blek maket na tu em i save baim buai tu long salim. Tasol em i no save long famili laip em olsem wanem bikos em i save raun pilai kas tumas na laip bilong haus i no save. Em i lusim tingting pinis long pasin bilong wasim pikinini na kukim kaikai bilong pikinini bilong em long belo.

Em i save mekim kain pasin we mani i save kam isi tru long em. Taim em i no win long pilai kas orait em i save salim buai na kisim mani. Taim em i no salim buai em i save kisim mani long blek maket.

Planti taim mi save go long ples mi save lukim Bopi i save bihainim mama bilong em raun raun long ol kas ples long wetim mama bilong em i ken pilai na winim mani. Sapos em i no winim mani bai Bopi i nogat mani. Taim mama bilong em winim mani em Bopi save kisim mani na go raun wantaim ol boi na dring nabaut.

Ol pipel long komyuniti i stap tasol ol i no save traim helpim tupela tumbuna long lukautim tupela boi.

Nau long ples em graun i sot na planti yangpela man i wok long marit na kamapim famili na graun i sot olgeta.

Ol i save tingting long famili bilong ol yet wanwan na traim sanap long strong bilong ol yet.

Dispela kain pasin bilong helpim

narapela famili long skul fi em i no save stap. Ol pikinini mak long komyuniti skul i no save kisim helpim long ol narapela famili. Mani bilong baim kaikai long belo tu em hat long kisim long narapela lain na yu mas wet tasol long papamama bilong yu yet stret.

Kain pasin nau i luk olsem bai kamapim bikipela hevi tru long ol yut bilong mipela. Olsem mipela ol lain klostu long siti i save les tumas long skul bikos mipela i save ting olsem taun em i stap klostu na noken wari.

Tasol nau mi lukim ol yut bilong mipela i kisim kain tingting na lusim skul. Planti moa i stap yet na tingting bilong skul i pinis long ol.

Nau ol i wok long raun raun i stap long ples na wetim kain taim we ol i ken pulim ol meri na repim meri nabaut.

Taim ol i belhat long wanpela samting ol i save pait nating na taim ol kisim tingting nogut ol i save simok spak brus na longlong nabaut.

Long kain ples olsem klostu long siti em yumi nogat toktok long tok gavman i no helpim yumi olsem na mipela i painim hevi.

Planti taim yumi tok gavman, gavman tasol yumi yet i save mekim wanem.

Tingting gut na yu husat yu ting olsem yu soim gutpela pasin long ples na husat ol lida bilong ples i mas sapatim ol pikinini bilong mipela i go long skul.


Skul em i gutpela samting na yumi noken lukim ol yangpela bilong mipela i raun nating na tok em wari bilong narapela na i no wari bilong mi.

Taim ol i mekim trabel em yumi olgeta i save pilim hevi long stretim. Yumi ken toktok planti na krosim ol taim ol i mekim rong tasol taim yumi no helpim ol long kisim gutpela laip bai mipela i lukim olsem komyuniti bilong mipela i gat hevi yet.

Bopi na Bain em tupela kamap yangpela man pinis tasol husat i gat ol liklik i stap mas putim ol long skul.

Yu ken tok yu gat bikipela graun tasol sapos yu nogat save bai olsem wanem bai yu inap long helpim yu yet.

Tasol nau long dispela taim em nogat moa graun i stap na i gutpela sapos yu gat liklik graun na kisim gutpela save bai yu mekim laip bilong yu na komyuniti kamap gut.



• Ol liklik skul pikinini long Erima St Peters Chanel pri skul i soim ol wok bilong ol.

Yusim pawa long makim gutpela lida

PEKU PILIMBO i raitim

TAIM bilong 2002 Jenerel ileksen i kam klostu pinis. Planti manmeri i no isi long kempen pinis. Olgeta laik kamap memba na senisim olgeta samting.

Yes, planti bai tok ol memba bilong tude i nogut tru. Ol i mekim planti paul pasin na i no fit long kamap stap lida moa. Taim ol yet i kamap long palamen, ol bai mekim olgeta driman bilong ol manmeri long ples kamap tru.

Ating ol dispela manmeri i tok tru? Ating ol i giaman long kamap memba tasol? Yumi olgeta manmeri bilong graun na yumi no save wanem kainkain tingting ol i gat na mekim ol dispela toktok raun.

Tasol yumi olgeta i mas klia olsem God i givim yumi wanwan man tingting long skelim ol manmeri. Husat i gutpela na husat i giaman tumas.

Wanem lida yu makim long makim maus bilong yu i ken bagrapim yu o kamap gutpela senis. Taim yu makim ol pinis, ol i stap insait long lukaut bilong mama lo olsem memba bilong yu na yu no inap mekim wanpela samting. Em i gutpela sapos yu makim gutpela man long taim bilong ileksen na bihain yu no tok ' memba ya i nogut man.'

Long ples bilong yumi wanwan

Viles politiks long Hailans i save strong tru. Olgeta manmeri i luk save olsem politiks i go pas long kamapim wok. Kisim mani i kam na kainkain sevis inap go long ples. Tasol i gat pati sistem i stap. Ol lida man olsem kaunselor, mejistral na lidaman bilong ples i save toktok planti.

Sampela bilong ol dispela lida i save kisim mani, pik, kaikal, bia, ka o wanem narapela samting long ol lida. Samepla lida i save gridi na bungim pipel bilong ol long makim rong lida.

Planti lida long ples i save ting olsem lida ya bai givim mani, ka, haus na wanem samting olsem em i mekim long taim bilong ileksen. Wanwan lida i gutpela man taim ol i givim ol samting olsem. Sampela bilong ol lida i giaman laik grisim vot bilong wanwan manmeri na giaman tasol.

Ating komyuniti lida i save asua tumas long makim rong man. Ol i stap tasol na i no skelim pasin bilong man laik sanap long ileksen. Taim ol kendidat i grisim ol long mani samting, ol i save hariap tasol sapatim ol. Ol i surikim tok tu i go long famili na wan haus lain bilong ol long stap insait wantaim ol.

Ating nambis na ailan manmeri i no save gris na kros pait long wanpela vot. Hailans ileksen i nogut tru. Ol yangpela save sampela taim salim vot bilong ol.

Planti taim kros pait save kamap namel long famili, haus lain, tambu, kandere i no save lukim pes bilong ol yet.

Planti taim haus i save paia o pait i save kamap. Politiks na memba em wanpela haus lain samting. Sapos haus lain bilong yu i gat bikpela namba bilong manmeri na yu wanpela sanap, ating em inap winim dispela ileksen. Ating haus lain bilong yu nogat planti manmeri tasol yu gat planti mani, ating yu inap go baim vot long narapela haus lain na traime winim ileksen.

Planti pipel i save pret long laip bilong ol na tromoi pawa bilong ol nating na makim sampela rong

man. Sampela i save kisim liklik mani na i no klia olsem vot bilong ol i bikpela samting ol i givim nating.

Kusai pasin na korapsen i bagarap

Ating ol lida i no save sem long giamanim ol pipel tumas. Yu tingting long kamap gutpela lida, ating pasin bilong givim mani nating long baim vot i no wanpela gutpela samting.

Ating olgeta kendidat i pasim tok bipo long ileksen olsem ol bai

lukim.

Yumi luksave olsem yumi asua pinis bihain. Dispela pasin i stap long olgeta ileksen bilong yumi na yumi mas senisim dispela pasin long ileksen i kam. Wanem taim bai yumi senis sapos yumi no mekim wanpela samting nau? Yumi olgeta taim laik sindaun na kisim sampela pipia kaikai o samting long memba na lus tingting olgeta olsem yumi bin harim wankain promis bilong ol giaman memba insait long 26 yia olgeta.

Ating yumi manmeri i kamap tude

olsem ol i promis. Ating sampela taim mani i save kamap namel ong rot na i save olgeta taim painim narapela rot long bihainim.

Pawa i stap wantaim yumi ol pipel. Maski yu maus pas, ai pas, lek han nogut tasol sapos yu manmeri wantaim laip, ating yu gat sans long makim wanpela gutpela man olsem lida bilong yu.

Yumi olgeta manmeri bilong graun na yumi save mekim planti asua long laip bilong yumi. Sapos yu tingting gut, skelim na makim man wantaim gutpela tingting, ating

pela samting bipo long em i sans long ileksen? Em i save mekim wanem taim komyuniti i bin gat hevi faivpela yia i go pinis? Kendidat i wanem kain man o meri?

God i givim tingting long yumi wanwan bai yumi ken skelim pasin na luksave long narapela arapela long komyuniti. God yet i givim lida long ol pipel bai ol i ken bihainim na stap wanbel wantaim narapela. God i tokim ol pipel olsem ol i mas stap aninit long lukaut bilong gavman. God yet i bin makim ol lida olsem Abraham, Issac, Jacob, Eliaja, Joshua, Moses, David, King Solomon na planti moa insait long Baibel. God yet i save blesim na makim ol dispela lida. Ol lida i bin lukautim olgeta manmeri bilong Israel.

Long ai bilong komyuniti, man ya i wanem kain man? Ating God yet bai makim wanpela lida bilong yu. Em i gutpela yu putim tingting wantaim God na larim em givim gutpela tingting long yu bai yu ken makimw anpeal man, husat olseme ol bikpela lida bilong Israel bipo inap karim yumi i go insait long promis graun.

Promis graun we ol mamneri inap gat olgeta sevis na i no inap wari long wanpela samting. I bai nogat wanpela i tok yu lid ai rong o rait. Olgeta pipel bai stap wanbel.

Ating dispela i stap long driman tasol ating wanpela taim em bai kamap tru.

Ating God yet bai makim wanpela lida bilong yumi. Yumi kisim skin pen nating na i no klia wanem kain lida yumi bai gat.

Tasol planti lida bilong yumi tude i save kolim kantri bilong yumi wanpela Kristen Kantri. Tasol ating yumi giaman planti long kainkain pasin nogut yumi mekim pinis. Yumi i no mekim ol pasin we i Kristen long ai bilong ol kainkain pipel. Ating yumi toktok long maus tasol na i no blip tru? Ating yu soim pes i klin tasol bodi i doti yet tasol bikpela samting. God i bin harim prea bilong ol pipel long 1997 ileksen na wankain pasin bai kamap long 2002 ileksen.

Long pinisim, em i gutpela long yumi skelim pasin bilong wanwan memba pastaim. Nogut yumi i lus tingting taim yumi lukim kusai pasin bilong ol.

Yumi pipel i gat pawa long kamapim gutpela tingting na makim manmeri olsem lida. Sapos yumi no mekim wanpela samting, yumi inap bagarapim yumi yet.

Ol memba yumi makim bai mekim samting long stretim sindaun bilong yumi. Sapos yumi no mekim gutpela lida, yumi yet bai kisim taim.

Ating mi toktok planti. Yumi olgeta manmeri na yumi save long wanem paul pasin kamap wantaim ol lida bilong yumi. Ating nau em taim yumi wantaim God i ken sanap wantaim na kamapim sampela senis.

Olgeta memba bilong i no nogut. Planti i gutpela tasol taim ol kamap lida ol i save paul liklik. Ating nogat paul bai kamap long ol memba husat bai kamap bihain.

Pawa bilong senisim bihain bilong yu stap nau long han bilong yu. Tingting gut, skelim man meri long 2002 Jenerel ileksen na makim ol.

Nogut yumi kamap long wankain hevi olsem yumi stap pinis. Olgeta pipel i save wanem kain asua ol i mekim. Mi ting i no gutpela sapos yumi mekim wankain asua taim yumi gat sans.

Makim man gut tude na lus ting long komplek bihain. God i ken blesim yu long wanem disisisen yu mekim.



mekim wankain wok taim ol kamap long palamen. Ol i mas noken yusim mani long baim vot, ating dispela em gutpela tingting.

Dispela pasin inap soim ol manmeri olsem yu wanpela gutpela lida. Taim ol lida i baim vot o mekim kusai pasin, ol i save wari long mani bilong ol taim ol kamap memba pinis. Ol save tingting long kisim mani bilong ol bek. Ol i save lus tingting long givim sevis i go long komyuniti.

Mi save ritim Wantok Niuspepa na lukim planti manmeri tok kros long memba bilong ol. Ol i save tok dispela memba i stap we? O dispela man i mekim wanem samting? Em i no save soim pes. Em i no save kamapim wanpela sevis

Ating asua i stap long yumi yet, namba wan taim yumi makim rong man na bihain yumi bik maus long nius pepa bai olgeta manmeri i ken

tasol na yumi no save long wanpela samting. Sapos sampela pipel i bin stap long taim bilong Independens, ol i mas sem olsem ol i wok long lus tingting long planti giaman bilong ol giaman lida husat i tingting long ol yet tasol.

Planti bilong ol memba i save kaikaik gut, raun long ekspensiv ka, slip raun wantaim kainkain meri, dring spak, slip long gutpela haus, raun i go ovasis, givim mani long wantok bilong ol na kamapim kainkain paul pasin. Ol memba i tingting long kisim ol dispela kainkain amamas na stap gut. Ol i save lus tingting olgeta long wok bilong ol.

Planti memba i save yusim mani bilong ol pipel long kamapim praivet bisnis. Ol i save yusim nem bilong ol pipel nating long kisim helpim mani long ovasis gavman. Ating ol mani i save kamap long ol pipel

yumi olgeta i gat sans long mekim gutpela samting bihain long laip.

Yumi mas mekim wanem long ileksen

Noken tromoi nating vot bilong yu bikos kendidat i wan haus lain bilong yu op yu tarmu bilong em. Yu noken tromoi nating long man husat kamap wantaim kusai pasin, noken tromoi vot bilong yu nating bikos ol pipel pretim yu. Noken tromoi nating vot taim kainkain maus wara promis i kam. Noken tromi pawa bilong yu taim dringim bia o mekim wok bilong wanpeal man.

Yu mas skelim gut man. Sapos em wantok bilong yu, man ya asave giaman o nogat? Man ya i save paul raun wantaim kainkain meri o nogat? Man ya i wanem kain man tru? Em givim mani raun long baim vot bilong wanwan manmeri o nogat? Em i bin mekim wanem gut-

Amamasim 26 Independens De bilong Papua Niugini



**Ol piksa bilong ol
Independens selebresen long
1975 i kam. Dispela wik bai
olgeta pipel i amamasim
26 Independens De**



Rot kokonas i kamap long Is Nu Briten



BIPO bipo long tumbuna taim tupela brata i stap insait long wanpela viles long Is Nu Briten provins.

Dispela tupela brata i gat gut-pela save tru long painim abus long bus na solwara.

Bikpela brata man bilong painim abus long bus na liklik brata, man bilong painim abus long solwara.

Dispela brata em i save painim ol abus olsem Muruk welpik, kapul, pisin, rat na ol arapela man.

Liklik brata em i save painim ol abus olsem pis trausel, malio na ol arapela abus tu.

Bikpela brata em go long bus na taim em laki, em kism ol abus i kam sapos nogat em i kam nating.

Tasol liklik brata olsem olgeta de em i save karim 3 o 4 bek i kam.

Wanpela moning bikpela brata kism bunara spia na wokabout bihainim bus rot i go em i haitim ol bunara, spia na wokabout bihainim bus rot i go na em haitim ol bunara, spia long bus na go stret long feveret nambis bilong liklik brata na hait long bus o pitpit i stap.

Liklik brata kirap wokabout i go kamap long dispela feveret nambis na putim a i go i kam.

Nogat man nau em rausim het na paitim na suvim i go insait.

Planti pis, trausel na malio pulap long bel na kam kapsaitim pinis i go isnait gen. Bekpela brata kam gen na painim het

nogat nau.

Em sem na go hait olgeta long solwara. Bikpela brata i no wanbel na em i haitim het i stap.

Sori na em planim dispela het arere long nambis o solwara na kra i wantaim i go i stap sampela mun na kam lukim dispela het bilong brata na em lukim wanpela longpela diwai i gro na karim sampela frut em kism sampela na testim em swit na olgeta man long nambis ol kism

na planim bilong I yet na kaikai. Dispela frut em kokonas.

Sapso tude tu yu lukim yu bai lukim nus pes bilong man yet.

Dispela nau em rot kokonas i bin kamap.

Na tu em kamap long Is Nu Briten.

**Avex Bega
Badili, Pom.**

Famili stopim laik bilong mi

Dia LAIPLAIN,
Mi wanpela studen na mi save amamas long ritim ol toktok bilong yupela i save kamap long niuspepa. Planti ol toktok i save givim ansa long ol askim mi save gat long laip.

Mi gat wanpela problem. Mi gat wanpela boipren na mi tupela i save laikim mitupela yet gut tru tasol famili bilong mi i no save wanbel long dispela. Ol i no laikim mitupela long mekim pren yet.

Tasol mi laikim em tumas na mitupela i lukim olsem mitupela i no inap lusim prensip bilong mitupela. Em i no save toktok tumas na em i save harim toktok tu olsem na mi painim hat tru long harim toktok bilong famili bilong mi long lusim em. Em i gat wankain tingting olsem mi gat na em i les long lusim mi.

Mi toktok wantaim famili bilong mi long pren bilong mi tasol ol i tok em i orait tasol mi stap long skul yet na ol laikim mi mas pinisim skul pastaim.

Hevi em olsem: Mitupela i laikim mitupela gut tru na i

hat tru long mi wetim skul bilong mi long pinis pastaim. Em i wok long kam raun lukim mi na ringim mi na raitim pas tu i kam long mi.

I no gutpela long gat boipren long dispela taim o nogat? Bilong wanem ol famili bilong mi i no amamas long mi bikos mi no mekim wanpela samting rong. Mitupela i save lukim pes tasol ya.

Mi save olsem mi rong long i no harim toktok bilong famili bilong mi tasol laikim bilong mi long dispela boi em i strong tumas. Bai mi mekim wanem?

CONFUSED

Dia PREN,
Mipela i amamas olsem yu save laikim long ritim ol toktok bilong mipela long niuspepa.

Mipela save traim long toktok long ol hevi we i save kamap long famili laip olgeta de long kantri bilong mipela.

Wantaim helpim bilong Papa

God mipela save laik helpim ol lain husat i rait i kam long mipela long stretim laip bilong ol, long painim amamas we Jesus Krai tasol inap givim na abrusim ol pasin we i save karim sori tingting na belhat i kam.

Planti yangpela pipel i save luksave long kain hevi yu i gat. Ol i save painim hat tru long tingting long ol hevi i kamap long prensip na filings bilong ol na tu ol i save painim hat long tingim skul bilong ol.

I luk olsem ol famili bilong yu i wanbel long boi pren bilong yu tasol ol i lukim olsem yutupela i pas tru na ol i laikim olsem yu mas pinisim skul bilong yu pastaim.

Long sait bilong yutupela yet em yu lukim olsem yutupela bai pren tasol na nogat tingting long marit nabaut. Tasol yu mas save olsem planti yangpela boi na gel taim ol i stap yet long skul ol i save silip raun wantaim pren bilong ol.

Ol famili bilong yu i wari olsem dispela kain strongpela tingting yu na boipren bilong yu



i gat namel long yutupela yet em i ken mekim yutupela mekim ol kain pasin we yu bai i no inap laikim bihain.

Long tingting bilong yu yet yu lukim olsem i nogat wanpela rong long lukim na toktok wantaim pren bilong yu. Tasol long givim gutpela tingting long famili bilong yu, em i gutpela sapos yu noken lukim em planti taim.

Yu ken ting olsem dispela toktok mipela i mekim em i strong tumas na i nogutpela tasol famili bilong yu i wari olsem yu noken mekim kain rong we planti yangpela i save mekim na painim bikpela hevi bihain taim ol i stap.

LAIPLAIN



Nem: S. A. Agrepong
Krismas: 17 (man)
Adres: Christian Faith Church, P.O. Box e-104, Takoradi, Ghana.
Save laikim: Rit, harim musik na harim ol toktok bilong paris.

Nem: Adam Bemdang
Krismas: 15 (man)
Adres: Christian Faith Church, P.O. Box e-104 Takoradi, Ghana - W/A.
Save laikim: Mekim pen pren na pilai futbol.

Nem: Frank Bemdang
Krismas: 18 (man)
Adres: Christian Faith Church, P.O. Box e-104 Takoradi, Ghana - W/A.
Save laikim: Harim musik, rit na singim song.

Nem: Jason G. Nakin
Krismas: 16 (man)
Adres: Hanahan Primary School, P.O. Box 191, Buka, North Solomon.
Save laikim: Rait, kism foto, raun, pilai spots na harim musik.

Nem: Tussie Wak
Krismas: 16 (meri)
Adres: Amele School, P.O. Box 730, Madang, Madang Province.
Save laikim: Mekim pen pren, go lotu, senisim foto na harim Yumi FM.

Nem: Martha Tipua
Krismas: 15 (meri)
Adres: Amele Primary School, P.O. Box 730, Madang, Madang Province.
Save laikim: Go lotu, pilai spots, mekim pen pren na senisim foto.

Nem: Mocrety Clon
Krismas: 15 (meri)
Adres: Amele Primary School, P.O. Box 730, Madang, Madang Province.
Save laikim: Mekim pen pren, lukim TV, go lotu na tok fani.

Nem: Nunner Pole
Krismas: 12 (man)
Adres: Koyabu Community School, PO Box 17, Pangia, SHP
Save laikim: Go lotu, harim musik, lukim TV, harim tumbuna stori, ritim buk na helpim narapela.

Nem: Rengetsi Banas
Krismas: 20 (meri)
Adres: C/- Jacob Banas, Cocoa Igdustry Board, PO Box 250, Buka, North Solomon Province, PNG
Save laikim: Pilai basketball na kuk.

Nem: Kosmei Israil
Krismas: 15 (man)
Adres: PO Box 43, Ambunti, East Sepik Province, PNG
Save laikim: Pilai soka, go long skul, mekim pren wantaim ol nupela lain na harim musik.

Nem: Kosmei Maxualyn
Krismas: 18 (meri)
Adres: PO Box 43, Ambunti, East Sepik Province, PNG
Save laikim: Go lotu, pilai volibol, kaikai buai, mitim ol nupela pren na harim lokal musik.

Nem: Basil Tato
Krismas: 5 (man)
Adres: PO Box 43, Ambunti, East Sepik Province, PNG
Save laikim: Pilai wantaim, raitim pas, salim foto, danis na laikim papamama tumas.

Nem: Methlyne Tagori
Krismas: 22
Adres: PO Box 321, Buka, North Solomon Province, PNG
Save laikim: Singing lotu, go lotu, mekim pren na tokplai.

Nem: Margaret Anita Davidson
Krismas: 24 (meri)
Adres: PO Box UC 257, Davidson Hill, Cape Coast, Ghana, WA
Save laikim: Raun long narapela ples, lukim ol pikini, kuk, harim musik, lukim video, senisim presen na foto.

KANAGE

"Em...
nawapela wik...
along..."



Kanage bilong wanpela ples ol i kolim Ice Len insait long Kainantu. Em i bin wok wantaim wanpela waitman.

Long ten klok long ti rum waitman ya tokim Kanage olsem, "Mi bilong Australia na mi wok long plant kantri." Na Kanage tok, "My peren tell me names of the katres you walk about." Waitman em harim Kanage tok em i katres na skin gras bilong em i kirap na waitman tok "What do you mean by katres?" Kanage tok sori peren I am talking about countries." Na waitman tok, "I've been to America, India, Africa, Rome and many places. Okay Kanage your tum, to tell mi which countries you've been to?" Kanage tokim waitman ya olsem, "Lasia I've been to America and back to Niugini." Na waitman go tok, "Oh, you've been to Russia to America and back to PNG." Kanage kirap na tok "Las ia ya! I haven't been to Russia but America and back to PNG." Waitman ya tingting i go na tok, "Friend you said 'Last year' you've been to America and back to PNG?" Na Kanage tok, "Ya las ia ya!" Na waitman ya tok, "Kanage Nugini man use your head and pronounce clearly." Na Kanage tokim, "Peren yu must take easy lona mi kain man i stap long en.

Walter Sonny Hett
Kalnantu

Kanage kaikai kol kaukau wantaim sipsip gris na em traut i go tulait. Ai bilong em i go insait na het i pen. Taim em i go long haus sik nes meri i askim. "Wantok yu olsem wanem?" Kanage bekim na tok "Mi trausis long nau i go aste." Samting tru em laik tok "Mi traut long aste i kam nau" tasol toktok i popala.

Matt Dedeboh Holeyah
Banz

Kanage i bilong ples Kobuta long Obura Waninara distrik. Wanpela moning em i tokim Misis bilong em long tupela i go long gaden baksait long bikpela maunten. Tupela i go stap na painim kaikai na paia pinis na tupela i karim i go bek long ples. Taim tupela kam antap yet long maunten, Kanage i abrusim misis na tok "Kila em hevi ya!" Na em i abrusim meri bilong em na kukim. Na meri bilong em singaut na tok, "Plis inap yu go lusim na kam helpim mi?" Kanage kirap na bekim tok olsem, "Misis yu save mitupela wan bodi na mi no inap helpim yu. Ol arapela tokim mi long helpim ol bai mi helpim ol." Na Kanage em kam pinis long ples na Misis bilong em kam bihain na krosim Kanage olsem "Son of the beast" na Kanage bekim tu na tok yu tu "Sanap long bris."

Sonny Hett
Kalnantu

Kanage i bin spak nogut tru na go long wanpela lotu bung. Em putim nem bilong em long singim song o autim testimoni long sios. Taim siaman o song lida kolim nem bilong Kanage, em i go long pulpit na stat long singsing olsem, "Jisas yu namba wan." Mi yet mi namba tu. Yu i stap long heaven, mi stap long graun insait long Kalakai maket. Man, ol kristen i no wanbel na singaut nabaut na Kanage isi tasol ran i go long haus. Manki SKN ya longlong blut stret bilong Siko.

Matt Dedeboh Holeyah
Banz

Kanage em i bilong Sigiri viles yet na em i go wantaim ol viles man long bus long painim wel pik. Ol man ranim pik i go tasol Kanage bagarap long toilet, na em sindaun long bus i stap. Sem taim wel pik i ran stret long ples Kanage i hait long en. Kanage kirap nogut long lukim wel pik na em tekov long bus. Bikman ya lus tingting long trausis. Pik ya pret long lukim Kanage as nating na paul na em i go bek long ol man. Ol man kilim wel pik na kaikai mit tasol i no isi long stori bilong em long ples.

Matt Dedeboh Holeyah
Banz

Kanage i bilong Bogia na em i marit long Biiala Wes Niu Briten provins. Tupela i gat wanpela pikinini meri tasol na krismas bilong em i sanap olsem 19-pela krismas. Wanpela taim ol i stap long Madang na i laik go long Biiala. Taim ol i go kamap long ples balus long Madang na Kanage i kirap tokim meri na pikinini long tupela i go pas long Biiala. Mi bai stap liklik bikos mi no lukim gut ol flaing foks na ol meri biutiful Madang pastaim na bai mi i go long Oil Palm kantri. Taim tupela mama na pikinini i go kamap long ples bilong tupela na i no long taim na tupela ringim paps Kanage olsem tupela i marit pinis. Olo man Kanage i harim olsem na tingting bilong em i fia nabaut na em i no kaikai na tu em i no slip long nait na tripela de na em i kisim balus long Madang na i go long Biiala. Taitim em i go kalap long ples wantu em i kisim graun malumalu na rapim long pes bilong em na tu em i kraik wantaim na kalap long PMV. Ka na i go long Biiala. Ol manmeri i lukim Kanage i kraik antap long PMV ka na ol i askim em Kanage whats wrong with you and you are crying? Man! Isi isi Kanage i tokim ol olsem my really really loving daughter dead and break my heart.

Markus Sek
Bogia

Kanage bilong Goodenough Ailan insait long Milen Be provins em i bos kru long bot bilong ol Misen ol i karim long St Augustine na i save ron namel long Alotau. Wanpela taim ol i go sua long Alotau long bik moning na Kanage i no kaikai long nait olsem na em hangre nogut tru. Baga kisim baks tasol na tekov stret long fud ba kamautim mani putim long kaunta na tokim meri long kaunta, "excuse me my sista I want meat inside flour". Meri i paul na askim em gen, "what is it?". Kanage tokim em gen, "I want flour, inside meat". Meri i painim hat na em tokim Kanage you point. Orait Kanage i pointim stret long meat pie. Oh yel Meri ya i no isi long lap long Kanage em kilim stret long lap na hap toktok tasol na meri lusim olgeta strong bilong em.

Maxwell Yawi
Vanimo

Kanage i bilong Sandaun. Na wanpela taim long bikpela moning tru em kirap long bet kaikai pinis na em laik i go long wok. Tasol Junia Kanage iwok long kraik long go wantaim em long wok na Kanage kisim junia i go daun long rot na baim wanpela paket twisties long wanpela tred stua na givim em na tokim em long go bek long mama. Orait Junia Kanage i pinis kraik na em wokabaut i go bek long haus na lusim papa bilong em i go long wok. Junia Kanage wokabaut i kam na em lukim wanpela samting ol waitman save yusim pinis na ol tromoi i stap na boi amamas nogut tru. Em i go kisim dispela samting na wok long winim olsem balun na karim i go long haus. Na taim em kamap long haus mama bilong em lukim em na em askim em yu holim wanem na winim ya. Na boi i kirap na tokim mama bilong em olsem em balun bilong mi papa baim na givim mi. Taim mama bilong em laik kam kisim em i karim ronawe i go insait long haus na mama bilong em isi tasol i go insait na kisim na tromoi long en.

Bee Kay
Vanimo

Kanage em bilong Kulaka lain long Not Wahgi, Banz. Em save wok long ol plente-sen. Wanpela Sarere em i kalap long PMV na tingting long go raun long Banz maket. Insait long dispela trak o PMV i bin gat moa long 40 manmeri i sanap na sindaun wantaim. Ka i ova lod na i no kam antap long wara Ane maunten.

Taim draiva i senisim gia bos skru i tok, "Yupela holim strong wanem samting i stap klostu." Man Kanage tromoi han i go na holim wanpela meri Pangia na kisim pilings tru long en. Meri Pangia i no toktok bikos bos skru i asua pinis. Bihain taim PMV i go ap long maunten boskru tok i "lusim." Tasol Kanage holim yet meri Pangia ya. Isi tru Kanage tokim meri ya olsem, "Samting tru bilong man, mi holim long sait ya." Aiyo, ol pasindia long ka lap i dai tasol meri ya sem krangi.

Matt Dedeboh Holeyah
Banz



OK TEDI'S TRAINING AND DEVELOPMENT PROGRAM



□ *Chief Engineer, Oscar Tawi from Sandaun Province with a graduate surveyor. Oscar has been associated with OTML for 17 years.*


□ *Chief Surveyor, Oscar Tawi from Sandaun Province with a graduate surveyor. Oscar has been associated with OTML for 17 years.*



□ *Chief Chemist, John Sardo from Madang Province (standing) discussing data with a trained chemist.*



□ *John Nindura (right) a Geologist discussing a day's work with a drill assistant.*



□ *Paul Ingei Superintendent MHL Operation from West New Britain Province (standing) discussing operational issues with control room operators Wilson Kapmeneng, An Kosmas and Shift metallurgist Joel.*

□ *Paps Ojveka from Province (right) is Superintendent Mine Mobile workshop with a crew working on a haul truck.*



□ *Augustine Wama General Foreman Mine Production "C" Crew (left) from Oksapmin (Prefered Area) Sandaun Province. He started working with OTML in March 1988.*



□ *David Masani from Morobe Province is Superintendent Mine Operations. He has worked as a Mine Engineer and Production Foreman at the Mine. He has been with OTML for 13 years.*



□ *Eric Namaliu from East New Britain, Acting Superintendent, Mine Operations.*



OK TEDI MINING LIMITED

Congratulates PNG on its 26th Independence Anniversary

OTML has been working in partnership with the National Government and Local Communities since 1982 in providing technical training for its national workforce from the Preferred Area and the other 18 provinces of Papua New Guinea. Today, OTML is proud to have achieved 90% localisation of its workforce company wide.



**INDEPENDENCE DAY MESSAGE
BY H.E. SIR SILAS ATOPARE, GCMG, KStJ
GOVERNOR GENERAL OF PAPUA NEW GUINEA
ON THE OCCASION OF THE 26TH INDEPENDENCE ANNIVERSARY
16TH SEPTEMBER, 2001**

Greetings to the people of Papua New Guinea

On the Occasion of commemorating our 26 years of self-rule, I am humbled before God for the strength of endurance, bestowed upon our great nation to come this far. We have together weathered the turbulences against all odds, in our efforts for growth and stability, towards realising true Independence in its proper perspective.

As we reflect on the experiences of the past in our short history with mixed perceptions, I hope the event we are celebrating today will bring with it, renewed strength and determination for every citizen to transit into the new millennium with a sense of duty and commitment of our talents and aspirations, to contribute meaningfully towards the country's desired destiny for hope and prosperity.

Let us be proud of our diverse, but yet strong and vibrant cultures, traditions and customary values that have on more than one occasion proven to be our peoples source of strength and hope, that has carried us through at times in most difficult circumstances like the Bougainville crisis, Rabaul volcano, the drought and the Aitape disaster among others.

Let us not dwell on the past, pointing fingers and blaming each other for the situation our nation is in today. We have been through some most difficult times and we have survived in the end. Papua New Guineans are capable of determining their own destiny. Let us take courage, build up confidence in ourselves and look ahead with positive thinking to lay down the foundation for our children and the future generations.

Our next focus must be to achieving a strong, vibrant and stable economy with boosted reserves and drastically reduced internal and foreign debts. I applaud the initiative of the government's efforts to introduce the political party integrity act in Parliament. Political stability is important to create an environment conducive to attracting foreign investor confidence in Papua New Guinea and boost our economy.

The idea of privatisation programme for the state owned businesses which has been floating around for some time, must be seriously considered now. This is where our money from these businesses remains in Papua New Guinea, and benefits our people in terms of increased employment opportunities for our young school leavers, create business opportunities for ordinary citizens and enhance general improvement in social welfare of our people.

Papua New Guinea can not continue to live on borrowed money forever, as we have done in the past 26 years as being an Independent State. This trend will become a burden for our children and tomorrow, our leaders. A bold step is worth taking with positive thinking than to become ignorant of the urgency and need to facilitate appropriate policy initiatives that are capable of bringing maximum economic benefit to the people of Papua New Guinea.

The path to realising total Independence is a long and winding road, but together as one people, one nation and one country, we all have individually a vital part to play, to place our young and vibrant nation on equal economical and commercial competitiveness among the large global community.

It is often said that Papua New Guinea is richly blessed with abundant natural resources, a rare identity among the many developing nations and yet we are rated among the poorest countries of the world, by international rating standards. And this is even after 26 years of being an Independent State and while the development of our huge none renewable natural resources by world standards are at their peak.

The value of our kina has drastically dropped against major trading foreign currencies and the downward trend is continuing with short term rescue interjections, by the Central Bank at intervals in fear of total collapse of the economy. The effect of this situation has seen upsurge in lawlessness and poverty rate increasing rapidly. Sadly, this is the case while we are still exporting large volumes of raw commodities in copper, gold, oil and timber to name a few.

We as one people have a responsibility on hand now than later to either build our nation into a strong, stable and prosperous society or tear it apart to despair. The collective efforts of the public and private sectors, the churches, the non-government organisations, women groups, youth organisations and individuals are needed to rescue our nation from its present state of affairs. Our foreign friends can only offer assistance as requested but can not solve our domestic problems. We as a nation of concerned citizens alone can rescue our nation by putting in place appropriate rescue measures.

The private sector must be provided with a flexible environment in the market place to expand their business activities without obstacles. Such an environment is necessary to also attract foreign investor confidence and growth in business activities.

Christian churches must continue to preach the gospel of Jesus Christ without fear, maybe more vigorously now than what it has been. It is the change in heart and mind of a person that matters to bring about peace, harmony and change in a society. Papua New Guinea needs the guiding hand of Jesus Christ more so now than ever. Christian Churches have an important role to play in preparing for Papua New Guinea's future destiny by seeking God's direction and purpose for our young nation.

Every obstacle to the reconstruction and development process must be addressed swiftly and effectively. Law and order problems continue to be Papua New Guinea's major hindrance to any prospective development efforts and initiatives by governments, potential investors and organisations. This institution is not encouraging towards our efforts and struggles for sound economic recovery and physical development for Papua New Guinea.

As we prepare ourselves for the turn of the century, this is an opportune occasion to appeal to every citizen, the churches, non-government organisation, women groups, young organisations, the private and public sector to cooperate with the government and contribute meaningfully in its reconstruction and development initiatives for a strong, stable and prosperous Papua new Guinea.

As we celebrate our 26 years of Independence and new for this century, I wish every citizen a happy and enjoyable event. God bless Papua New Guinea.

Ol Spot Dro

Toksave

Salim ol dro: risalts na poin lada i kam long Wantok Niuspepa long Tunde olgeta wik. Salim long Spots Edita: Fax: 325 2579 o ringim em long telephon no: 325 2500

PORT MORESBY SOCCER ASSOCIATION

SATURDAY, SEPTEMBER 15, 2001

BISINI ONE

08:00 Y2 POM INTER. SCH V GORDON

SECONDARY

10:00 W2 BFW PS UTD V RAPATONA

12:00 Y1 GURIA V BFW PS UTD

14:00 W1 TELIKOM V ANZ UNIVERSITY

15:45 D2 BAVAROKO V BURESONG

BISINI TWO

08:00 D3 RAPATONA V ANZ UNIVERSITY

10:30 D4 M. BARRACKS V MOMASE

12:30 D1 KURTI-ANDRA V TAWALA

14:30 PREM COSMOS V ANZ UNIVERSITY

SUNDAY, SEPTEMBER 16, 2001

BISINI ONE

08:00 Y2 ARNOTTS ELA UTD V BAVAROKO

10:00 W2 KULA V TELIKOM

12:00 Y1 COSMOS V RAPATONA

14:00 W1 COSMOS V WMI

16:00 D2 HAKU V WMI

BISINI TWO

08:00 D4 BFW PS UTD V LBC DEFENCE

10:30 D3 JAHA V MANAMBU

12:30 D1 BLUE KUMULS V MURAT

14:30 PREM BFW PS UTD V LBC DEFENCE

POINTS LADDER

WOMENS ONE

TEAM	P	W	D	L	F	A	PTS
TELIKOM	18	15	3	0	32	1	48
COSMOS	18	13	3	2	45	5	42
ANZ UNIVERSITY	18	13	4	1	34	9	44
WMI	18	10	3	5	32	13	33
TARANGAU	18	7	2	6	18	22	26
LBC DEFENCE	18	6	4	7	14	20	22
OROGEN	18	5	2	11	13	29	17
GURIA	18	4	4	10	9	21	16
SOBOU	18	2	2	14	5	34	8
BAVAROKO	18	0	3	15	3	50	3

WOMENS TWO

BFW PS UTD	17	15	3	0	48	2	48
RAPATONA	17	15	1	2	34	4	46
KULA	17	10	6	2	29	4	36
TAWALA	17	7	6	5	10	4	27
CYCLONE	17	6	1	11	10	20	22
SP BREWERY	17	7	2	9	9	14	23
MURAT	17	5	4	9	10	10	16
FALCON	17	5	1	12	8	24	16
MADGAUNS	17	2	0	16	4	50	6
ARNOTTS ELA UTD	17	1	2	15	1	28	5

PREMIER DIVISION

ANZ UNIVERSITY	18	11	6	1	43	18	39
BFW ELA UTD	18	12	2	4	33	11	38
COSMOS	18	10	4	4	37	18	34
LBC DEFENCE	18	10	2	4	32	13	32
RAPATONA	18	8	6	4	26	14	30
BABAKA	18	8	1	9	30	38	25
GURIA	18	5	3	10	23	28	18
TELIKOM SP	18	4	3	11	26	38	15
STEAMIES YM2	18	3	5	12	11	30	14
KULA	18	2	2	14	22	65	8

DIVISION ONE

BLUE KUMULS	18	14	2	2	37	11	44
TAWALA	18	11	6	2	30	14	37
MURAT	18	10	4	3	33	12	34
HLB POM UTD	18	9	5	4	34	17	32
KURTI-ANDRA	18	8	6	4	20	17	30
NANIU	18	7	6	5	21	17	27
TARANGAU	18	8	1	9	33	25	25
CYCLONE	18	3	4	11	10	27	13
DOBO MURIKA	18	3	3	13	14	48	12
SOBOU	18	2	1	15	14	49	7

DIVISION TWO

BAVAROKO	18	10	5	3	30	20	35
HAKU (MUNGKAS)	18	9	4	4	30	18	33
BURESONG	18	9	4	5	29	20	31
NOMADS	18	8	4	6	30	16	28
WMI	18	8	4	6	33	23	28
PANGTEL NISCO	18	7	3	6	28	22	24
DOLOS	18	7	2	9	24	28	23
WANZESI	18	5	6	6	19	25	21
AIGOB	18	6	3	9	17	30	21
DATEC DUJU	18	1	4	13	11	34	7

DIVISION THREE

MOMASE	17	11	4	2	27	10	37
MANAMBU	17	10	6	1	25	6	36
JAHA	17	9	4	4	22	9	31
M. BARRACKS	17	9	5	3	22	8	32
JR KE CLUB	17	7	6	4	19	16	27
MUMA	17	4	6	7	19	18	18
EDA RANU	17	4	6	7	16	26	19
ARNOTTS ELA UTD	17	3	6	8	12	18	15
SUNSET	17	3	3	12	14	31	11

DIVISION FOUR


ANZ UNIVERSITY	18	11	6	1	25	9	39
RAPATONA	18	11	4	3	18	11	37
BFW PS UTD	18	7	8	3	21	15	29
LBC DEFENCE	18	7	8	3	18	15	29
COSMOS	18	7	7	4	20	13	28
TELIKOM	17	7	8	8	25	16	26
BABAKA	18	8	6	6	13	18	24
GURIA	18	2	7	9	10	13	12
YM2	17	1	9	7	11	18	12
KULA	18	0	1	17	4	40	1

YOUTH DIVISION ONE

RAPATONA	18	10	5	3	20	12	35
COSMOS	18	9	7	2	18	8	34
BFW PS UTD	18	8	6	4	23	19	30
GURIA	18	9	2	7	23	19	29
LBC DEFENCE	18	6	3	7	18	15	23
BABAKA	18	6	5	7	13	15	23
ANZ UNIVERSITY	18	5	6	7	10	15	21
TELIKOM	18	4	4	10	13	27	16
KULA	18	4	3	10	12	32	15
YM2	18	2	5	11	9	30	11

YOUTH DIVISION TWO

POM INT. SCHOOL	16	9	4	3	19	14	31
BAVAROKO B.	16	9	3	5	21	16	30
GORDON SEC.	16	7	5	4	27	21	26
SUNSET	16	8	1	7	20	12	25
ARNOTTS ELA UTD	16	8	1	7	19	21	25
MURAT	16	7	3	6	24	17	24
HLB POM UTD	16	7	3	5	14	14	24
BLUE KUMULS	16	7	0	7	21	20	21
MANAMBU	8	1	1	6	3	10	4



PORT MORESBY NETBALL ASSOCIATION

GRAND FINAL
SATURDAY, SEPTEMBER 15, 2001.

DIVISION ONE - COURT TWO
03.00PM TELSTARS V MERMAIDS

DIVISION TWO - COURT TWO
12.00PM SPARROWS V ANGELS

DIVISION THREE - COURT THREE
01.00PM PELAGAI V BB KINGS

DIVISION FOUR - COURT TWO
12.00PM POINIMO V AROMA COAST

DIVISION FIVE - COURT THREE
12.00PM POINIMO V RAKAONE

DIVISION SIX - COURT TWO
12.00PM COKE WARRIORS V AROMA COAST

GRAND FINAL DAY PROGRAM
SUNDAY, SEPTEMBER 15, 2001

MASTER OF CEREMONY: MRS EMILY TAULE BEM CAROLINE LAHARI

09.45AM TEAMS ASSEMBLE AT RITA FLYNN COURTS

09.50AM OFFICIAL GUESTS ARRIVE TO TRADITIONAL WELCOME GREETED BY VICE PRESIDENT MRS IGA LAHARI

10.00AM FLAG RAISING
NATIONAL ANTHEM - MRS RABBIE GAMEDNA PRAYER - MAJOR ANDREW KALAI

10.20AM MARCH PAST WITH ROYAL PNG CONSTABULARY.

10.30AM JUNIOR PRESENTATION
SPEECHES - MRS POLE KASSMAN - PRESIDENT POM NETBALL
MR JAMIE MAXTONE-GRAHAM.

11.00AM TRADITIONAL PERFORMANCES.

11.45AM INTRODUCE UMPIRES.



12.00PM DIVISIONS FIVE AND FOUR.

01.00PM DIVISIONS THREE AND TWO.



02.00PM DIVISION SIX CURTAIN RAISER.

03.00PM A GRADE GRAND FINAL





Ol kainkain spot eksen



Souths winim PRL taitel namba tri taim

DOWNER Construction Souths i winim taitel bilong Pot Mosbi ragbi lig namba tri taim taim ol i winim Post Puma12-6 long gren fainel las wiken.

Na long ol arapela divisen, Dobo Warriors i winim Souths 10-8 long Anda 17, Souths autim Brothers 6-4 na long Fes Divisen, 7-Mile Jets i no flai antap tumas na Cowboys i sutim ol 18-16.

Bikpela gem i no paia tumas bikos tupela tim wantaim i gat ol pilaia bilong Sauten Hailens i stap long en.

Post Pumas i gat ol Souths long eria bilong Morata, Waigani na Gerehu na Souths klab i gat ol Souths bilong Gordons, Five Mile na Erima.

Gem ya i no strong long wanem tupela sait wantaim i mekim planti asua stret. Ol i tromoi bal na i no takol gut.

Souths i rekotim namba wan poin taim ol fowat bilong ol i pulim difens bilong ol i go long wanpela sait na ol i ting lus long rait winga Lapan Eadesque long go skorim trai bilong ol. Lep winga Nelson Wanga i no kikim gut konvesen na skoa i sanap 4-0.

Ol bikpela fowat bilong Souths olsem John Pandia, David Kaiabe, Mathias Suweri na Eric Abba i daunim het tru long salensim ol wantok long sait bilong Post Pumas.

Post Pumas i gat sans long skorim wanpela trai klostu long trailain bilong Souths tasol ol i kirapim na kikim gol. Hapbek bilong Pumas Norris Selu i mas tingting planti na i no kikim gut bal.

Ol boi Pumas i gat planti sans long givim bal long arapela pilaia long skoa tasol tingting bilong soim strong olsem ainman i bagarapim plen na ol Souths save isi long stapim ol.

Post i pilai strong tru i go na Selu i skorim trai. Dispela trai i levelim stret poin bilong tupela tim ya. Skoa ya i stap inap hap taim.

Long namba tu hap, Souths i kambek na pilai strong tru. Hatwok bilong ol i karim kaikai taim Timothy Nandewa i kikim penalti na ol i go pas long skoa 6-4

Post Pumas i gat gutpela sans long winim dispela gem taim Joshua Kapa i no kikim gut namba wan penalti. Orait long namba tu penalti i kisim penalti namba tu taim na skorim poin long levelim.

Pilai i go strong tru na lok fowat Johnson Kuike i putim las trai long helpim tim i winim taitel.

Brothers winim Panthers

PAULUS TALI i raitim

TUPELA tim kamapim strong-pela diwai stret long isnait bai kamap 2001, sempion long LRL.

Ol yangpela boi bilong BC Eriku, Kamkuming, Panthers i soim stret naispela stended bilong ragbi, we ol sapota tu i amamas long lukim.

Insait long namba wan hap, BHP Brothers namba 16 Peter Wagu i putim namba wan trai long bringim skoa i go 4-0. Tasol Panthes i no westim taim long bekim dispela trai i kam long fulbek Niuvia Aiwaui. Skoa nau i sanap olsem Panthers na Brothers 4.

Pilai go strong gen na Brown William bilong Brothers ran go setim Helli Walo long skoarim namba tu trai na bringim skoa i go long 8, Kik bilong Peter

Wagu i go insait na Brothers i go long 10 poin na Panthers i stap yet long 4.

Insait long namba tu hap, kosa bilong Panthers Rolpa Tau tokim ol boi bilong em, long mas takol na bek-ap.

Toktok bilong em i karim kaikai taim Elias Manius kamapim gutpela ran go givim James Peandin husat i setim Luke Awui long skorim trai long bringim skoa i go long 8-10. Oraitim Kup Sawagi i kikim konvesen na dispela i levelim skoa long 10-10 long fultaim.

Orait off-go insait long 10 minit ekstra taim. Long dispela taim nau Peter Wagu bilong Brothers i solapim pilaia bilong Panthers Moses Sipa.

Ol Panthers i kisim penalti na Sagau i kikim long bringim skoa bilong ol i go long 12-10.

Tasol Brothers i no wari. Olpela Kumul hapbek Sam

Kararana setim Wagu long skorim trai. Dispela i bringim skoa bilong Panthers i go long 14-12.

Yangpela pilaia bilong Panthers Singau kikim fil gol na bringim skoa i go long 13-14. Tasol Brothers i strong tru na skorim trai long bringim skoa i go long 18-13. Wagu i kikim konvesen na bringim skoa i go long 20-13.

Brothers kamap 2001 sempion na kisim K1000 na Panthers i kisim K750. Olgeta pilaia i kisim medal.

President Alex Dawa i tok amamas long ol opisel long wok bung wantaim SP Brewery

Mausman bilong sponso Mista Albert Tamte i tok amamas i go long Brothers long winim 2001 taitel. Bihain long gren fainel, i bin gat sampela presentesen

• Long Anda 17 divisien Spiders U17 husat i winim taitel i kisim K300 sek na BHP Brothers U17 kisim K250. Olgeta pilaia long tupela tim wantaim i kisim medal.

• U19 2001 Primia BHP Brothers K500 na Magani K250 Pilaia bilong gren fainel i to long Andrew Miutro.

Gutpela pilaia Andrew Russ Kanapa Junia.

• Risev gret em Gende 2001 - Primia BHP Brothers ranna ap Spiders.

Ol boi pilaia strong long Panthers em Niuvia Aiwin, Michael, Pomanding Taek, Taraika, Kupe Sangau, Luk Aiwini George Oba, Koma Velea, Lawrence Muia Capt. Paul David, Elias Mangut.

• Brothers BHP Peter Wagu, Peter Dai, Hella Walo, Brown William, Sam Kararo



• Sampela ol spots edministrata i kisim medal long gutpela wok long sapotim spot long kantri.

Pautani em nupela karate sempion bilong PNG

PAPUA Niugini i gat nupela sempion bilong pilai karate. Boi ya em Paul Pautani bilong Rigo husat i save pilai Kyochusin karate.

Pautani i pait wantaim wanpela studen bilong Stanley Nandex Kikboksing Gabi Yura long fainel na winim em long poin.

Walter Schnaubelt i no pait bikos em i wok long go pas long stretim ol samting bilong dispela sempionsip.

Nandex i putim tripela paitman tasol. Wanpela bilong ol em

Yura husat i pait long fainel egensim Pautani. Pautani i bin kamap namba tu long Schnaubelt las ya long sem tonamen.

Kikboksing tim em strongpela tru. Planti man i guria olsem dispela grup i go pait long dispela sempion. Tupela paitman Gabi Yura na John Koroke i wok long kamapim strongpela pait stret.

Tupela grup, kikboksing na haikido i kamapim gutpela pait na dispela i soim olsem neks ya ol bai kamap strong long putim gutpela salens.

Sampela strongpela pait i kamap long divisen bilong ol meri na tu long junio divisen. Dispela i helpim tru ol ogenaia long luksave olsem dispela ya bai i gat planti ol tenis bai kamap.

Kikboksia Koroke i autim pinis olgeta birua tasol long namba wan fainel bilong em. Pautani i autim em. Tupela i dro na to pait long ekstra taim. Tasol eksperiens bilong em i tasol i helpim em long winim Koroke na tu winim las pait egensim iau-pas Yura long gren fainel.

Enos husat i lus long Pautani long semi fainel i kisim namba tri ples. Na namba foa ples i go long tim bilong Pautani yet.

Na long wimens divisen, Freda Kurabi i stapim tupela biknem paitman long winim taitel bilong ol meri. Em i soim tru olsem neks ya bai gat planti moa pait i kamap long dispela sempionsip.

PNGFA bai kisim helpim long Gol Projek

FIFA, wol soka bodi i oraitim pinis PNG long kisim helpim mani i kam aninit long Gol Projek.

Mausman bilong FIFA long Osenia Rijen Glen Turner i mekim dispela toktok las wik taim em i kam raun luk-luk long kantri.

Taim Mista Turner i raun long Goroka na Lae na toktok wantaim ol hetman bilong Nesanel Spot Institut na tu PNGFA long soka stedium.

Em i tok nau FIFA i makim pinis PNG long kisim helpim mani, nau wok bilong PNGFA em long skelim wok long wanem projek bai kamap.

Mista Turner i tok FIFA i no inap givim mani. PNGFA i mas mekim projek proposal i go long em na bihain ol i ken givim aut mani.

PNGFA bai kisim mak bilong mani inap long. US\$1.3. milien.

Mista Turner i tok mani i stap na nau em ol eksekutiv bilong PNGFA i mas pasim toktok wanem projek bai kamap pastaim.

Aninit long Gol Projek, PNGFA i tingting long kirapim soka stedium long Lae. Na long stedium, PNGFA i laik wokim hetopis bilong em, haus slip, soka koles, na tupela soka fil.

Ektim sekretari Paul Pondo i tok dispela toktok bilong Turner em gutpela nius. Olsem nau olgeta opisel bilong PNGFA i mas wok bung wantaim long mekim dispela projek i karim kaikai.

Turner i tok PNGFA nau i mas putim wanpela ripot wantaim na em bai kisim i go long Gol Projek Bireu long Zurich. Long dispela taim, em bai putim dispela ripot na FIFA bai skelim.

Em i tok sapos i no stret yet, ol bai bringim gen ripot ya i go long Januari neks ya we ol i ken toktok long em.

Mista Turner i tok FIFA i wari long mani long ol i mas Yusim gut long projek. Olsem na PNGFA i mas putim gut dispela ripot (proposal) long kisim i go long presentesen de long mun Oktoba.

• Insait long arapela stori, PNGFA i bringim bek Nesanel Klap sempionsip bilong man i go bek long Kimbe.

Las wik, i gat planti kros namel long ol eksekutiv long i no mekim wok na ol i surikim i kam long Pot Mosbi.

Insait long wanpela pas, ektim sekretari, Pondo, i tokaut olsem Kimbe bai holim dispela tonamen. Nu Briten Oil Palm Limited na Wes Nu Briten bai go pas long tonamen.

Guria bai paia aut wantaim Uni

LAHI Soka Asosiesen i wok long pilai nau long fainel raun bilong em long dispela wiken.

Long dispela wiken, tupela strongpela tim bai painim husat tru bai pilai long gren fainel.

Uni primia i bin autim Guria 3-2 long go pas long poin lata. Guria i stap namba tu.

Ol boi Guria gat bilip dispela em gem bilong ol. Straika bilong ol husat i wanpaal studen long Balob Tisas Koles Suni Dven. i bin kilim skin bilong ol na winim gem.

Narapela ki pilaia tu David Panap bilong Guria em bai stap risev. Sapos em i fit long dispela wiken, em bai pilaia na Felix Manau bai go stap long riserv.

Sobau i winim maina primia na YumiFM Uni i kisim namba tu ples na Guria i stap long namba tri.

Ol arapela gem i bin kamap las wik i stap olsem:

Long Anda 19 divisen Asiawe winim Bugandi 3-1 na Sobou autim TTC Bullets 2-0 na E.S United 4 wilwilim Sobou 0.

Na long gem bilong primia 2, Bismark 4 rausim trausis bilong Sobou 1, na tupela gem bilong

primia 1 Sobou nekim Arnotts 4-2, na Bismarck i kisim trening bilong ol taim ol i waraim stret Zeebees 10-0.

Na long Sande, Elcom lus long Guria long Anda 19 gem, na long Wimens Wan gem Elcom givim blekaut long Asiawe 4-2, Guria dro wantaim Unitech 1-1, na Primia 1 em Bugandi 2 nekim Asiawe 1 na Unitech autim Guria 3-2.

Tim bilong dispela wiken namel long Guria na Unitech em i sanap olsem

GURIA: Abraham Muipe (kipa), Fine Binding, Ismael Hakaba, Sipang Bafinu, Rovu Laison, Hans Fred (capt.), elwin Nema, Donald Sali, Sabastins Fred, Bobby Gufibin, Alfred Konsie, Nicholas Pokawau, David Panap injured if it's orait he will obtain to (9) Felix to (16)

YumiFM UNITECH: Johannes Kisokau, Tony Kepou, Charut Masane, Chauck Somsik, Bill Tomaun, Albert Raukale, Chris Mulus, Aaron Yabi, Karo Geba, Loluida uss, Doublous Yewa, Firitoka Gan, Raun Kenny, Tuniona, Songan, Jimmy Reynoi's, Niutilas Puy, Yanding Tomda.



• Ol sapota na pilai bilong Goroka Lahanis i amamas bihain long gutpela win bilong ol egensim Enga Mioks. Ol Lahanis i win 30-20 long Sir Danny Leahy oval na bai bungim Rabaul Guria long gren fainel long dispela wiken long Mosbi. Foto: SAPE METTA.

Lahanis wilwilim Mioks

STRONGPELA tingting na driman bilong difending sempion, Enga Mioks long difendim dispela kap ol i holim nau i popaia na wara was taim ol i kam daun na i go daun 30-20 long wanpela strongpela semi fainel pilai agensim Goroka Lahanis we i bin kamap long Sir Danny Leahy pilai graun long Goroka las Sande.

Ol sapota bilong Mioks long Enga i bin kapsait na i bihainim bikpela haiwe i kam daun long Goroka na i go insait na i pulapim stret Sir Danny Leahy pgraun.

Tasol bikpela sapot ol i givim long feveret tim bilong ol i no helpim ol long daunim Lahanis.

SAPE METTA i r aitaim

Buko i abrusim ol na i go putim namba tu traai bilong en long kona na ol i kamaut 8-22 long hap taim.

Long namba tu hap Lahanis i go insait na wantaim sampela moa paia woks pilai i lukim Buko i bamim insait na skoarim namba tu rai bilong en, na wnataim gutpela konvesen kik bilong en, Lahanis i go pas na i no lukluk bek long wanem ol i bin i gat dispeal tingting oslem ol i win pinis.

Insait long laspela 10 minit, Mioks kirapim sampela das na skoarim

Ol meri Elcom bai brukim bun wantaim YumiFM Uni

DISPELA wiken ol susa long Elcom na YumiFM Uniteck, bai brukim bun long painim aut husat bai win long priliminari fainel long dispela wiken.

Ol susa long Elcom i bukim spes bihain long ol i daunim pawa bilong ol lain meri Lusaip Asiawe skoa 4-2.

Bihain long dispela wiken-wik long primineri fainel na Yumi FM Uni i sindaun long seken ples na Elcom namba tri na Guria i winim maina primia.

Ol meri long Guria, nau sambai tasol long bungim wina bilong Yumi FM Uni na Elcom.

long gren fainel.

Tim menesa bilong Elcom Rose Obi i tokim *Wantok* olsem gem bai strong inap husat skoa pas bai winim gem.

Na long Wimens Divisen 1, Eastern Star United bai pilaiim Defence na United bai winim dispela gem.

Mioks putim ai long daunim Rabaul Guria na winim SP Kap long gren fainel long dispela wiken.

Ol sapotas bilong Lahanis tu i bin kapsait olsem ol sapota bilong Mioks, na givim ful sapot long tim bilong ol. Yu save em asples na ol Apo yet, ol i daunim na memeim stret driman bilong Mioks long win,

Dispela SP Kap i stap nau long maket na husat tim i kamap wina namel long Goroka Lahanis na Rabaul Guria bai kisim dispela Kap.

Long kik ov bilong displa bikpela semi fainel pilai Goroka Lahanis i no wetim taim. Ol i tromoi bal i go i kam na taim ol i kamap long 20 mita mak bilong Mioks, faivet bilong Lahanis, Abraham Henao i putim ap wanpela sip - kik we i rol i go insait long han bilong smok balus winga, Jeffrey Bai hsuat i ran i go na slip i go na slip antap long trai lain klostu long kona. Huka Fatty Buko i abrusim konvesen kik na Lahanis i go pas 4-0.

Bihainim dispela trai, Lahanis i paia gen we i lukim yangpela senta Mac Siwi i ran bihainim kik bilong Nime Kapo na skoarim narapela trai bilong Lahanis aninit long tupela gol pos na David Buko i kikim gut konvesen kik na Lahanis i surik i go aps wnataim 10-0 skoalain.

Insait arapela tupela minit Lahanis i ranim bal i go i kam na salim kepten Steven Sike i go na slip antap long trai lain long kona. Buka i kikim gut konvesen kik na Lahanis i go op 16-0.

Long dispela taim Mioks i oge-naisim ol yet gut na bihain long smapela gutpela bal wok, winga Leo Sapane i go na putim pes trai bilong ol long kona na ol i kam bihain 4-16.

Pilai kamap strong na tupela tim wantaim i kamapim presa long pilai na i paia i go i kam. Na ol pilaias bilong Lahanis husat i paia stret long dispela namba wan hap i putim ap wanpela kain stail pilai we i mekim ol spektetas i kalap kalap na signaut i go i kam taim ol i tromoi bal i go i kam na paulim stret ol pilaias bilong Mills. Taim ol i paul i stap, senta David

tupela trai em Stanley Tepen na Raymond Karl i putim.

Bipo long ful taim stret Buko i kikim wnaepal penalti kik na ol Lahna is i danis i kam aut 30-20 wina long ful taim.

Bihain long dispeal bikpela semi fainel pilai kosa bilong Lahanis Leva Tete i tokim *Wantok* oslem dispela win em i no kamap nating.

"Dispela win i kamap bikos ol pialais bilong mi i putim het wantaim na i pilai oslem wnapela tim. I tru oslem ol i bin mekims ampela liklik asua, tasol bikpela samting em ol i bin yusim ol gutpela tektiks na i bihainim stret gem plen we mipela i setim. Na win em i kamap na mi i gat bikpela amamas long ol pilaias bilong mi," kosa Tete i tok.

Em i tok, wantaim bikpela rispek, em i hamamas long Mioks hsuat i givim tim bilong em hatpela gem.

Taim *Wantok* i askim em long lainap bilong em long gren fainel, Tete i tok, "mi bai yusim dispela sem lainap we i daunim Mioks long Goroka isnait long dispeal semi fainel pilai."


Em i tok em bai yusim ol strongpela na nem pialais bilong em oslem Makali Aizue, Lawrence Gove, Tarzan Malaguna, Fatty Buka, Steven Sike na Tai Onise long i go pas na lukautim ensin rum long fran lain.

Na long beklain hapbek, Nima Kapo bai i ken i go pas long lidim ola rapela pilaias olsem Mac Siwi, David Buko, Abrahm Henao, Jeffrey Bai, Francis Seu na Nigel Hukula long givim hat taim long ol Guria taim tupla tim ya i bung long gren fainel.

"Na mipela i drop bek na pilaim Mioks we mipela i win. na nau bai mipela i pilaim ol (Guria) long gren fainel, Mipela i luk fowat tasol long bagrapim sindaun bilong Guria na karim dispela SP Kap i kam bek long Goroka," em i tok.

PAINIM BAL RESIS

NAMBA 8



RUL BILONG PILAI:

1. Makim X long boks long potu yu ting bal i stap
2. Makim X long pen tasol
3. Katim potu long sisos na salim long: **PAINIM BAL RESIS NAMBA 7, Wantok Niuspepa, P.O. Box 1982, Boroko, NCD.**
4. Nambawan entri i makim stretpela hap bal i stap, em bai win.
5. Las de bilong kisim ol entri em Fraide 31 Ogas, 2001.
6. Long Wantok bilong Fonde Septemba 27, bai gat nupela K100 prais mani resis. Bai gat resis bilong olgeta mun i go inap mun Desemba, 2001.
7. Disisen bilong komiti i makim wanpela wina em i fainel.
8. Wina bai kisim sek mani, na i no long kes.
9. Sapos nogat wina bai skruim win moni i go long narapela resis.
10. Yu ken salim moa long wanpela entri, tasol noken yusim potu kopi.
11. Ol wokman meri na pikinini bilong Wantok i no stap insait long dispela resis.

Raitim nem na adres bilong yu: **Nem**.....**Address**.....

.....**Krismas**.....

Yu ken salim moa long wanpela entri, tasol no ken yusim potu kopi.

Soka kukim stret ailan Karkar

FUZO PAUL i raitim

KIDOKA Soka Asosiesen insait long wokim eria bilong Karkar Island i go insait pinis nau long pilaim ol nokaut soka resis bilong em.

Strongpela tims olgeta i bin kam sianit long painim ples bilong kamap namba wan insait long dispela yia soka resis, tasol planti i no bin pait strong na i bin pundaun we ol nau i no inap kisim pels bilong namba wan 8 trais long resis insait long go gren fainel.

Ol namba wan na strongpela 8 primia tims we nau i go insait i no long nogut resis em Ub's Wakult, Minix, KDE, Bala bities, Kinias na K-Mix kosa long painim pait long go insait long

gren fainel i dai pinis long las wiken Sande lik i bin pulim manki manmeri na pikinini insait long klinim staesen na ples klostu we ol i bin kamap long sapatim ol feveret tims bilong ol.

Soka graun i bin pulap na paia stret wantaim ol kainkain kala na pawa bilong Waskia, we ol lain mekim bikipela trai maski dispela san i bin kukim ol. Bikipela pliai bilong apinun we i bin mekim ol sapatas i welwel long stap namel long Minix primia taim bilong kisim ples na Bites tok bilong Gial ples we strongpela salens na planti save bilong pliai wantaim bal i bin kamap ples klia.

Tupela tim wantaim i bin pilai strong tru na putim kamap strongpela salens wik i soim strong na pawa bilong tupela, tasol banis bilong.

Bites i no bin strong tumas na dispela i bin givim sans long Minixlong Suwai wanpela naispela gol, we Telikom bikipela pairap na Kukinda long Humben Noug Bites insait long 10 minit bilong wanba wan hap long pinis bilong pilai hap taim, Minix bin ran pas wantaim wan gol na Bites i nogat.

Long namba tu hap bilong pilai Bites i bin putim gut gol het wantaim na i bin pait bek strong tru, tasol pawa bilong Minix i bin strong tumas long ol saveman bilong Bitses long wetim na painim hul long brukim na mekim long Humben bilong Minix.

Tupela minit bipo long pinis bilong pilai, liklik hevi i bin kamap we i bin kamapim pait namel long ol pilais na sampela ol sapatas.

Sobou autim Arnotts

SOBOU klab insait long Lahi Soka Asosiesen i soim tru pawa olsem ol i laik winim 2001 soka taitel.

Ol i soim laik bilong ol taim ol i memim stret birua tim Arnotts Bisket 3-0.

I tru Arnotts i switpela bisket tasol bata i drai na ol boi Sobou i bagarapim tru sindaun bilong ol.

Tupela tim wantaim i soim kala bilong soka. Ol boi Arnotts i no wari long wanem tim bai win o nogat.

Ol i pilai long amamasim ol sapat bilong ol.

Samting olsem 10-pela minit i go insait long pilai, Peter Purari i skorim namba wan gol bilong ol.

Dispela gol i kirapim tru skin bilong ol Sobou long pilai.

Kuris Arip i setim Gabriel Amiea long skroim namba tu gol.

Samting olsem 25 minit gen,

Purari i pairapim umben bilong ol lain Sobou gen long skorim namba tri gol bilong ol.

Ol boi Arnotts i traime olgeta strong bilong ol long win tasol nogat ya.

Win bilong Sobou i mekim ol i kamap olsem maina primia. Ol bai salens wantaim 5-pela arapela tim ya.

Insait long namba tu hap, midfil bilong Sobou i stat long wok gut tru. Ol i pilai i go na Jeffrey Sam.

Skoa nau i sanap olsem Sobou 4 na Arnotts 1.

Ino longtaim gen, Arnotts i skorim narapela gol i kam long Tony Andrew long bringim skoa Sobou 4-2.

Biknem pilaia na kepten Richard Daniel wantaim ol boi bilong em Sobou i lokim tru Arnotts na skoa i no senis 4-2 long fultaim.

Guria winim soka maina primia taitel

JAMES KILA i raitim

PRIMIA tim bilong ol man Guria i winim maina primia fainel bilong Goroka soka asosiesen bihain long olgeta sisen gems i bin pinis long las wiken.

Insait long wimens, primia divisen, ol maina bilong Telikom husat i maina primia bilong las yia i strong yet na winim gen taitol bilong 2001.

GSA i no inap long holim ol fainel bilong long dispela wiken bikos long Goroka So we bai kamap long Nesanel Spots Institut (NSI) pilai graun.

Interim presiden bilong GSA, Matthew Waram i tok ol bai holim ol fainel bilong asosiesen bihain long Oregon Skul bois soka sempionsip. Ating fainel bilong GSA bai kamap long stat bilong mun Oktoba.

Tim we i kam namba tu long Guria long mens primia divisen em ol bagaros bilong Goroka Yunaited. Namba tu long wimens primia divisen em ol meri nogut bilong Guria yet.

Insait long risev gret na ol yangpela i save pilai tim i go pas na em maina primia em Lynx. Tim wan kam namba tu em Momase. Long risev gret bilong man na ol staf lain bilong Telikom yet.

Waram i tok olsem dispela 2001 em wanpela yia we i lukim GSA i putim bikipela luk-save bilong ol long disiplin na mekim kamap gut gen asosiesen bilong ol.

Em i tok sampela ol bikipela eria ol lukluk long en em gutpela klab edministresin, lo em konstitusen bilong ol sans wan klab na ol narapela bikipela samting olsem.

Waram i tok ol i laik surikim wok em Dokta Peter Siba wantaim eksekutiv bilong em i kirapim long las yu.

Em i tok tu olsem i bin gut ol liklik ol hevi i kamap, tasol ol dispela lain bai bringim ol mekim save i kam long ol disiplineri komiti.

Waram i amamas tu long tokaut olsem Lod Meya bilong Goroka, Mista Michael Gotaba i tok long helpim GSA wantaim K1000. Dispela em wanpela gutpela sapat tru.

Em i tok ol narapela binis haus long Goroka tu olsem Misis E. Kimisopa bilong Labels Kloting na Highlands Traders i bin kam gut long givim sapat long GSA.

Dispela pipel bilong ol bai mekim na GSA i ken kisim mipela uniform long salim tim bilong ol long o dffeniim Hallans Rijinel Taitol ol i bin winim long las yia.

Waram i tok Goroka soka is ave mekim gut tru long rijinel tonamen tasol planti bisnis haus na ol komyniti long Goroka taun i no save. Olsem na ol i bilip ating insait long dispela Hallans Rijinel tonamen we bai kamap long Wabag, GSA bai soim tru kala bilong en.

Chevron givim K10,000 long skul soka



• John Mogi wantaim tripela pilaia Nanai Amona, Grace Abaijah na William Mobbs i kisim mani long Mista Gazawe bilong Chevron

DISPELA wik Chevron i givim K10,000 long salim ol representetiv tim i go pilai long Queensland Age Group soka salens na tu Orogen Soka salens long Goroka.

Paul Gazawe bilong Chevron i tok kampani bilong em i helpim Pot Mosbi Skul Soka long wanem ol yet i wokim pinis sampela mani long ol yet. Nau yet Pot Mosbi Skul Soka i wokim K80,000 long salim ol tim.

Teknikel dairekta bilong Pot Mosbi Skul Soka John Mogi i tokaut olsem ol i save tim i kam aninit long School of Excellence skwat. Dispela em ol yangpela pilaia ol i makim na ol i save kisim spesel trening ya.

I no longtaim mesa sponsa Orogen i givim K40,000 long helpim holim dispela tonamen na tu salim tim i go long Australia. Dispela mani em las mani em Orogen i makim inap long K100,000 long soka.

Arapela K60,000 em Orogen i givim long stat

bilong soka sisen long dispela yia.

Menesing Dairekta bilong Orogen Francis Kaupa i tokaut olsem dispela helpim mani em i laik long kamapim kosing klinik long skul soka. Dispela kosing klinik bai kamap long Goroka long sampela taim bihain.

Hap mani bilong dispela sponsasip em ol bai sapatim wanpela tim long go pilai long Australia long pinis bilong yia.

Dispela skul soka resis i kamap long olgeta hap bilong kantri olsem Pot Mosbi, Manus, Goroka, Kavieng, Namatanai, Kimbe, Tabubil, Vanimo na Aitape.

Mausman bilong Skul Soka long Pot Mosbi, John Mogi i makim olgeta skul na mekim bikipela tok amamas i go long Orogen kampani.

"Sapos nogat kain helpim long ol sponsa, ating dispela wok bai i no inap kamap strong long Pot Mosbi na tu arapela hap bilong kantri," Mogi i tok.

Insait long arapela

stori, wok redi long bikipela Orogen Skul Soka salens i ran gut try ya.

Dispela tonamen i pulim moa long 72 tim long kamap long resis. Ol tim ya bai kamap long Pot Mosbi, Lae, North Goroka na Tabubil.

Bai i gat resis long dispela ol divisen Anda 11, Anda 13, Anda 16 (man), Anda 16 (meri), Anda 17 (man) na Anda 17 (meri).

Ol ogenaising komiti i makim olsem bai i gat 4-pela meri long wanpela taim sapos Anda 13 i laik putim tim. Ol i laik olgeta pilaia long dispela tonamen i mas samatin long skul.

Rejistresen fi bilong wanwan tim em K100. Dispela olgeta mani ol i mas baim bipo long Septemba 7 em long dispela wik Fraide.

Ol komiti i tok olsem astinging bilong tonamen em Fair Play. Ol i askim olgeta tim na opisel long bihain astinging bilong dispela tonamen na pilai stret bihainim rul bilong ol.

PAULUS TALI i raitim

BIKPELA kik resis we i save kukim Wewak taun long olgeta yia i stat gen. Dispela em Somare Sil we i save pulim ol soka tim insait long distrik long salens long winim dispela prais.

Siaman bilong Somare Sil Fanston Yanien i tokaut olsem dispela soka resis i no nupela samting. Em i save kamap olgeta yia long Wewak na em i stat long yia 1970 i kam inap long 1991.

Em i stap long wanem ol ogenaia i no lukautim gut. Ol i statim gen las yia long traime pulim ol lain i save pilai soka long bung wantaim.

"Mipela i statim las yia long traime kamapim nupela kain sistem we ol top soka tim long distrik i bai mas salens," Yanien i tok.

Somare Sil we i stat long dispela wik i pulim moa long 32 tim. Sempion tim bai kisim K4,000 wantaim prais. Ol arapela tim i pinis namba tu, namba tri na namba fua tu bai kisim prais.

Aninit long nupela sistem, 20 tim tasol bai resis. 10-pela tim bai stap long wanwan pul.

Long kamapim strongpela kompetisen, Wewak Soka Asosiesen insait long taun i ken putim top tri tim. Dispela i ken mekim ol pipel long viles na distrik level i luksave long kain standed bilong soka long taun.



• Sir Michael Somare.

WANTOK SPOTS

Manus i strong nau long pilai resis

MANUS bai salim wanpela bikpela tim long go pilai resis long Nesenel Trek na Fil sempionsip long Goroka. Dispela sempionsip ya bai kamap long Septemba 29-30 long Nesenel Spot Institut.

Ripot i kam long Provinsal Spot Opis long Lorengau i tokaut olsem Manus bai salim planti ol rana long dispela sempionsip. Rabaul na Kimbe tu bai salim tim bilong ol long dispela resis.

Rabaul bai i no inap salim bikpela tim. Tasol ol bai salim wanpela strongpela tim we Peter Pulu na Ivan Wakit bai go pas long en.

Kimbe bai salim tupela rana tasol long joinim dispela skwat bilong Niugini Ailan rijen tim.

Presiden bilong PNG Atletik Yunion Tony Green i tok olsem Not Solomons na Nu Ailan i no tokaut yet sapos ol bai salim ol rana o nogat.

Mista Green i tok ripot i kam long Western Provins i luk gutpela long wanem tupela biknem rana bilong bipo olsem Baobo Neuendorf na Paiwa Bogela i kosim tim bilong Daru na Balimo.

Ol bai salim wanpela strongpela tim long kalap na resis (hurdles). Ol senta bai karim nem bilong Western provins em Kiunga, Daru na Balimo.

Is Sepik bai soim pes namba wan taim long dispela nesanel sempionsip. Bikpela tenk yu i go long Georgina Numbasah em wanpela tisa long Passam Nesenel Hai skul. Em bai go pas long wanpela liklik tim bilong ol skul mangi.

Tim bilong Is Sepik i gat nem bilong brata bilong Clement Abai. Em bai makim Sepik long dispea sempionsip. Abai i skul nau long Amerika we em em i save resis makim Yunivesiti bilong em.

Isten Hailens na Simbu bai putim planti moa ol yangpela long dispela sempionsip bilong resis.

Mista Green i tok em i no kisim ripot long ol arapela senta insait long hailens. Busu Hai Skul na Markham Valley Hai skul bai makim Morobe province. Dispela tupela skul i wok long kamapim planti ol sempions rana ya.

Madang i soim pinis laik long resis tasol ol i no tokaut long hamas rana ol bai salim long dispela sempionsip.

Em i askim olgeta senta husat i laik stap long resis i ken ringim PNGAU opis long Goroka. Ol tim i gat tupela wik i stap yet we ol i ken rejista long stap long sempionsip.

Lahanis bai brukim bun bilong Guria

BIKPELA grenfainel bilong SP Cup bai stap namel long Goroka Lahanis na Rabaul Guria long dispela wiken. Dispela fainel ya bai kamap long Llyod Robson oval long Pot Mosbi long Septemba 16.

Rabaul Guria bai soim strong olsem ol i

sempion tim. Taim tupela i salens long kompetisen, Guria i winim olgeta gem egensim Goroka Lahanis.

Na Lahanis bai soim olsem ol i pilai strong long winim gem. Ol i save kamapim strongpela takol na difens long

mekim ol tim i surik taim ol i pilai long ragbi lig kompetisen.

Rabaul i bukim namba wan spes taim ol i winim Lahanis 23-21 tupela wik i go pinis. Na Lahanis i kambek na salensim Enga Mioks las wiken. Ol boi Isten Hailens i soim pawa na strong na mekim save stret long ol boi Wabag 30-20.

Long skelim tupela tim, Guria bai yusim spit bilong em long winim gem. Ol fowat na beklain i gat spit we ol arapela tim insait long SP Cup resis i nogat.

Stail mangi Chris Purkikil, Michael "Freeway" Marum, Jessie Alunga na lapun na wip yet Normyle Eremas i bai go pas long win. Dispela ol pilaia i holim tru ki bilong win bilong Rabaul Guria.

Kepten Marum i soim tru olsem em wanpela top pilaia. Em i save pilai long Paga Panthers tasol i go bek long Rabaul na joinim Rabaul Guria.

Long Pot Mosbi, em i soim tru olsem em wanpela top pilaia na i kepten bilong Pot Mosbi Vipers. Dispela wok i kisim em i go kamap namba tu kepten bilong PNG Kumuls long Wol Kap resis.

Bihain long Wol Kap resis, Marum i kambek long Pot Mosbi na painim aut olsem klab bilong em Paga Panthers em ol i rausim long Pot Mosbi Ragbi lig primaia resis. Olsem na em i lusim na gobek long Rabaul na joinim Guria.

Olsem kepten Marum bai go pas. Em bai kisim sapat long John Waka, Lucas Solbat, Channel Akula, James Dummie na Giamuki Tau.

Lahanis i gat ful skwat bilong Kumul olsem David Buko, Makali Aizue, Tarzan Malaguna, Lawrence Goive long fowat. Ol bai kisim sapat long lapun kepten yet Fatty Buka long brukim difens bilong Guria.

Long beklain boi Tolai Jeffrey Bai bai painim rot ya. Ol wantok bilong em bai raunim tewel bilong em ya. Olsem na sapos Lahanis i laik win ol i mas yusim gut winga bilong ol.


Liklik histori

Dispela em i namba tu taim Goroka Lahanis na Rabaul Guria bai pilai long SP Cup fainel. Namba wan taim em long 1999 we Lahanis i givim ol bikpela kiau stret.

Tasol Rabaul Guria i traim gen long las yia. Ol i no laki bikos Enga Mioks i soim olsem ol Hailens i laik holim yet SP Cup long maunten.

Olsem na em i namba tri taim Rabaul Guria bai traim bun gen long fainel bilong SP Cup. Nau ol i gat gutpela sans long wanem ol i winim pinis Goroka Lahanis long sisen propa. Olsem na ol bai yusim dispela long autim ol boi Isten Hailens.

Dispela gem bai pulim moa sapat husat bai kamap long Pot Mosbi long Hiri Moale Festival. I tru ol lain North Queensland Cowboys bai i no inap kamap tasol ol lain Lahanis na Guria bai putim kamap gutpela gem tru.



• Wanpela strongpela pilaia bilong Lahanis Steven Sike i slip long graun wantaim bal long gem egensim Enga Mioks las wiken. Mioks lus 20-30 long Lahanis. Foto: SAPE METTA

Madang holim Tas ragbi sempionsip

PAPUA Niugini Tas Federesen bai yusim nesanel sempionsip long Madang long dispela wiken long makim skwat bilong 2003 Saut Pasifik Gems long Fiji na Wol Kap long kantri Japan.

Presiden bilong PNGTF Micah Vele i tokaut olsem Saut Pasifik Gems Kaunsil i oraitim pinis tas long stap long SP Gems. Olsem PNG i mas putim wanpela strongpela tim long kisim taitel.

Pilai tas ragbi em i no nupela samting. Planti ol arapela kantri

insait long Saut Pasifik olsem Fiji, Samoa, Tonga, Niue na Cook Ailan bai putim strongpela tim long SP Gems long wanem planti pilaia bilong ol i stap long Australia na Nu Silan.

Mista Vele i tok dispela nesanel sempionsip long Madang em i welkam tasol long wanem ol asosiesen husat i afili-et wantaim nesanel bodi. Nau yet i gat 22 senta i afili-et na em i laik olgeta i mas soim pes.

Nau yet ol senta na tim i ken stap long Nesenel Tas semi-

onsip em Arawa, Bena Bena, Central, Finschafen, Kainantu, Kavieng, Kimbe Black Ants, Kwikila, Lae, Lae Corporate Tas, Lihir Main, Lihir Rural, Madang Country, Madang Town, Mt Hagen, Nokondi, Popondetta, Porgera Main, Porger, Rabaul Kaluam, Sisiak Madang na Wewak.

Mista Vele i tokaut tu olsem Peter Bernard em tonamen dairekta. Em bai yusim eksperiens bilong em long holim dispela tonamen.

Em i tokaut olsem PNG bai i no inap salim tas tim i go long ovasis. Em bai askim ol kantri long kam pilai long kantri.

• Insait long arapela stori, Siaman bilong Eda Ranu Jamie Maxton Graham i orait pinis long kamap olsem patron bilong PNGTF.

Mista Vele i tok olsem Mista Graham i orait pinis long patron na em bai traim helpim PNGTF i redi long dispela tupela intanesenel tas resis.

DISPELA WIK INSAIT LONG WANTOK NIUSPEPA



□ Lukim moa soka nius - pes 31



□ Enga Mioks aut long SP Cup - pes 30

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.